

T Ü R K   T A R İ H   K U R U M U

---

# B E L G E L E R

Gilt: V-VIII

Sayı 9-12

1 9 6 8 - 1 9 7 1

1931

TÜRK TARİH KURUMU BASIMEVİ, ANKARA

1 9 7 1

# OSMANLI VEZİRLERİNDEN HASAN FEHMI PAŞA'NIN ANADOLU'NUN BAYINDIRLIK İŞLERİNE DAİR HAZIRLADIĞI LÂYİHA\*

TANITAN: CELAL DİNÇER

## “ANADOLUCA İMALÂT-I UMUMİYEYE DAİR LÂYİHA”NIN KAPSADIĞI KONULAR VE GÜNÜMÜZLE İLGİSİ HAKKINDA DÜŞÜNCELER

Yurdumuzun, Batı ülkelerindeki örneklerle benzer kanunlara, nizamlara kavuşmasını sağlayan Tanzimat’ın ilânından bu yana geçen zaman, 127. yılına girmiştir.

Sosyal, idarî, adâli, mali, askeri alanlarla ve o devirde, büyük hastalığımız olan rüşvet konusu ile ilgili zayıf durumumuzu, gerekçe anlamı içinde açıklayan “Tanzimat Fermanı” –o devre göre– ileri bir adımı belirtiyor, bir reform meydana getiriyordu.

Hele, onu hazırlayan Mustafa Reşit Paşa’nın zamanın Sadrazamı Hürsev Paşa gibi Tanzimat esaslarına aykırı düşünceli, geri kafalı, kıskanç bir adama ve hazırlayıcısının daha önce de bu konuda geçirdiği başarısız bir tecrübeye rağmen<sup>1</sup> genç Padişah Abdülmecid’i bu reformun ilânı gereğine inandırışı, 39 yaşındaki Hariciye Nazırı’nın samimi vatanserverliğini, inancındaki kuvvet kadar, cesaretinin de büyük lüğünü gösterir.

Mustafa Reşit Paşa’nın yetiştiği Âlî, Keçeci-zade Fuat Paşa’ların Sadrazamlıklarından ve 1878 de Başvekillik<sup>2</sup> makamına geçen Ahmet Vefik Paşa’nın yetkili

\* Başbakanlık Arşivindeki aslından alınarak Türk harflerine çevrilmiştir.

<sup>1</sup> Mustafa Reşit Paşa, II. Mahmut'u, Devlet idaresini baştan başa değiştirmek kararına eritti. Zamanın Sadrazamı Akif Paşa, Padişaha yaptığı, “Hukuku Şahaneniz ihlâl olunuyor” yolundaki beyaniyle “Tanzimat”ın ilânını önledi (1837). Devlet, dış olayların, iç isyan ve felâketlerin baskısı altında bunaldığı sırada Mustafa Reşit, Kavalalı aşı Mehmet Ali Paşa oğlu İbrahim Paşa ile daha önce (1839) Kütahya'da yapılan anlaşmada görev almış, sonunda da “bu anlaşmanın memleketi çok zarara soktuğu” iddiasıyla, idam sehpasına yollanmak istemişti. Fakat Enderun ileri gelenlerinden, iyi niyetli, doğru görüşlü bir kaç kişinin etkisi ile canını kurtarmıştı. 1837 den beri Londra Büyük Elçiliğini de yapmaktadır bulunan Mustafa Reşit Paşa, yeni Padişah Abdülmecid’i tebrik maksadı altında yurdun dış ve iç dertlerine çare bulmak amacıyla İstanbul'a döndüğünde Sadrazam Hüsrev Paşa tarafından, “memleket gelenciklerine uymayan yersiz ve frenk düğkünü hareketleri sebebiyle, vücutun ortadan kaldırılması, Devlet ve seriat icaplarına uygundur” mealindeki mektupla Padişaha jurnal edilmiş; bu kapalı mektubu kendisine sunan Mustafa Reşit'e de okutan Hükümdar, onu hem teselli eylesmiş, hem de Avrupanın idarı ve siyasi durumu hakkında arzettiği izahatı begenerek Paşayı Hariciye Nazırlığında alıkoymuştu. (Osmanlı Devrinde Son Sadrazamlar Cilt: 1, 2, 5. İbnü'l-emin Mahmud Kemal İnal, Dünya Tarihi – Osmanlı Tarihi – Cilt: V, VI, VII. Prof. Enver Ziya Karal Türk Tarih Kurumu yayını, Mustafa Reşit Paşa ve Tanzimat Reşat Kaynar – T. Tarih K. yayın-, Tanzimat Devrinin Büyük Adamları. Vedat Onur, 1946.

<sup>2</sup> Bu görevde atanmak istediğiinde Paşanın ileri sürdüğü üç şarttan biri de Sadrazamlık Ünvanının Başvekilligé çevrilmesi dileği olmuştu.

idarelerinden sonra Devlet, bu makama, aynı ölçüde adam bulamamıştır. Ayrıca, Tanzimat esaslarına ve yönetimine ait kanun ve nizamları yürütecek kudrette eleman azlığı ile birlikte mensaşatları bu reformdan zarara uğrayan, geri fikirli unsurların elindeki toplumların direnmesi, "Tanzimat"dan umulan gelişmeyi aksatmıştır. Üstelik, dalia sonra da sosyal, ekonomik konuları ele alıp istihsali, ulaştırmayı ve enfastrüktür tesisleri, memleket şart ve imkânlarına göre meydana getirememeyişiz, -az da olsa- mevcutları rasyonel şekele koyamayımız bizi, kalkınmak şöyle dursun, batı ülkeleri yanında büsbütün geri bırakmıştır.

İşte bu genel durum karşısında, "Tanzimat"dan iki kuşak sonra, II. Abdülhamit'in Nafia Nazırlığı görevinde bulunmuş olan Hasan Fehmi Efendi (Paşa) <sup>24</sup> Nisan 1296 tarihinde Başvekâlet makamına sunduğu Takrirî ile ona ekli "Anadoluka İmalât-ı Umumiyyeye Dair Lâyiha" adlı uzun raporunda ele aldığı "plan" konusu -yazılışından bu yana üç buçuk kuşaklık bir devrin akip gitmesi sonunda- ilgi ve dikkatimizi bu yöne büyük önemle çekmektedir, II. Cumhuriyet devrimizin başında kurulan Devlet Planlama Teşkilatı ile, 1962 sonlarından beri Türkiye'de nihayet bir planlı kalkınmaya girişilmiş olması bizi, bu teşkilât veriminin sonuca ermese dileği içinde, şimdilik, teselli etmektedir.

Hasan Fehmi Efendi (Paşa) Osmanlı İmparatorluğunun kalkınma devresinde ve hattâ duraklama devresinin başlarında dahi yol (ulaştırma) ve nafia işlerine verilmiş olan öneme karşılık sonraları istihsalın, ulaşmanın ve kalkınma yönünde yapılan işlerin korunup geliştirilememiş, her türlü su-i istimalin önlenememiş, adalet ve eğitim konularının ihmâl edilmiş, yurt savunması ihtiyacının gereği gibi ele alınamamış, günümüzün başlica ekonomik bir unsuru durumuna giren döviz elemanın hatırdan dahi geçmemiş olduğu; hulâsa, genel kalkınma davasıyle ilgili mevzulara topyekûn el atılmamış, hattâ hükümet otoritesinin de korunamamış bulunduğu, Takrir'inin gerekce anımlarındaki kısmında -meal olarak- "Osmanlı Devletinin, mülk ve milletçe, mamur, zengin, geliri artmış, şan ve şevketi geriye gelmiş, kendisini güçlüklерden kurtarıp istikbalini sağlamış.. hale gelmesinin, (İmalât-ı Nafia)ya<sup>3</sup> ivedilikle girmesine bağlı olacağını" belirtikten sonra merhum Nazır'ın, "... Şu fırsat zamanı elden giderse<sup>4</sup> genel fâkırlık ve açlık bugünkü (1296-1880 deki) malî güçlüklerle yan yana her an artmakta olan asrı<sup>5</sup> baskiya karşı, geleceğin (istikbalin) sağlanmasına çare bulmanın, ileride müşkül ve imkânsız olacağının göz önüne bir an uzak tutulması lâzımdır", yolunda belirttiği kesin kanaatinin ve konumuzla ilgili Raporunun baş tarafında, Mülâhazat-ı Umumiyye kısmında "... sahilden içeriye doğru yeni yapılacak yollar sayesinde toprak mahsulâtının birkaç yıl içinde iki üç misline çıkacağı"larındaki beyanının acı gerçeği, şimdi (1966 da), bizim de yüreğimizi dağlamaktadır.

<sup>2</sup> "Construction Publique" karşılığı olduğu anlaşılmıyor.

<sup>3</sup> 1293 (1877-1878) Türk-Rus savaşı sonunda Osmanlı İmparatorluğunun ortadan kaldırılmasını önleyen Batı Devletlerinin -geleceğin kendi saydalarına hazırlayabileceği imkânları beklemek üzere- girişikleri çeşitli siyaset kombinezonlarla sağlanan barış şartlarına ve bu arada İmparatorluğumuza yapılması muhtemel ekonomik yardımlara işaret edilmek istendiğini sanıyorum.

<sup>4</sup> "Asrı" kelimesinin 1296 (1880) yılında kullanılışı, Nâfia Nazırının kültür seviyesiyle geleceğe ait düşünce derinliği göstermektedir.

Hasan Fehmi Efendi (Paşa)nin, incelediğiniz Lâyihası ile ona ekli takririmi o zaman –kendisi ile birlikte– incelemek görevimi almış bulunan komisyon, mazbatasında, bu belgelerde belirtilen hususları takdir ile karşısadığını açıklayarak, yalnız “ameliyyat-ı nâfianın hangi yol ve tedbir ile başarılı olacağı” konusunu tetkik ettiğini arz eylemiştir<sup>6</sup>. Bu Komisyonun, anılan konunun başarılması için çeşitli yollara baş vurulması yönündeki mütalâa ve mülâhazaları –fayda ve mahzurlarıyla– anlatıldıdan sonra, kurulacak (Osmanlı Anonim Şirketleri) kanalı ile böyle teşebbüslerle girişilmesini tavsiye ettiği, Mazbatanın tetkikinde, görülecektir. Bu mazbatanın önemli bir noktası da Kapitülasyon (Uhûd-ı kadîme) meselesimin, umur-ı nafia ya da etkili hale gelmiş bulunmasındaki durumun –Kapitülasyonların varlığından değil– devlet idareminiz ve bu idare elementlerinin gevşeklik, umursamazlık, devlet idaresi için gerekli ihtiyat tedbirleri almayı düşünmemek gibi, görev namusuna aykırı gördüğümüz, duygusuzluklardan doğmuş bir hata sonucu olduğunu açıklayan kısmıdır ki, siyasi ve idarî tarih bakımından da önem ve ibretle incelemege değer. 1293 (1878) tarihinden sonra yapılacak bu kabil teşebbüs ve çalışmaların, mahiyetlerine göre, her biri için ayrı ayrı ve başka başka mukavelenameler tanzimini gerektiren bir tarz ve usulün kabulu lütumunu ileri süren fikir ve kanaati de –üç örnek lâyiha ile– kesin şeke koymuş olan bu mazbata, yine, reform konusunun değerli sahibi Hasan Fehmi Efendi (Paşa)nin tekli esasına dayanmaktadır. Zamanın Vükâlâ Heyetince de incelenip 7 Muharrem, 1300 (7 Teşrinisânî 1298) tarihli tensip kararı ile bu kararın altına kaydedilmiş bulunan “..muamelât-ı muktâziyesinin ifası” konusundaki İrade-i Seniyye, (İ'malât-ı Umumiyyeye dair Lâyiha)nın ileri sürdüğü reform davasının hazırlık kısmını, böylece, sonuna ulaştırmıştır. Hattâ “Menâfi-i umumiyye için mevzu istimlâk kanununa zeyl olan ... Fıkra-i kanuniyye, mucip sebepleriyle beraber Vakit gazetesine verilerek resmen ilân edilmiş” bulunmasına ve hazırlığın bu derece ilerlemiş olmasına rağmen bu büyük teşebbüsün uygulanmasına geçilmeyerek “Lâyiha”nın rafa kaldırılmasını hangi sebebe bağlamak gereklidir? Bu hususun, söz konusu olan lâyiha ile ilgilenecek uzmanlarca incelenip cevaplanması lâzım olduğu kanısındayım. Sözümü bitirmeden, bu münasebetle, acı bir gerçeğin beynimde çengellediği soruyu kaydetmeden geçemeyeceğim: Yurdumuzu ve milyonlarca nüfusumuza, söz konumuz olan kalkınma çabasının verimli sonucundan –Kurtuluş Savaşımız ertesinden bu yana meydana getirilen kalkınma çalışmalarını hesap dışında tutarsak– en az yarım yüzyıl geri bırakan heyûla, hep bize, Türkiye'ye mi müsallattır? Bizim gerçek talihsizliğimizi, içinden var olduğumuz mayanın bozukluğunda değil; o mayanın eserleri olan toplum elemanlarını kullanma şansını zaman zaman, devre devre eline geçirilebilmiş veya geçirilenlere dayanma yolunu bulmuş bahtsızların –tüm olarak– şahsi menfaat ve çıkarlarını, her zaman, her şeyin üstünde sayan, içinden türedikleri öz kaynağa, millete ve yurda karşı ebedî vefasızlığa gömülü benliklerinde, degersiz ruhlarında aramak gerekmek mi? Unutmayalım ki, her devir bir millete ne bir “Mustafa Reşit”, ne bir “Mustafa Kemal” bağışlar; ne de Hasan Fehmi gibi bir “kıymet” yetiştirir ve ayrıca, her büyük milletin idare yetkisine, o idarenin manivelâsi başına da –daima ve her zaman– o milletin en değerli, en gerekli “kıymet”i –varlığı– gelir, gelebilir...

<sup>6</sup> Raif imzası, 1308 de Vezir olan Köse Raif Paşa'ya; Gallan imzası, Turuk u Meabir Müdürü Mösyo Gallan'a aittir. Sibald imzasının sahibi öğrenilememiştir.

Gereği odur ki, İkinci Dünya Savaşı'ndan en çok ezilen harap yurdu ve pejmürde milleti olarak çıkan Almanya'nın -bugünkü batı bölümü ile- on beş yıl içinde, ileri milletlerin en ön seviyesine çıkışındaki itici kudret, bir mucize etkisi değil, fert, toplum, ulus, yurt sevgisi ve görev namusudur. Bu kutsal varlıklar biz de, bütün ulusca, yüreklerimizin derinliğinde, daimağlarımın bütün yüzeyinde, bir ata mirası gibi yaşatarak çalışma ve çalıştırma temposuna, gerçekten millî bir öğretim ve eğitim ile, artık uymalıyız. Yoksa (feza'yı fetheden uluslar çevresinde millet olarak yaşama hayaline dalmış varlığımız -kendileriyle ögündüğümüz, dinamik ruhlariyle benliğimizde yaşatmakta oldukları sandığımız, dünkü "büyük adam"ların ıztırap ve esef duyguları içinde- sona erecektir.

İyimserlik iyi şeydir; fakat gerçek önündeki geleceği -iş isten tüm olarak geçmeden her vesileden fırsat bularak- belirtmek de namus görevinin gereği ve şerefidir.

Bana, bu önemli "Belge"yi incelemek fikrini vermiş, bu yönde ilgi ve kolaylık göstermiş olanlarla<sup>7</sup> eserin yayınlanmasını sağlayan Türk Tarih Kurumu teşkilatına saygılarımı ve esenlik dileklerimi sunarım.

Ankara: 16 Temmuz, 1966

<sup>7</sup> Hasan Fehmi Efendi (Paşa)nın Takrirî ile Lâyihasunu incelemek fikrini Başbakanlık Müsteşar Yardımcısı sayın Mualih Fer'den almış olduğum gibi söz konusu eserin tatkîki yönünde de kendilerinin ilgi ve delâletlerini gördüm. Bu konuda bana alâka ve yardım gösterenler -sahisleriyle yapmış olduğum görüşmeler sırasında göre- Türkiye ve Orta Doğu Âmme Enstitüsü Genel Müdürü Sayın Profesör Cemal Mihçioğlu, Ankara Üniversitesi Dil ve Tarih-Coğrafya Fakültesi Tarih Profesörü Sayın Halil İnalçık, Türk Tarih Kurumu Genel Müdürü Sayın Uluğ İğdemir, Dil ve Tarih-Coğrafya Fakültesi Yakın Zamanlar Tarihi Profesörü ve Türk Tarih Kurumu Üyesi Sayın Enver Ziya Karal ve Başbakanlık Arşivi Genel Müdürü sayın Mithat Sertoğlu'dur. Türk Tarih Kurumu Başkanı sayın Profesör Şevket Aziz Kansu'nun giyabındaki ilgisine karşı da şükranlarımı belirtirim.

**UMUR-I NAFLAYA DAİR BÂB-I ÂLİYE TAKDÎM OLUNAN LÂYİHA  
VE TAKRİR İLE TEFERRUÂT-I MECMUASININ NUSHÂ-I DİGERİDİR.**

BAŞVÂRKÂLET MAKAM-ı SÂMÎSÎNE

Ma'rûz-ı Çâkerâneleridir

Hicri 1297, Rumi 1296. numara 45.

Anadoluka vâcibü'l-icra olan Umur-ı \* Nâfiaya dair pîş-gâh-ı sâmî-i cenâb-ı vekâlet-penâhîlerine takdim kılınan takrir ve lâyîha-i âcizanemle teferruat-ı mecmûası Devletce fevkâl-âde ve bir sûret-i mahsusada nazar-ı dikkat ve ehemmiyyete alınacak ve hattâ i'tikâd-ı çâkeranemce Devlet-i Aliyeyenin vücûhiyle te'mîn-î hâl ü istikbâline hemân vesile-i müstakille addolunabilecek teşebbüsât ve tedâbiyri şâmil ve binâberin tabîî birçok tafsîlâtı müştemil olup Encümen-i Mahsûs-ı Vükelâ'nun eyyâm-ı muayyenesinde ve mesâlih-i âdiye ve fevkâl-âde arasında lâyîkiyle şunun mütalâa ve tetkiki sıkıştırılmak gayr-ı kaabil idügüne ve bu maddenin sur'at-ı mümkün ile taht-ı nazara alınması muktazi bulundugu mebnî Meclis-i Vükelâ'ca hasran şu hususun tetkikat ve müzâkerâtu icrâ buyurulmak üzere ayrıca bir güne tahsis ve ta'yini husûsuna müsâade-i celile ve âsasânelerinin erzânı ricasına ibtidâr eyledim. Ol bâbda ve her hâlde emr ü fermân Hazret-i men lehü'l-emrindir.

26 Cemâziyelâhire 297 (24 Mayıs 296)

HASAN FEHMI

BAŞVÂRKÂLET MAKAM-ı SÂMÎSÎNE

Anadolu ve Irak ve Ceziretü'l-Arap ile Sûriye'de bulunan Vilâyât-ı Şâhânemin âdî ve timuryollar ve limanlar ve batakhklar ve arazi ıskasına mahsus cedvelleriyle seyr-i sefâine sâlih nehirlerine dair Nâfia Nezâretince icra kılınan tâhkîkat ve keşfiyyât üzerine tanziün olunan müfassal bir kır'a lâyîha tersim edilen harita ile beraber Huzûr-ı Sâmî-i Vekâlet-penâhîlerine takdim olundu.

Mütalâasından ma'lûm olacağı üzere işbu lâyîhada vilâyât-ı mezkûrede icrası läbüd olan i'mâlât-ı nâsianın derece-i ehemmiyeti ile tahminen o yolda sarfî lâzım gelen mebâligein mikdârı arzolunduğu gibi arâzînin mümkün mertebe keyfiyyâtı ile envâ-ı mahsûlâtı dahî gösterilmiştir. Bunlarla berâber şu maksadın husûlünde gerek ümûr-ı zer'iyye ve gerek muâmelât-ı ticâriyye ve sinâiyye tabîî tevessü' ve terakki eyhîyeceğinden dolayı vücûde gelecek fevâid ve menâfi' ile elyevm alınagelen mahsûlât dâhil olmaksızın servet-i mülkiyyeye inzîmâm eyliyeceği tahmin edilen fazlanın derecâti da ilâve kılınmıştır.

Şerh ve beyâna hâcet olmadığı üzere bir memlekette yollar ve limanlar misillü şeýler yapılmayıp hâl-i tabîtsinde bırakıldıça arzu olunan terakkîyât-ı maddiyye ve ma'nevîyyenin imkân-ı husûlü tasavvur bile olunamaz ve şuna burhan aranmak lâzım gelse memleketimizin ahvâl-i esef-iştîmâlinden gayri delîl irâesine lüzüm görür.

\* Eserde bu ve buna benzer kelimelerin yazılış tarzının (galat-ı meşburunu) seçtim. Yâlmâz Meclis-i Mahsûs Lef 1, 2, 3, 4, 5, 6, 7, 8, 9, 10, 11, 12 basılı damgaların -yeni Türkçe harflî oldukları için- sekillerini bugünkü yazış tarzımıza göre değiştirmedim. Esasen bu eserin tümündeki kelimeler aslina ve yazıldığı zamandaki telâssuzlarına uyularak kaydedilmişdir. C. D.

lemez ve tevsî-i dâire-i servet-i millîye ve teksîr-i muamelât-ı umûmiyye ile hüküm ve ihtiyacı zamân ve mekâna muvâfîk esbâb ve vesâil-i umrâniyyenin hemân cümlesi mutlaka o gibi i'mâlât-ı nâfianın vücutüne muallâk olduğu ma'lûm ve hattâ intizâm-ı turuku da'vet iden kesret-i muâmele ve servet olmayup belki şunları celb ve da'vet iden intizâm-ı turuk idügi meczûmdur. Filhakîka intizâm-ı turuk-u meâbirin lüzüm ve ehemmiyeti Avrupaca henüz ma'lûm degil iken Bağdat ve Bosna'ya kadar el'an mevcûd olan âsârû delâîfyle ma'lûm olduğu üzere mukademeleri Devlet-i Aliyece pek iyi hissolummuş ise de hayfâ ki sonraları o hissiyyât ıcâb-ı asra göre tevessü' idemeyüb ele geçen bunca müsâid zamanlarla nice fırsatlar fîvt idilmişdir.

Vâkiâ bir müddeten berû ara sıra umûr-ı nâfiadan bahisle hayli fedakârlıklar ihtiyâr olunmak istenilmiş ise de ne çäre ki ol emr-i ehem pek âdî şeylerden daha dün bir derece gayr-ı muntazam tutulmuş ve bunların intizâm-ı vesâit-i mülk-i devlet ve medâr-ı kuvây-ı hükûmet olduğuna kanâat-i kâmile hâsil idilüp de umûr-ı nâfiaya her tarafca ve husûsfyle Anadoluya ana göre ciddî bir surette teşebbüslâta azmolun-mamış ve o yolda idilen ba'zı teşebbüslâta dahî birçok sâ-i istî'mâlât karışmış olduğu cihetle o kıymetli zamanlar ve ele geçmez fırsatlardan hakkıyle istifâde edilememiştir ve bunlarla berâber elde bulunan veya ufak tefek yaptırılan şeylerin muhâfazasıyle aleddevâm hüsn-i halde tutulması madde-i mühimmesi dahî bizde läyikfyle takarrür ve teessüs idemeyip öyle şeyler hemân hallerine bırakmak âdet hüküme geçmişdir. Hâlbuki me'mûrînin o makûle kayitsızlığından dolayı Devlet-i Aliye'nin uğradığı zayıât ile mahrum kaldığı sevâid hesâba gelmez raddelere varmışdır.

Gerçi umûr-u nâfianın sevâid ve muhassenâti ile şunların cihâtiyle ma'mûriyet-i mülkiyyeye olan te'sirât-ı hasenesi bahsinde esâsen ihtilâf-ı esfâr yok gibi ise de umûmîyyet üzere bunların mevki-i fiil ve icrâya vaz'ı maddesi i'tikad-ı âcizânemce el'an kemâfyle nazar-ı ehemmiyete alınamamıştır. Meselâ Avrupa'da ezher cihet ma'mûr ve âbâdân ve nâîl-i envâ-i servet ü sâmân idügi dillere dâstan olan memleketler senevî umûr-u nâfialarına milyonlarca altunlar tahsis ve sarfîtmege devâm eylemekte ve bunlarla berâber yine kanâatsızlık iderek ol babda lüzumu derecesinde ehemmiyyet virmediklerinden bahisle kendi kendilerini tahtie ve tevbîh itmekde olduklarına bakılınca ahvâl-i tabîiiye-i mülkiyyemizi bilüp ednâ mertebe hissiyyât-ı millîye ve vataniyessi olanlar umûr-u nâfiada meşhûd olan mübâlâtsızlıktan dolayı artık ne mertebelerde izhâr-ı hayf ve teessûr eyleseler becâdır. Vâkiâ anların memleketimize mikyâs olamayacağı hatırlası pek kolaylıkla vârid olabilir ise de şunların bulundukları hâl tabîî olmayub nâîl oldukları o servet ve saâdetle memleketlerindeki intizâm ve ma'mûriyet neşr-i maârif ile beraber umûr-u nâfia yolunda her sûretle sarf idegel-dikleri mesâi-i mütemâdiyelerinin semeresi olduğu zihinlerden çıkarılmamalıdır.

Teslim-kerde-i erbâb-ı ukûldür ki Memâlik-i Osmaniyye kürre-i arzdan letâfet ve servet-i tabîiiyece Cenâb-ı Hakkın en ziyâde mazhar-ı müsâadesi olan ve bi's-sûhûle her dûrlû ma'mûriyet ye terakkîye kabiliyyeti bulunan kit'alardan mürekkep iken şu derecelerde gerûde kalarak devlet ve milletin bunda vakitten berû dûçâr olduğu envâ-i müzâyaka ve müşkilâttan tahlîs-i girîbân idememesinin esfâr-ı âcizânemce en başlı sebeplerinden biri i'mâlât-ı nâfiaca tecvîz olunan mübâlâtsızlık eseridir. Ma'mâfîh elyevm Devlet-i Aliyece matlup olan emniyet ve i'tibârla şevket ü iktidârin iâde ve istikmâli vesâit-i lâzime-i saireye i'tinâ ile beraber yine mutlaka kemâl-i sur'atle umûmen intizâm-ı turuk esbâbinin istibzârnâ ikdâm olunmağa mevkuf ve

münhasır ve bunsuz bizce kesb-i yesâr ve servet ve def-i müzâyeka ve zarûret âdetâ müteazzirdir. Ve mâdâm ki yollar harekât ve nakliyyât-ı askeriyye işlerine de aynı sühûlet ve medâr-ı kuva-yı hükümettir muhâfaza-i emniyyet ve âşâyiş-i bilâd ve neşr ü t'amîm-i adl ü vedâd ile gerek dâhil en te'min ü teyyüd-ü nüfûz-u devlet ve gerek hâricen def' ü tasallutât ve müdâhalât emrinde hüsn-i muvaffakiyetin teyessürü hustûli dahî her hâlde anların vücûdüne mütevakkifdir.

Muntazam yolların fevâid-i azîmesinden biri de kitaât-ı mezkûrede ara-sıra zuhûr idüp ve hattâ el'an ba'zı mahallerde dahî mevcût olup devlet ve milletçe mâlen ve cânen envâ-i zâyiati istilzâm iden kaht ü galâ gibi felâketin öünü almak ve zuhûrunda hükmünü te'sîrsiz bırakmak ve bu sûretle memleketi o misillî mesâib ve hasârât-ı azîmeden kurtarmak gibi hüsn-ü neticedir ki bunun da derece-i ehemmiyeti ma'lûmdur.

Memâlik-i Osmâniyyede bataklıklarla muzır göllerin kurudulması maddesi dahî menâfi-i umûmiyyeye gerçekten hizmet idecek i'mâlat cümlesiinden ve ehemmî-umûrdandır. Çünkü memleketicimizin ba'zı mahallerinde o makûle bataklıklar ve göllerin vücûdu masâlih-i zer'iyye ve sihhat-ı umûmiyyeye envâ-i mazarratı müedididir. Ezcümle Samsun havâlîsinde ve hattâ civâr-ı Pâyitaht-ı Saltanat-ı Seniyyede bulunan İzmit havâlîsinde ve sâir mahallerdeki bataklıklar ve göller ile tuğyân iden nehirler giderek dâirelerini tevsî itmekde olduğundan civâr ahâlisi köylerinde temekkün idemeyüp yavaş yavaş zarurî cibâle doğru çekilmekte ve birçok münbit ve mahsûldâr arâzî sular altında halî durmakta ve hattâ bunlardan dolayı emr-i mühimmî-tenâsüle de halel gelmekte ve âşâriyle ma'lûm olduğu üzere ba'zı karye ve kasabalar dahî harâb olmaktadır.

Memâlik-i Osmâniyyede bulunan nehirlerin ba'zısı tathîr idilür ise seyr-i sefâine sâlih bir hâle gelmeğe ve ekserisi dahî cedveller açılır ise etrafındaki arâzîyi iska eylemek kabil iken şunlardan dahî hemen istifâde olunamamaktadır. Hâlbuki bunlar da Devletce pek ciddî bir nazar-ı ehemmiyete alınacak ve hemân icâb iden tedâbîrin ittihâzile istifâde idilür bir hâle vaz'ına sarf-ı gayret idilecek şeylerdir. Meselâ Fîrat ve Şat ve Ceyhan ve Seyhan ve Sakarya gibi nehirler bi't-tathîr bunlara ve enhâr-ı sâireye cedvellerin güşâdiyle seyz ü bereket-i tabîiiyesi şöhretgîr-i âlem ve matmah-ı enzâr-ı ümem olan arazî-i mütecâviresinin iskası ve geçen sene olduğu gibi ba'zı seneler yağmursuzlukdan mahsûlâtca zuhûr iden noksânın şu tedbirlerle ikmâl olunması çârelerinin istihsâli vâcibât-ı umûrdandır.

Limanlara gelince ma'lûmdur ki ekseriyyâ mahsûlât ve ma'mûlâtın nakliyyât ve mübâdelâtının malîrec ve medhalleri sevâhil-i bahriyye olduğuna ve ticâret-i bahriyye mücerret bu vâsita ile vücûde gelmekde ve husûsiyle sesfâin-i harbiyye derece-i lütûm ve ehemmiyeti müstağnî-i ta'rîf idügine ve şu muâmelâtın limanlar ve rihtimlar gibi terakkisine teshîlât ve te'mînât virecek vesâitîn vücûdüne mütevakkif bulunduğuna ve sevâhil-i Osmâniyyenin vüs'ati malûmesiyle berâber anlardan hakkıyle istifâde olunamaması şuna lâyikîyle ehemmiyyet verilmemiş olmaktan gayrı bir sebep ve illete isnâd olunamayacağına ve envâ-i zahmet ve kûlfetle yapılan ve hattâ el'an ba'zı müşkilâti bile mevcûd bulunan İzmir limanı ile rihtîmin memlekete bahşylediği günâ gûne sühûlet ve zînet ve umûr-u idâre-i hükümete maddî ve ma'nevî müstelzim olduğu dûrlü menfaat velhâsil her nevî muâmelâtâ gösterdiği teshîlât ile inşââtu esnada ahâlîce istihsâl idilen istifâde pek bedîhi bulunduğuna nazaran

sevâhil-i Devlet-i Aliyyede bulunan limanların tanzîm ve İslâhiyle rihtimârların te'sis ve inşâsı esbâbinin istikmâline müsâraat itmek dahî farîza i zimmettir.

Hulâsa-i kelâm Devlet-i Aliyyenin mülken ve milleten istihsâl-i ma'mûriyyet ve tezyîd-i servetü saâdet ve teksîr-i vâridâtla iâde-i şân-ü şevket itmesi ve şu sûretle elyevm bulunduğu mevki-i müşkilden kendini bit-tahlîs istikbâlini te'min eylemesi cidden ve sahîhan sâlisü'z-zikr i'mâlât-ı nâfianın vûcûde getirilmesi esbâbına âcilen teşebbüslü hemân âsâr-ı fî'liyyesini ibrâz ve izhâr eylemesine vâbestedir. Bununla berâber şu vakt-i fırsat elden sevtidilür ise fâkr-ı zarûret-i umûmiyye ve müşkilât-ı hâzira-i mâliyye ile berâber ân-be-ân tezâyûd idegelen tâzyîkat-ı şedîde-i asriyyeye karşı ilerûde te'mîn-i istikbâle çâre bulunmak müşkil ve müteassir olacağının pîş-i nazardan bir ân dûr tutulmaması läzimdir.

İşte Devlet-i Aliyyece maddî ve ma'nevî âzamî esbâb-ı ma'mûriyyet ve akdem-i vesâil-i terakkî ve saâdet olan şu i'mâlât-ı nâfiaca husûl-ü maksada vusûl için ne yapılmak icâb ideceği mes'elesine gelince Nezaretin hey'et-i fenniyyesinden ve tâhîkât-ı sâireden istihsâl kilinan ma'lûmât ile maslahatın her ciheti bi'l-etrâf tetkîk ve muhâkeme itdikden sonra hâsil olan netice-i efkâr ve mülâhazât-ı âcizâneme göre şu esbâb ve vesâilin neden ibâret idüğü ber-vech-i âtî arzolunur. Şöyle ki :

Her nerede olursa olsun o misillû i'mâlât üç dürlü tedbirden birinin ittihâziyle vûcûde getirilür. Şunlardan biri hazine-i devletten akçe sarfîyle i'mâlât-ı matlûbeyi vûcûde getirmekdir. Fakat gerek bizde ve gerek memâlik-i sâirede bi't-tecrûbe sâbit olmuşdur ki bu tedbir cihâtiyle muzîrdür ve bununla berâber şu yolda defeâtle idilen tecrübeberler hazine-i devlete pek çoga mâholmuş ve hattâ ayrıca derdest-i takdim olan lâyiha-i mahsûsada gösterileceği üzere on kuruş ile vûcûde gelecek bir iş mübalâgasız seksen ve belki yüz kuruşa çökmiş ve bu da nâ-temâm kalmış olduğu meydanda iken yine o tarîke azîmet menfaat-i mülkiyye ve millîyyeye gayr-ı muvaşîk bir harekettir. Ma'mafîh şu sûret pek müfid ve münâsîp olduğu farz ve teslim olunmak tarâsına gidilse bile buna da hal-i-hâzır-ı hazine gayr-ı müsâit ve binâ-berîn o makule ameliyyâtın Devletce icrâsi elyevm maddeten nâ-kabildir. Hattâ sene-i hâliye nâfia bütcesinde kabûl buyurulan tahsîsât Hazînece kâmilten te'dîye olunmak mümkün olsa bile şunun yüzde kırk veya ellisi turuk-u meâbir-i mevcûdenin ta'mîr ve muhâfazasına tahsîs idildikden sonra bâkî kalacak kırk elli bin lira ile her şey'i yapılınağa muhtaç olan bir memlekette ne derece imâlât-ı nâfianın vûcûde gelebileceği ednâ inütlâa ile bilincegi bedihîdir.

Tedbir-i diger i'mâlât-ı mezkûrenin masârif-i muktâziyyesinin alât ü edevât-ı hafriyye ve umûr-i fenniyye için takriben yüzde yirmi kadarı yine hazine-i devletten te'dîye ve i'tâsiyle ve bâkî seksen kadarı amele-i mükellefemin istihdamıyla vûcûde getirilmesine teşebbüslü eylemektir. Lâkin şu sûret-i teşebbüslü dahî ne husûl-ü maksada kâfî ve ne de icrâsi kabildir. Filhakika amele-i mükellefe istihdamı ile yahut me'mûrîn-i hükümet-i mahalliyeye tarafından bi't-tesvîk hamîyyetmendân-ı ahâlinin irzâ' ve iknâiyle karye ve kaza ve livâlar içindeki yolları tanzîm ve ta'mîr idüp arabalar işletmeye müsâit bir hâle ge i'îlmesi ve alât-ı hafriyye ve i'mâliyye gibi şeyleler için ameliyyâtın yüzde onu nisbetinde olsun Hazîne-i Celîleden bir pâre sarfolunması lâbûd olub başka çare olmadığı bedihî ise de iki vilâyeti birbirine rabb-îden ve yeyâhut bir liman veya bir timûryola müntehî olan turuk-u sultâniyye ve timûryollar ile limanların i'inâl ve inşâsı ve nehirler ve bataklıkların tathîriyle cedveller açılması gibi

—Hasan Fehmi Pasa'nın lâyihayı Başvekâlete tadim yazısı.

2—Hasan Fehmi Paşa'nın läyhanın özel Komisyonca incelendiğine  
dair Başvekâlete yazdığı yazının örneği.



این بیان در کلیه میانجیگان از این طبقه مذکور می‌شود که تقریباً همه اینها در پیش از آغاز جنگ این را در میان افراد خود می‌دانند و این اتفاقات را در میان افراد خود می‌دانند.

3—Lâyiha'nın Meclis-i Vükelâ'da kabulü ve iradesinin alındığına dair belge.

لهم إني أنت عبدي فاجعلني مطيعاً لكتابك واجعلني مطيعاً لامرتك  
وامنعني من مخالفتك واجعلني مطيعاً لحكمك واجعلني مطيعاً لقضائك  
وامنعني من مخالفتك واجعلني مطيعاً لحكمك واجعلني مطيعاً لقضائك  
وامنعني من مخالفتك واجعلني مطيعاً لحكمك واجعلني مطيعاً لقضائك

4—Lâyiha ile ilgili istimlâk kanunu'nun Vakit gazetesinde ilan edildiğine  
dair Hasan Fehmi Pasa'nın Sadarcı yazısı.

ameliyyât-ı cesîmenin amele-i mükellefe vâsîtasiyle veyâhut ahâlinin bi'r-rîzâ muâvenet-i nakdiyye ve bedeniyyesiyle meydana getürülmesi gayr-ı mümkünkindir ve bu babda reddüt idülür ise lâyihada gösterilen masârif-i muhâmmînenin miktarına atf-ı nazarla da def-î iştibâh olunması pek kolaydır. Ahâliye timûryollar ve limanlar gibi ameliyyât-ı cesîme şöyle dursun hem turuk-u sultânîyye hem de turuk-u husûsiyyenin i'mâl ittilâmesini tasavvur itmek esfâr-ı âcizânemce muhâlâtla uğraşmakla berâberdir ve ma'mâsih imkâni bulunup o misillü i'mâlât Devletce veya ahâlice inşâ olunacak olsa çünkü memleketimizde timûr fabrikaları olmadığından alât ü edevâtlâ levâzîmât-ı sâitenin mübâyaası için birçok akçe memleketimizden çıkarılıp Avrupaya gönderilmiş ve binâberin idhâlât-ı ecnebiyyecin terakkisiyle servet-i milliyemizin tedennîsine hizmet idilmiş olacağı der-kâr olub ancak şu âlat ve sâire ecnebî sermâye-siyle mübâyaâ idildigi takdirde hem bizden para çekmamış ve hem de şunlar memleketimizin terakkî-i servetine vesâtet iden sermâyeler hükmüne geçmiş olacağı aşikârdır.

Binâberin kurâ ve kazâ ile livâların dahili turuk-u husûsiyyelerinin mahalli hükümetlerine me'zuniyyet i'tâ olunarak ve eski gibi sù-i istî'mâle uğramamak için kuyûd-u lâzimeyi şâmil derdest-i tanzim ve takdim olan nizamnâme ba'de't-tasdîk ahkâmına tevfîk-i muâmele idilmek emr-i kat'isi virilerek ahâliye inşâ-ittirilmesi tarikine gidilmek üzere gerek vilâyatı birbirine rabi'-iden ve gerek sevâhile ve bir limana veya timûryola müntehî olan turuk-u sultânîyye ve timûryollar ve rihtımlar inşâsiyle bataklıkların tathîri ve cedveller küşâdî ve kabiliyetleri olan nehirlerin seyr-i sefâine salih bir hâle ifrâgi gibi i'mâlât-ı nâfia-i cesîmenin vücûde getirilmesi için başka çârc bulmak lâzımdır.

Tedbirin üçüncüsü memâlik-i ma'mûre-i sâirede olduğu gibi ecnebî sermâye-dârânına mürâcaat itmekdir ki husûl-ü maksada vüsûl-içün esfâr-ı âcizânemce çâre-i münferide budur. Vâkiâ şu bahiste ba'zi mülâhazât ve mütâleât irâd ve beyân olunması mümkün ise de menâfi-i mülkiyye ve siyâsiyye nokta-i nazârînân bakılınca olbabda her ne dürlü mülâhazât ve mütâlât dermeyân olunur ise olunsun şu tedbirin nefsi'l-emre mutâbakatı ile hakikat-i hâlin tağyîri gayr-ı mümkünkindir. Ve hâl-i hâzırımızla berâber eshâb-i sermâyenin meyl ü rağbetini da'vetle istihsâl-i maksat çarelerinin bulunması da müşkil değil bil'akis pek sehl ü âsândır. Şu da Devletce bir akçe virilmeksızın ve te'mîn-i temettü ve sâir gûne maddî bir fedakârlığın ihtiyârına hâcet olmaksızın yalnız azm-i kavî ve hulûs-i niyyet ve mümkün mertebe sur'at ile i'mâlât-ı nâfia için zuhûr idecek tâliplerden muktedir ve mu'teber olanlara şerâit-i muktaziyye ve kavanîn-i Devlet-i Aliye ahkâmî dâiresinde hürriyet-i ameliyyenin i'tâsiyle teshîflât-ı lâzîmenin irâesi csasının lâ-yetegayyer bir hükm-ü karar altına alınmak ve Devletce buna menfaat-i hazîne-i mülkiyye nokta-i nazâriyle bakılması husûsu düstûrû'l-amel tutulmak kazîyesinden ibârettir.

Ma'lûmdur ki memleketimiz gibi heman umûmiyyet üzere birçok felâketler içine düşmüş ve el'an mesâibin bir takımı ile pençeleşmekde ise de henüz halâs olamamış olan bir mûlkde değil memâlik-i ma'mûre-i sâirenin yalnız bir cihetinde kaht ü galâ istilâ ittiği veyahut ba'zi muâmelât-ı ahz ü i'tâya kesâd târi olduğu hâlde gerek nüfûs-u memleketin müzâyeka ve helâkden tahlîs ve vikaye olunması ve gerek fart-ı müzâyekadan zuhûru melhûz olan inhilâl-i âsâyişe meydan verilmemesi gibi bir takım makâsid-ı insâniyye ve mülâhazât-ı siyâsiyyeye mebnî birçok fedâkârlık ihtiyâriyle

ba'zı i'mâlât-ı gayr-ı mutasavverenin inşâsına bi'l-ibtidâr erbâb-ı müzâyekanın iâsesiyle işgaline istî'câl itmek akdem-i vezâif-i Hükümetten ma'dûd ve böyle tedbirler her tarafda meşhûd iken her bâr şiddet-i ihtiyâcımız bedîhî ve âşikâr olan o misillû i'mâlât için Hazine-i Devletce taahhütüs kurucâ bir hüsn-i kabûl ile teshîlât-ı mümkinenin sür'at-i irâesinde dahi bahî olunmak doğrusu şîme-i sidk-ı hamiyetle muktezâ-yi hikmet-i hükümete asla tevâfuk itmiyeceği unûr-ı vâzihadandır.

Meselâ Samsundan Sivasa kadar teshîlât-ı mümkin ve şerâit-i münâsibe ile bir timûryol inşâsına imtiyâz virilmek isteniyorsa ber-vech-i ma'rûz bir gûnâ temettü' ve muâvenet-i nakdiyye taahhüt olunmayarak ve yalnız ba'zı teshîlât-ı muktâziyye gösterilerek kavanın-i mevcûde dâiresinde hürriyet-i ameliyye virildiği hâlde i'mâlât-ı mezkûrenin icrâsına elbette muktedir tâlibler zuhûr ideceğine ve imtiyâzı alursa bunun için tahmînen üç buçuk milyon altunu oralarâ sarf itmege başlayacağına ve bu paranın inde'l-hesâb nusîmdan ziyâdecesi behemehâl amele ile mahallince alınacak levâzîma virilüp me'mûrîn-i fenniyye ve âlât ü edevât-ı muktâziyye için ecnebîye ancak bir sülüsü avdet ideceğine ve hâlbuki işbu sülüsün bâlâda arz idildigi vechile kîsm-ı külliî yine memleketimizde işlemege mahsûs bir sermâye hükümünde bulunacağına ve bu takdirde üç buçuk milyonluk öyle bir işden memâlik-i ecnebiyyede kazanılmışnakden iki milyon altun kadar bir para memleketimize dâhil olarak beyne'l-ahâlî münkasem ve bundan başka akçenin bir kısmı dahi alât ü edevât-ı müfide ve nâfiaya münkahîb-olacağına ve müteahhitler ise sarf eyleyecekleri hazır paralarının ellî altmış veya doksan dokuz sene zarfında senevi birer parçasını alarak istifâ-yi inatlûb eyliyeceklerine nazaran memleketimiz şu yüzden derhâl ve bilâ-tehlike doğrudan doğruya istifâde idecek ve müteahhitler bir müddet-i medide zarfında sarfiyât-ı vâkialarını birer mikdar fâiz veya temettü' ile istihâl itmek ümidinde bulunacaklardır.

Elhâsil şunda memleketimizce sağlam ve tehlikesiz külliyyetlû bir kâr ve müteahhitlerce bir ümit vardır. Çünkü ba'zan o misillû bir işden zannolunduğu kadar temettü' ve hüsn-i netice zuhûr itmeyüp de nihâyet zarar görüldüğü veya başbaşa bir mahsûl ancak alınabildiği kesretle mesbûk'ı l-emsâldir. Ma'mâsih o gibi iş müteahhitlerinin zarar itmelerini değil bil'akis temettü' eylemelerini temennî itmek läzîmdir. Zira müteahhitler yapacakları şeylerden hüsn-i netice istihâl ittikçe sâir ameliyyâti dahi icrâ ve başkaları da arz-ı hâhiş eyler de ber-minvâl-i ma'rûz yine en evvel memleketimiz istifâdeye başlar. Hâsılı ameliyyât-ı nâfianın ecnebî sermâyedârânı ma'rifiyeyle icrâsı zarûri ve esâsen i'mâlât-ı nâfianın ez her cihet menâfi-i âtiyesi bedîhî olduktan başka imalâta bed'ü mübâşeretle berâber beyne'l-ahâlî inkisâm idecek akçenin devrinden tevessü' ve terakkî-i muâmelât ile sur'at-i istifâ-yi vâridâtca fi'l-hâl vücûde gelecek fevâid-i âcilesi dahi niye dandadır.

Ecnebi sermâyedârânı ma'rifiyeyle icrâ idilecek ameliyyâta mukabil anların istihâl idecekleri derece-i menfaat ile bundan umûr-ı siyasiyye hâsîl olacak te'sîrin ne olabilecegi mes'ele-i mühimmesine atf-i nazar olununca bu sırada dahi esasen Memâlik-i Osmâniyyeyi ya hâl-i hâzır-ı tabîfsinde bırakup netice-i zarûriyyesine intizâr itmek veyâhut asr-ı hâzırın terakkiyyâtından hissedâr eylemek şıklarından birinin tercihi mes'elesinin hallî lâzım geleceğine ve hâlbuki memleketimizin bulunduğu halde terk ü ibkâsi hiçbir sahib-i hamiyet ve sadâkatce tecvîz olunamayup elbette şîkk-ı evvel mercûh ve şîkk-ı sâñînin râcîh idügi teslim idilmek zarurî olduğuna ve şu lûzûm-u rûchân bir kere teslim olunduktan sonra vesâit-i mümkineye mürâqaat

itmek vücûbu taayyün eyliyecegine ve vesâit-i mukteziyye bittabi' en evvel memleketimizde aranur ise de bulunamadığı takdirde bi'z-zarûre diyâr-ı âhardan tedârik mecburiyyeti zâhir olacağına mebnî olbâbda işte şuralarını der-piş ile beyân-i mütalâa olunmak lazîm gelür.

Evvelâ müteahhitlerin derece-i menfaati mes'elesinden bahs-idelim. Bu mes'ele zuhûr idecek ecnebî tâlibe hadd-i itidâlden ziyâde ve fâhiş bir surette istifâde itmege meydan virmiyecek şerâit-i mu'tedile ve ma'kule ile ihâle-i maslahat idilmek esâsının gözetilmesiyle hall-idilmiş olur. Bu da şerâit-i mukavelenin hîyn-i tanzîminde ve sonra ahkâmının hüsn-i icrââtına hakkıyle dikkat ve nezârete himmet olunmağa vâbeste görünür ve ale'l-husûs eshâb-ı sermâyenin sarf idecekleri paralarına mukabil alacakları bir mikdâr temettü' memleketimizde kazanılmış en hazır para dimek olmayıp bir tarafdan zîr-i zeminde mesdûd veyâhut sath-ı arzda muattal kalan sanâyi-i servetin o ameliyyât sâyesinde açılmasından ve diger tarafdan memâlik-i sâirede meşhûd olduğu üzere o makûle i'mâlatın vücûde gelmesiyle sa'y ü amel-i insânının tabiiyyü-l-husûl olan tezâyûd ve terakkisinden zuhûra gelecek fazla bir menfeatin yüzde nihâyet belki onu raddesinde bir şeyden ibâret olacağı ve hâlbuki o fazlanın dâimâ yüzde doksanı memleketimizde kalacağı bedîhîdir. Binâberin bunda bir günâ cây-i ihtiyâz görülemez.

Sâniyen şunun umûr-i siyâsiyye-i mülkiyyece bir günâ müşkilât ve sú-i te'sîrât hâsil-itmesi melhûz-olup olmadığı teşrif idelim. Vâkiâ bu babda ihtimâlat üzerine ba'zi mülâhazât irâd-olunabilir ise de i'tikâd-i âcîzânemce bunun dahî mahall-i tered-düt idügi teslim edilemez. Çünkü ber-vech-i ma'rûz Samsundan Sivasa kadar bir timûryol inşâ-olunduğu hâlde vakt-i hazarda her cihetce fevâid ve menâfiî müsellem olduğuna ve sâhib-i imtiyâz hükümetin muâmelâtını teshîl itmekten gayri bir harekete muktedir olmadığına ve sevkiyyât ve nakliyyât-ı askeriyyeye lüzûm görülince Hükümet-i Seniyyeye karşı izhâr-i muhâlefetle nakliyyat-ı matlûbede ika-ı müşkilâta iktidârı tasavvur olunmak bile câiz olamayacağına ve eshâb-ı imtiyâz ve yâ şirket hissedârânu kimlerden ibâret olur ise olsun ahvâl-i fevka'l-âdede ve bir mülkte def'i tasallutât-ı hâriciyye ve hisz-ı hukûk-ı mülkiyye ve millîyyenin vücûbu tahakkuk ittiginde her yerde mer'i olan ve şerâit-i mukavelede inünderic bulunan hukûk-u salâhiyyete mübtenî bir muâmeleye kimesnelerin bir diyeceği olamayacağı cihetle Devlet-i Aliyye timûryol idâresince bir günâ müşkilât ika' olunduğunu görünce yolu kendû emri altında tutturmağa ve lede'l-hâce idâresini dahî eline almağa muktedir olduğu bedîhi bulunduğu nazaran eyyâm-ı seferde dahî nakliyyât-ı askeriyye ve sâirece şunda sîrf fâideden ve teshîlât-ı adîdeden gayri bir şey'in vücûdu tasdîk idilemez. Hattâ Rumeli kit'asında vâki' olduğu hâlde muhârebe-i âhirenin vukuât-ı ma'lûmesi ve ahvâl-i mâliyye-i Devlet-i Aliyyenin derecesine ve ol esnâda umûmiyyet üzere efkâr-ı ecnebiyyenin anlaşılan cihet-i meyelâni ile berâber Rumeli timûryolunun olbâbda bahş-eylediği teshîlât kaabil-i te'vîl ve inkâr olmadığı gibi Anadolu kit'asında ve mukavelenin şerâit-i esâsiyyesi yolunda bulunacak bir târik veya vesâit-i sâirenin o misillû ahvâlde göstereceği teshîlâtın tabîf kat-ender-kat ziyâde olacağı umûr-i vâzihadandır. Şu kadar ki bu sırada menâfi-i siyâsiyyemize daha ziyâde hizmet itmek üzere idilecek bir mülâhaza var ise o da bu makule ameliyyât imtiyâzâti mümkün mertebe milel-i muhtelife şirketler ve sermâyedârlarına verilmek kaidesinin iltizâm olunması lüzumu hakkındaki fikir ve mütalâadan ibâret kalmak iktizâ ider. Ve iştî-

râk-i menâfi' esâsi nokta-i nazarından bakılınca orasını gözetmekte efkâr-ı âcizânemce başkaca bir fâide-i zâide görünür.

Pek âsân olduğu beyân idilen meyl ü rağbetin celbi için sûret-i teşebbüse gelince bunda iki tarîk vardır: Birisi i'mâlât-ı nâfiaya sarf-idecekleri paranın seneliği fâiz ve re'sülmâli olmak üzere yüzde altı kadar bir temettü' idemiyecek olurlar ise o ameliyyâtın icrâsı sebebiyle bit-tâbi' tezâyûd-idüp vâridât-ı hazırlâ-i Hazîneye inzimâm-idecek fazladan senevî şu yüzde altının ikmâl-i noksâni için nihâyet yüzde yalnız yirmiveyâ onbeş kadar bir meblâgın ba'zi teshîlâtla berâber eshâb-ı sermâyeeye ifâ olunacağına Devletce vâ'd-idilmekdir. Digeri dahî evvelâ umûr-ı nâfiadan Devletce icrâsı arzû-olunan i'mâlâtın esâsen menâfi-i umûmiyeden olduğuna ve sâniyen Devletce ve ahâlice maddeten bir fedakârlık taahhüt idilmeyüp yalnız masârif-i vâkiâsi nisbetinde ücret-i nakliyye alniak ve sâlisen yapacakları yolların civarında ma'denlere tesadüf iderler ise Devlet-i Aliyyenin nizâmât-ı mevcûde ve âtiyeyesine tevfîkan i'mâl itmek ruhsat ve imtiyâzını ahze salâhiyyetleri olmak ve râbian inşâat-ı ibtidâiyye için memâlik-i Osmâniyye ve ecnebiyyeden celb-idecekleri âlât ü edevât ve emsâli levâzîmât ve eşyâdan resm-i gümruk ve sâire alınmamak ve hâmisen birinci def'a için nizâmât-ı mahsûsasına tevfîkan ameliyyât civarındaki mîri ormanlardan i'mâlâtâ lâzım gelen ağaçları kesebilmek ve sâdisen inşa ve i'mâl olunacak yolların geçtiği mahallerde Devlete âid arâzî bulunduğu hâlde hatlar ile mevkîf ve emsâli tesferruâti için meccânen yerler i'tâ ile berâber muvakkat suretle lüzüm görünen yerlerin bilâbedel istimâline de ruhsat virilmek ve sâbian mahalline göre dar yol ve tramvay inşa olunabilmek gibi teshîlât irâe olunacağına ve şose ve cedveller ve tathîr-i enhâr ve rihtımlar ve limanlar misillû inşâat için dahî kendûlerine münâsip o yolda müsââdât ile berâber ücret-i mûrûriyye ve duhûliyye ve iskaiyye gibi şeýlerin ahzâna mezzûniyyet virilecegine ve göller ile bataklıkları tathîr ideulere Kanun-u Arâzî ahkâmina tevfîkan hakk-ı tasarruf i'tâ kılınacağına ve eshâb-ı iktidârdan olup en evvel istidâ virenlerin şerâit-i mütesâviye ile sonrakilere hakk-ı rûchâni olacağına İrâde-i Seniyye-i Hazret-i Pâdişâhînin şeref-sudûriyle keyfiyyeti i'lân eylemekdir.

İşte şu sûretle esâs-ı madde kararlaşur ve irâe olunacak teshîlât ve müsââdât taayyün ve i'lân idilür ise eshâb-ı sermâyenin ne yapıp yapıp mukabilinde ne alacaklarını derhal hesab ve tedkîk ile ve esâs-ı maslahat için müsâade olunub olunmuyacağına dâir şüphe ve tereddütlerden kendûlerini tecrid ile muvâfik-1 menfaat gördikleri işler için hemân bi'l-istidâ mukavele müzâkeresine girişilmesini talebe müsâârat idecekleri misillû şu hâlde Nâfia Nezâreti Nizâmnâme-i Dahilîsi mûcibince i'lân olunacak esaslara tatbîkan mukavelenâme ile mer'i olan kavâide tevfîkan şartnâmesini müzâkere ve tanzîm idüb Hâki-pây-ı Hümâyûn-u Cenâb-ı Mülükâneye li-ecli'l-arz Bâbiâliyye takdim ideceginden olbâbda tazyî-i evkat idilmiyecegine emmîyet ve i'timâd hâsil eyligecekleri bedîhîdir.

Lâkin birinci surete mûrâceat her vakit mümkün olduğundan ve ikinci sûretle de maksat hâsil olabilecegi tûmîd-i kavisinde bulunulduğundan evvel-i emirde ikinci sûrete mûrâceatle istihsâl-i maksada gayret olunması evlâ görinür. İşte Zât-ı Sütûde Sîfât-ı Hazret-i Pâdişâhînin cümleye ma'lûm olan niyyât-ı hayriyet âyâs-ı Mülükânelerin hayyîz-i husûle vusûlü için bezl-i kudret ve Devlet-i Aliyyelerinin terakkîyyât-ı maddiyeye ve ma'nevîyesinin istikmâl-i vesâiline her-bâr sarf-ı mâhasal-ı iktidâr olunmasını âmir ân-be-ân sâniha-pîrây-ı sudûr olan irâde-i hikmet ifâde-i Ce-

nâb-ı Pâdişâhânelerinin farîze-i zimmet idügini ra'nâ bildigimden Nezâret-i âcizâneme muhavvel umûr-i nâfianın kita'ât-ı mezkûrede kâin Vilâyat-ı Şâhâneye âid aksamı hakkındaki ahvâl ve keyfiyyâtın olbâbdaki mütâlâât-ı âcizâne ve istihsâl-i maksat için o yolda ittihâzi läbüd olan teşebbüsâtın suver-i eşkâlinde hâsil-olan netice-i eşkâr ve mülâhazât-ı çâkerânemle berâber hasbe'l-vazîfe arzına müsâraat kılınmış ve sûret-i ma'rûze esâsen rehin-i kabûl ve tensîb buyurulduğu takdirde icâb-ı hâl ve mahalle ve derece-i ehemmiyyet ve rağbete göre leffen takdim kılınan Nâfia Ni-zâmnamelerine tevfikan ve tedricen ikişer üçer lede'l-arz neticesi yine usûl-i vechile Hâkipâ-yı Hümâyûn-ı Mülükâneye arz-olunmak üzere zikr olunan harita ile merbût cedvelde münderic turuk ve sâir inşâât ve i'mâlâtâ zuhûr idecek tâlipler ile müzâkereye girişme Nâfia Nezâretine me'zûniyyet i'tâsi lâzım geleceği bedîhi bulunmuş olmayla icâbinin icrâsi bâbında ve her halde emr-ü ferman Hazret-i men-lehü'l-emrindir.

26 Cemâziyelâhire 297 (24 Mayıs 296.)

#### LÂYİHANIN METNI

### ANADOLUCA İ'MÂLÂT-I UMUMİYYEYE DAİR LÂYİHADIR

#### Mülâhazât-ı Umumiyye:

Zemîni rûy-i deryâdan bin metreden bin iki yüz metreye kadar mürtefi' bulunan Anadolu kit'ası iki sıra cibâl-i müteselsile ile sâhilden ayrılmıştır ki cibâl-i mezkûrede etekleri dik iki sed teşkil eyler ve kit'a-i mezkûrenin cihet-i ulyasından nebeân eyleyen nehirler dahî mezkûr sedler arasından yîlankavî boğazlar teşkil ile mûrûr iderler.

Mezkûr boğazların mûrûr ve ubûra kabil olacak bir hâle ifrâğı ancak lâğum-larla hafriyyat icrâsi ve muhâfaza divarları ve büyük köprüler inşâsı gibi ameliyyat-ı cesîme ile hustûle gelür. Elyevm mevcûd olan yollar su sa'be'l-mûrûr boğazları terk ile cibâl-i müteselsile eteklerinden ve küçük hendeklerden veyâhut tilâl-i sağire dâmeninden geçer ise de ekserisi araba işlemesine gayr-ı mütehammidir.

Binâenaleyh nakliyyât hayvanat ile icrâ idilmekte ve bir tüvânâ bârgîr veyâhut ester ancak yüz yirmi kiyye-i a'sârîden yüz elli kiyye-i a'sâriye kadar nakl-idebilüp sâhile on beş veya on sekiz saat bu'd-ı mesâfesi olan mahalden hububât ve meyva ve kereste gibi naklolunan eşyâdan kıymetine masârif-i nakliyye tekabül eylediginden eşyâ-yı mezkûre yalnız ihtiyâcât-ı mahalliyeye göre istihsâl olunmaktadır.

Bir muntazam tarîk üzerinde bir bârgîr yedi sekiz yüz kiyye-i a'sâri tahmil olmuş bir arabayı çekebileceğine göre mahsûlât masârif-i mütesâviye ile andan altı yedi kat ziyâde mesâfesi olan bir mahalle araba ile nakl-olunabilir.

İşte nakliyyat husûsunda husûle gelecek teshîlât ahâliyi ziyade mahsûl yetiştirmeye teşvik idüp sâhilden içeriye doğru inşâ olunacak yollar sâyesinde mahsûlât-ı arzîyyenin birkaç sene zarfında iki ve belki üç misline bâliğ olacağı Anadolu top-rağının feyz ü bereket-i malûmesi ise bu maksadın husûlüne müsâit olduğu bedîhîdir.

Servet-i mülkiyyenin tezâyüdüne en nâfi' ve ba'zi teshîlât irâesiyle kumpanyalara inşâ ittilâresi mümkün olan yollar Anadolu kit'asının şîmâl-i şarkî noktalarından bed'iden ve âtfîde beyan olunan yollardır :

## FASL-I EVVEL

**Şose Yolları Beyânındadır:**

Rizeden Erzuruma kadar yapılacak yola dâirdir.

İşbu tarîk mesafece takriben iki yüz kilometreden ibâret olup beher kilometresi (896,56) liradan masârif-i inşâiyyesi (173.913,40) liraya bâlıg olur.

**Güzergâh:**

Tarîk-i mezkûr Rizeden bed'-iderek hesâb-ı mutavassit üzere beher yüz metrede üç metre meyl alarak yetmiş kilometre mesafe kat'eyledikten sonra sath-ı deryâdan iki bin metre irtifâsında olup Bahr-i Siyah sahilinden mürûr iden birinci cibâl-i müteselsilenin zirvesine çıkar ve oradan dahî Çoruksu vâdîsine nûzûl iderek sath-ı deryâdan bin iki yüz metre irtifâsında ve re'si livâ olan İspir'e vâsil olur. Tarîk-i mezkûr İspir'den hesâb-ı mutavassit üzere yüzde üç metre meyl ile iki bin iki yüz metre irtifâsında bulunan ikinci silsile-i cibâli dahî mürûr ittikten sonra bin sekiz yüz metre irtifâsında olan Erzurum vâdîsine ve ba'dehû bin dokuz yüz elli metre irtifâsında bulunan Erzurum şehrine müntehî olur.

Tarîk-i mezbûrun güzergâhi takriben kırk metre arzında iki nehre ya'nî İspir'de Çoruksu ve Erzurum vâdîsinde Karasu nehirlerine tesâdûf ider.

İşbu tarîkin inşâsında ehemmiyeti ikinci derecede olan müşkilâta tesâdûf olunabilir. Bahr-i Siyah cihetinden birinci sath-ı mâilde ba'zi nokatda bataklıklar degil yatakları mevcûd olup ikinci silsile-i cibâlde sert kayalar kesret üzeredir. Her iki cibâl-i müteselâlenin zirvelerinde sert kızañağ vardır. Bütün güzergâh üzerinde ve ale'l-husûs Bahr-i Siyah cihetinde granit ve karataş ma'den damarlarına tesâdûf olmaktadır.

**Mahsûlât:**

Rize'de portakal ve her nevî' meyve ve üzüm ve fındık ve fasulya ve müsir bugdayı yetiştirmekte ve bez i'mâl olunmaktadır. Dağlarda ve mezkûr yolun mürûr ittigi mahallerde meşe ve çam ve kestane ve gürgen ağaçlarından ibâret ormanlar mevcuttur. İspir'de ezmine-i mütekaddimede keşf olunmuş altın ma'denleri vardır. İnşâsi mutasavver olan tarîk yüz kilometre kadar yolu ihtisâr ideceği cihetle Erzurum tarîkiyle elyevm naklolunmakta olan emti'a-i İrâniyye işbu tarîk ile nakl-idiltür.

Trabzon tarîkiyle İrana nakl-olunan beher hayvan yükü yüz kîyye-i a'sâriden ibâret olmak üzere elli bin hayvan ve İrandan Trabzona gelen eşya almış bin hayvan hamûlesi ki mecmûu on üç bin iki yüz tonilatodur. Bahr-i Siyah sath-ı mâili üzerinde bulunan Rize ve Ur kazâlarında ve İspir civarında nûfus-ı vefîre meskûn olup Erzurum vâdîsinde doksan kîta köy mevcuttur.

**Kelkit Tarîkiyle Gümüşhâne'den Erzincan ve Şîrân'a Kadar Yapılacak Yola Dâirdir:**

Mesafesi takriben yüz kilometreden ibâret olan işbu tarîkin beher kilometresi (653,17) liradan masârif-i inşâiyyesi (65.217,39) liraya bâlıg olur.

*Güzergah :*

Gümüşhâne'den Erzincan'a kadar inşâ olunacak yol ve Gümüşhâne'min yirmi kilometre üst tarafında vâki' olup sath-ı deryâdan bin üç yüz otuz metre irtifâsı olan ve Murad Hanı tesmiye olunan mahalde Erzurum tarîkiyle birleşir.

Tarîk-i mezkûr Gümüşhane vadisini terk ile kayadan mürekkep olan bir tepeden mûrûr iderek bilâ-müşkilât Şîrândere sahrâ-i kebirine dâhil olacak ve oradan dahî Kelkit nâm mahallin üst tarafına doğru altmış kilometrelük bir mesâfeye kadar gidecekdir.

Şîrândere ovasıyla Kelkit vadisi mukaddemâ göl yatağı olub elyevm birtakum cesîm ve kaba kayaları hâvîdir ki bu iki sahrâ yine zîkr-olunan kayalarla mürekkeb tepelerle yekdigerinden ayrılır. İşbu tarîk sath-ı deryâdan bin altı yüz metreden bin yedi yüz metreye kadar irtifâsı olan Kelkit ile bin iki yüz elli metre irtifâsında bulunan Erzincan arasında ve Fîrat nehrinin cihet-i ulyâsında bulunan vadîyi Bahr-i Siyâhtan tefrik iden ikinci silsile-i cibâlden mûrûr idecektir.

Cibâl-i mezkûrenin irtifâsı iki bin metreden ibâret olmakla berâber bu bâbda tesâdûf olunacak müşkilât derece-i mutavassitadir. Elhâsil işbu tarîkin altmış kilometresi ziyâde sühûletle ve kırk kilometresi derece-i sâniyede müşkilâta tesâdûfle inşâ olunub üzerinden mûrûr idilecek nehirlerde inşâsi iktizâ idecek köpri gözlerinin arzı on on iki metreyi tecavüz itmeyecekdir.

*Mâhsûlât :*

Gümüşhâne bahçelerile meşhûrdur. Tarîk-i mezkûrun güzergâhında zemîne gâyet yakın linyit ta'bîr olunan bir cins ma'den kömürü vardır. Kelkit ve Şîrândere vadilerinde hubûbât feyz ü bereket üzere husûle gelüp fakat vesâit-i nakliyyenin fikdanı cihetiyle harice çıkarılamamaktadır. Erzincan'dan küçük Gümüşhâne ve Bayburt ve Erzuruma ve mahâll-i sâireye her nevî' meyve nakl-olunur.

**Tirebolu'dan Karahisar'a Kadar Yapılacak Tarîka Dâirdir :**

Bu tarîkin mecmû-u tûli takrîben yüz kırk kilometre olup beher kilometresi (652,17) liradan masârif-i inşâiyyesi (91.304,34) hiraya bâliğ olur.

*Güzergâh :*

İşbu tarîk güzergâhının altmış kilometre kadar mahalli Tirebolu'nun garp cihetinde Kilivâre deresine tesâdûf ittikden ve Bahr-i Siyah sevâhilindeki cibâl-i müteselsilenin şimâl cihetindeki eteklerinde bulunan orinanlardan geçtikden sonra Tirebolu'dan doksan kilometre kadar bu'dü bulunan bir noktada cibâl-i mezkûrenin tepesine vâsil olarak andan dahî Karahisarın altında su kenarında Zil nâm mahalle müntehî olur. İşbu güzergâhın dört humsundaki iniş ve yokuşların derece-i meyelânı hadd-i mutavassit olarak yüzde sıfırdan dörde kadar olduğu gibi dağlardan geçtiği mahaller ile Karahisar civârında yüzde altı derecesini tecavüz eylemez. Tarîk-i mezkûrun inşâsına pek çok müşkilâta tesâdûf olunacağı gibi levâzim-ı inşâiyye kesret üzere bulunduğuundan tarîkin inşaât-ı sinâiyyesi ciuz'î şeylerden ibârettir.

Bu tarîkin geleceği mahallerin arâzisi kircli (kireçli) toprakdan ibâret olup Karahisar'a çıkılacak yokuş balçıklı bir toprağa tesâdûf iderek başka bir cihetten

bunların aralarından ufak ufak dereeler geçer ve Sivas'ta alçıdan ibaret tabakât-ı cesîme vardır.

*Mahsûlât :*

Bahr-i siyah sevâhilindeki cibâl-i müteselsile Ordu'nun üst tarafında hübüt eylemiş olduğundan nâşî arâzîde pek cüz'i ârizalar olub arâzî-i mezkûrenin zirâate istî'dâdi ve toprağın kuvve-i inbâtiyyesi derece-i kemâldedir. Havâlı-i mezkûreden Kelkit üzere buğday ve misir buğdayı ve fasulya ve meyve ve findik ihrâc olunduğu gibi hayvânâtu dahî pek çokdur.

Sivas ile Millet'in mahsûldâr ovalarında yetişen mahsûlât yolların fikdanından nâşî ihrâc olunamıyor. Ve pek servetli demir ve bakır ve simli kurşun ma'denleri dahî var ise de i'mâl olunamayub muattal duruyor. Gölköyünde ma'den suları mevcûd olduğu gibi ormanlarda meşe ağaçla küçük karaağaç vardır. Lâkin külliyet üzere bulunan ağaçlar çam ve kayın ağaçlarıdır.

**Ünye'den Niksar'a ve Tokat'a Kadar Olan Tarîke Daîdir :**

İşbu tarîkin mecmû-u tûlü takriben yüz elli kilometre olub ve her kilometresi (652,17) liradan mecmû-u masârif-i inşâiyyesi (97.826,8) lira tahmin olunmuşdur.

*Güzergâhı :*

Şu tarîk Ünye'den bed'-ile derece-i meyli yüzde altı dereceye kadar olmak üzere yokuslarla dolaşarak sahilden yetmiş kilometre bu'd ve mesâfede ve sath-i deryâya nisbetle bin dört yüz metro irtifâsında bulunan bir noktada sevâhil cibâl-i mütesel-silesini geçdikden sonra on beş yirmi metre arzında olan Termodon deresine iner. Ve oradan dahî bin iki yüz metre irtifâna kadar çıkarak nihâyet birçok dolaşıkdan sonra iki yüz metre irtifâsında bulunan Niksar'a vâsl olur. Tarîkin şu ta'rif olunan kısmının kırk kilometre mahalli meşe ve çam ve kayın ağaçlarından ibâret ormanların kıyısından geçer. Niksar'dan Tokat'a kadar olan tarîk kısmına gelince güzergâhın ta'yîni gayet kolay olub elyevm yapılmış olan ve on beş kilometre mahallî ormanlardan mürür iden yoluñ İslâhi ile maksat hâsil olur.

İşbu tarîkin Ünyeden Niksara kadar olan kısmının inşâsı masrafîca olacağî gibi Niksar'dan Tokat'a kadar olan altmış kilometre mahalli Niksar suyu üzerinde yüz elli metre ittisâsında yapılacak köprü istisnâ idildiği halde bi's-sühûle inşâ olunabilir. Levâzîm-i inşâiyyenin mahallinde olan kesreti cihetiyle bunların tedârikince müşkilâta tesâdûf olunmaz. Ünye'de sert kirc (kireç) taşından ibâret tabakat-ı cesîme müşâhede olunduğu gibi daha ötelerde dahî kil ve ba'zi mahallerinde granit ve kıızıl ve kara taş bulunur. Niksar'dan Tokat'a kadar kesret üzere kircli (kireçli) toprak ve âdî beyaz mermer ve Tokat civarında da kaygan taşları bulunur.

*Mahsûlât :*

Ünye kasabasının yirmi bin nüfusu olub şunların hemân cümlesi gemicilik iderler. Ünye'de emtia-i ticariyyeye mahsûs seffineler inşâ ve sefâaine mahsûs halatlar i'mâl olunur. Beher sene ihrac olunan kuru meyve ve fasulye ve misir buğdayı ve ceviz ve kenevir ve keten tohumu ve halat ve hayvan na'lî ve yonma taş ve kirc (kireç) ve sâirenin mikdâri on beş bin tonilatoya bâliğ olur.

Unye'de bitmez tükenmez taş ocakları var ise de lâyıyla işledilemiyor. Demir ma'denleri dahî kesret üzere bulunduğu gibi sâhilden içeriye doğru yirmi beş kilometre uzak mahallere kadar yine linyit ma'denleri vardır. Niksar kasabasında on beş bin nüfus bulunduğu gibi ezmine-i mütekaddimede Mitridad nâm hükümdar saray harabesinin âsarı mevcuddur. Mahsûlât kesret üzere meyve ve zeytün ve pirinç ve buğday ve mısır buğdayından ibâretdir. Niksarın sâhile bu'diyyeti ve yolların adem-i vücûdu cihetyle mahsûlât-ı mezkûreden hârîce cüz'î şey nakl-idiliyor. On beş kilometre arzında bulunan Niksar vadisi hakikaten şâyân-ı temâşâ ve kit'asının müverrihîn-i mütekaddimeden Istrabon nâm zatin medh ü sitâyiş itdigi Fenaraka nâm cihet-i ulyâsi vadî-i mezkûrdan ibâretdir.

Tokat kasabasında ellî bin nüfus bulunduğu gibi bakır ve dökmehâneler vardır. Bakır ma'mûlâtınca Memâlik-i Osmâniyyenin kasabât-ı sâiresine nisbetle Tokat birinci derecede sayılısa mübâlâğa olunmuş olmaz. Mahsûlât külliyyet üzere olup meyve ve üzümü dahî vardır. Biraz şarab da i'mâl olunur. Turhal ve Zile cihetlerinde vâsi' ovalar mevcûd olup bu ovalar mer'âhklara ve zâhire ve zirâate hasr-idilmişdir. Burada dahî sâhilin bu'diyyeti ve yolların fîkdânu mahsûlât ihrâcına mâni' oluyor.

#### Bafra'dan Samsun ve Terme'ye Kadar Olan Tarîke Dâirdir:

Bu tarîkin mecmû-u tûlü takriben yüz ellî kilometre olduğundan beher kilometresi (434,78) liradan mecmû-u masârif-i înşâiyyesi (65.217,39) lira tahmin olunmuştur.

#### Güzergâh :

İşbu tarîkin Samsun ile Çarşanba arasındaki derbendden mûrûr iden üç buçuk kilometre mahallinden mâadâsı kâmilén ovalardan geçer. Ve ekser mahalleri levâzum-ı înşâiyye istî'mâl olunacağı noktalardan birkaç kilometre uzakdır.

Ve ma'mâfîh tarîk-i mezkûr masârif-i külliyyeye uğranılmaksızın inşâ olunabilir. İ'malât-ı sinâiyye-i cesîmesine gelince bunlar evvelâ Hartum ırmâğına ve on beş metre ittisâunda yapılacak bir köprü sâniyen Merv ırmâğına yirmi metre ittisâunda yapılacak diğer bir köprü ve sâlişen Çarşanba'da Yeşilirmak üzerinde mevcûd olan aşap cesîm köprinin yerinde yüz ellî metre ittisâunda yapılacak diğer bir köpriden ibâretdir.

#### Mahsûlât :

Çarşanba ve Bafra ovaları arâzisi Yeşil ve Kızılırmakın tuğyân-ı miyahı zamanlarında suların getirdiği çamurlardan ibârettir. Hattâ Çarşanba ovası ezmine-i mütekaddimede Temizserâ namiyle ma'rûf ve gayet münbit ve mahsûldar olduğundan mahsûlât-ı arziyyesiyle meyvesi ve yetişirdiği hayvanlarıyla meşhûr idi. Şimdi de zikr olunan iki ovada birçok ahâli mütemekkin olduğu gibi külliyyet üzere zehâir ve mısır buğdayı ve kenevir ve fındık ve meyve ve duhan ve hayvanat husûle gelür. Yeşil ve Kızılırmakların deryâya munsab olduğu mahrecleri kum ve sâire ile dolarak kapanmış olduğundan hârîce çıkarılacak mahsûlât Samsuna kadar berren nakl-olunarak orada sefâine tahmîl idilür.

Duhan zirâatının mâni-i kavî ve terakkisi hükmüne girmış olan Reji usûlünün

tesisinden evvel Bafra ovasından senevi Samsun'a on beş bin tonilato duhan naklidilür idi.

#### **Sinop'tan Osmancık ve Yozgat'a ve Kayseriyye'ye Olan Tarika Dâirdir :**

İşbu tarîkin mecmû-u tûlü takriben beş yüz kilometre olduğundan ve beher kilometresi (652,17) liradan masârif-i inşâiyyesi cem'an (326.086,95) lira tahmîn olunmuşdur.

Bu tarîk Boyabâd ve Hacı Hamza ve Osmancık ve Çorum, Alaca ve Yozgat geçürilerek Kayseriyye'ye imtidâd idecek ve bu vechile doğru yol Anadolunun tâ içerusine açılmış olacaktır.

#### *Güzergâh :*

Bu tarîkin Sinoptan Boyabâda kadar ya'nî doksan sekiz kilometre mahalde güzergâhi derece-i meyli yüzde sekize kadar ve biraz yokuşlar ile sevâhil cibâl-i müteselsilesinden geçecektir. Tarîkin işbu kısmından bir mikdâr mahalli bundan on iki on beş sene akdem küşâd olunmuş ise de henüz ikmâl olunmamış olduğundan güzergâhın ta'dil ve İslahi mürmekindir.

Zîkr-olunan cibâl-i müteselsileden sonra müdevverî's-şekl dağlar ve tepecikler ile ovalara tesâdûf olunacağından yokuşlar ile inişlerin dereceyi meyelâni nâdiren yüzde altı derecesinde olmak mecburiyyeti hâsil olabilir. Bu tarîkin Yozgat'tan Kayseriyye'ye kadar yüz kilometrelükten ziyâde olan kısmı düz ovadan geçecektir. Elyevm mevcûd olan tarîk eski köprüler vâsitâsiyle iki yerden Kızıhrmak üzerinden mûrûr itmekte olduğu cihetle mezkûr köprülerin tarîk-i cedidde dahî istî'mali kabil olabilir. Tarîkin geçeceği mahaller arâzisinin nev'ine gelince kircli (kireçli) toprak ve çukur mahalle-rinde kircli (kireçli) çamurdan ibâret olduğu gibi ba'zı mahallerde ve ez-cümle sevâhil cibâl-i müteselsilesiyle Kayseriyye civarlarında yanmış kayalar müşâhede olunur. Levâzîm-i inşâiyye kesret üzere bulunduğu gibi tarîkin bi's-sühâle inşâsı kabildir.

#### *Mahsûlât:*

Sinob'un keresteden başka bir mahsûlü yok ise de Boyâbad ovası gâyet mahsûldâr olub hâslâti buğday ile pirinç ve üzüm ve zeytûn ve meyveden ibârettir. Tarîk boyunca bulunan kit'a-i arâzide dahî o misillü mahsûlât yetişıyor ise de Yozgat taraflarında zeytûn ve pirinç ve müsir buğdayı ile üzüm yetişimiyor. Lâkin buğday ve bal ve Ankara keçisi tiftîgi ve kürd atları külliyyet üzere bulunur. Boyâbadın öte taraflarında zehâir ile hayvânât yok bahâsına nadır.

Boyâbad ile Hacı Hamza cihetlerinde linyit ma'denleri bulunduğu müeyyit sath-i arzda ba'zı âsâr meşhûddur. Sinobdan Boyâbada kadar yani on saat kadar tarîk meşe ve kestâne ve kayın ve çam ağaçlarından ibâret ormanlardan geçer ki şu ormanlardan Tersâne-i Âmire için kereste kat'olunur. Boyâbad'ın ötesinde bulunan ormanların kerestesi yolsuzlukdan nâşî hârîce nakl-olunamayub yalnız bir livâ âhâlinin ihtiyâcâti için kat' ü istî'mâl olunur.

#### **İnebolu'dan Kastamonu ve Çankırı ve Ankara'ya Kadar Olan Tarika Dâirdir :**

Bu tarîkin mecmû-u tûlü takriben üç yüz kilometre olup beher kilometresi (782,60) liradan mecmû-u masârif-i inşâiyyesi (234.782,60) lira tahmîn idilmişdir.

*Güzergâh:*

Tarîkin Kastamoni'ye kadar doksan kilometre mahalli küşâd olunmuş ve bunun nisfinda taş ferş idilerek şosesi yapılmış ve i'mâlât-ı sinaiyyesi ile cüt'î şeylerden ibâret kalmış olduğu halde henüz ikmâl idilmemişdir. Tarîk-i mezkûr İnebolu'dan i'tibâren dokuz saatte degin yüzde ikiden on ikiye kadar meyilli yokuşlar vâsitaîyle yükselmekte ise de bu yokuşların derece-i meyelânının tâdil ve islâhi mümkün olabilir. Andan sonra yüzde sıfırdan beşe kadar meyiller ile dolaşarak Kastamoni'ye vâsil olur. Kastamoni'den Tosya'ya kadar olan mesâfe ise on iki saat olup bunun üç saatî müdevverü's-şekl cibâl arasından geçer ve Tosya'dan Çangırı'ya kadar olan mesâfe on üç saat ve Çangırı'dan Ankara'ya kadar dahî yirmi iki saatdir. Tarîk-i mezkûr güzergâhının şu kısmında zemînîn ârzaları tedâricî olduğundan iniş ve yokuşların derece-i meyelânı yüzde dört veya beş nisbetinde olacakdır. Tarîkin geçtiği mahaller arâzisinin terkîbatına gelince arâzî-i mezkûre kircli (kireçli) toprak ve çamurdan ibâret olup ekseri mahalli ve ezcümle İnebolu ile Kastamoni arasında ve Ankara civarında ba'zi mahallerinde kıızıl ve karataşlar bulunur ve tarîkin inşaâti için muktâzî olan levâzîm-i inşâiyye kesret üzeredir.

*Mahsûlât:*

Bu tarîkin İnebolu'dan Kastamoni'ye kadar dokuz saatlik mahalli meşe ve kestâne kayın ve çam ağaçlarından ibâret ormanlardan geçüb üç saatlik mesâfesi dahî her mevsimde kaabil-i mürûr ve ubûr yaylalardan ve altı saatlik mahalli kâmilén mezrû' tarlalardan mürûr ider. Sinob'dan Kayseriyye'ye kadar yapılacak tarîk boyunca olduğu gibi bunda dahî zehâir ve meyve ve bal ve tiftik ve hayvânât ve kürd atlari bulunur. Kastamoni'de vâsi' bağçeler ve münbit tarlalar bulunub şuralarda pirinç ve keten ve halat i'mâline mahsûs kenevir hâsil olduğu gibi bezler dahî i'mâl olunur.

İnebolu civarında eski bakır ma'denleri var ise de işledileyor ve Gerede'de krom ta'bîr olunan ma'denler ve İnebolu ile Kastamoni ve Çangırı civarında linyit bulunduğu gibi Çangırı'da cesîm memlehalalar dahî vardır.

**Bartîndan Zağfranbolu'ya Kadar Olan Tarîke Dâirdir :**

Bu tarîkin mecmû-u tûlü takriben yüz kilometre olub beher kilometresi (652,17) liradan masârif-i inşâiyyesi cem'an (65,217,39) lira tahmîn olunmuşdur.

*Güzergâh:*

İşbu tarîkin güzergâhı yokuşlarının meyli yüzde altısı tecâvüz itmemek üzere bi's-suhûle ta'yîn ve inşâ olunabilir. On iki saatlik mahalli meşe ve kestane ve kayın ağaçlarından ibâret gayet sık ormanlar içinden ve yâ civarından geçecekdir.

*Mahsûlât:*

Bartîn'da Tersâne-i Âmire ve Derseâdet için kereste kat' u naklolunur ve emtia-i ticâriyye nakline mahsûs gemiler dahî inşâ kılınur. Arâzî-i mütecâviresi mahsûldâr olub buğday ve misir buğdayı ve üzüm ve sâir meyve ile zeytûn yetiştirdiği misillü oralarda hayvânât sürüleri dahî çokdur. Zağfranbolu'nun etrâfında vâsi' ovalar mevcûd olduğundan buğday ve meyve ve üzüm ve bal ve hayvânât ve tiftik yetişür ve inahsûlât-ı mezkûrenin ekserisi Bartîn tarîkiyle Derseâdete nakl-olunur.

**Bandırma'dan Balıkesir'e Kadar Olan Tarıke Dâirdir :**

Bu tarıkın mecmû-u tülü takrifben yüz on kilometre olduğundan ve beher kilometresi (782,60) lira hesâbiyle mecmû-u masârif-i inşâiyyesi (86.086,95) lira tahmîn idilmişdir.

*Güzergâh :*

İşbu tarık Bandırma'dan ayrıldığı gibi sevâhil boyunca bulunan küçük dağlardan geçdikten sonra Manyas gölünün ya şark veya garp cihetinden doğru Mihaliç ovasından geçerek Balıkesir'e müntehî olur. Arâzînin cinsi ise kırıcı (kireçli) toprak ve çamurdan ibaret olub ba'zı mahallerinde yanmış kayalar müşâhede olunur. Bandırma taşları İstanbul sokaklarında kaldırırm inşâsında istî'mâl olunur. Tarîk-ı mezkûrda iniş ve yokuşların derece-i meyelâni yüzde altıyı tecâvüz itmez. Levâzîm-i inşâiyye kesret üzere olup tarıkın inşaâtınca tesâdîf olunacak müşkilât emr-i azîm denilecek mertebede değildir.

*Mahsûlât :*

Mihaliç suyunun vâdisi yirmi bin kilometre murabba' vüs'atinde olup gayet mahsûldâr arâzîden ibârettdir. Buraların mahsûlâtı Bandırma'ya indirilüb oradan Derseâdete ve Bahr-i Sefid ve Bahr-i Siyâha nakl-idilür. Şu mahsûlât külliyyetli zehâir ve misir buğdayı ve bakla ve dari ve keten tohumu ve meyve ve üzüm ve bal ve afyon ve duhan ve zeytûn ve pamuk ve yapağı ve keten gibi şeyler olduğu ve bu yerlerde hayvânât dahî bulunduğu gibi bez ile çuha dahî i'mâl olunur. Bandırmada tahta ve kereste ve Mihaliç bataklıklarından çıkan kamışlardan ma'mûl hasırlar sefâin ile Derseâdete nakl-idilür. Bandırma civârında borasit ma'denleri dahî mevcud olub işlediliyor.

**Ayvalık'dan Bergama'ya ve Kırkağac'a Kadar Olan Tarıka Dâirdir :**

Bu tarıkın mecmû-u tülü takrifben yüz kilometre olup beher kilometresi (608,69) lira hesâbiyle masârif-i inşâiyyesi (60.866, 56) lira tahmîn olunmuşdur.

*Güzergâh :*

İşbu tarıkın nisfi yapılmış olub zeminin ârzaları cüz-i olduğundan kusûrının i'mâlinde birçok i'mâlât-i türâbiyyeye hâcet kalmayacağı gibi levâzîm-i inşâiyye dahî külliyyet üzere bulunduğuandan tarîk-ı mezkûr bi's-suhûle ikmâl olunabilir.

*Mahsûlât :*

Bergama'nın on beş bin nüfusu olub arâzisi gayet mahsûldârdır. Zehâir ve misir buğdayı ve fasulye ve bakla ve üzüm ve sâir meyve ile zeytûn ve incir husûle geldiği misillû bal ve afyon ve palamud ve sisam ve ipek ve pamuk ve yapağı hasıl olur. Deri ve sahiyan dahî i'mâl olunur. Oralarda külliyyet üzere hayvânât da bulunub hattâ atları ziyadesiyle makbûldür ve ihrâcâti külliyyetlidir.

**Antalya'dan Isparta'ya Kadar Olan Tarıka Dâirdir :**

Bu tarıkın mecmû-u tülü takrifben yüz altmış kilometre olup beher kilometresi (652,17) lira hesâbiyle masârif-i inşâiyyesi cem'an (104.347,82) lira tahmîn olunmuşdur.

*Güzergâh :*

Antalya'dan bed'-iden tarıkın otuz beş kilometre mahalli ovadan geçer ve bunun da on iki kilometre mahalli inşa olunmuştur. Bundan sonra meyli yüzde altı derece olmak üzere yokuşlar vâsıtasıyla yükselib Toros dağlarının basit bir noktasından mûrûr ider ve andan Bademagaç ve Mil ve Bıçak ve Ağlasu nâm mahallerden doğru Kestel Gölü vâdîsine iner ve Isparta veya Burdur kadar imtidâd eyler ve bu kasabaların birine müntehî olur ve arâzisinin cinsine gelince ekseri mahalli kircli (kireçli) taş ve ba'zı mahalleride yanmış kayalardan ibâret olduğundan levâzîm-i inşâiyyenin külliyyet üzere bulunabilir ve i'mâlât-i sinâiyyesi cüz'î şeylerden ibâretdir ve dağlar ile tepeciklerin müdevverü's-şekl bulunması hasebiyle güzergâh bis-sühûle ta'yîn olunabileceği gibi inşaâtın pek de masraflıca olmayacağı tahmin olunur.

*Mahsûlât :*

Havâlî-i mezkûrenin mahsûlâtı Bandırma ile Balıkesri arasında çikan mahsûlât gibidir. Isparta ile Burdur arasındaki arâzî kesretle meskûn olub dağda servazar ağaçlarından ibâret ormanlar vardır.

**Maraş'tan Sis ve Adana ve Karataş'a Kadar Olan Tarika Dâirdir :**

İşbu tarıkın mecmû-u tûlü takrıben iki yüz kilometre kadar olduğundan beher kilometresi (434,78) lira hesâbiyle masârif-i inşâiyyesi cem'an (86.956,52) lira tahmin klînmişdir.

*Güzergâh :*

Tarıkın inşâsi Karataş ile Adana arasında gayet kolay olub Adana'dan Sise kadar yapılacak kısmında dahî pek çok müşkilâta tesâdüf olunmayacağı melhûzdur. Şu kadar ki Maraş'a kadar varılması için Ceyhan nehri sevâhilinin gâyet sık mahallerinde inşaâtca müşkilât görülecektir.

Tarıkın geçeceği mahallerdeki arâzînin nev'ine gelince Karataş civârındaki kircli (kireçli) topraktan mürekkep tepecikler ve ovada Adana'ya kadar tuğyan-ı miyâhdan sonra âriz olanı çamur tabakat-ı cesîmesinden ibâretdir. Adana ile Sis arasındaki mahallerde tahaccür itmiş çamur ve kumlu taş ve kireçli toprak ve taş ve ovanın çukur mahallerinde sulardan kalmış çamur tabâkaati müşâhede olunur. Daha ötelerde ise yumuşak kircli (kireçli) taşlar ve ötede berûde kara mermere parçaları dahî vardır.

*Mahsûlât :*

Adana ve Sis ovalarında külliyyet üzere pamuk ve zehâir yetişür. Bundan başka ba'zı bağçelerde şeker kamışı yetiştirmekte olduğu gibi Suriye ile İzmir vilâyetlerinde çikan mahsûlâtın cümlesiin husûlüne bu kit'a-i arâzînin kabiliyyeti vardır. Dağlarda kırmızı çam ormanları ile ba'zı mahallerde çam ağaçları dahî bulunup şunlardan kat'-olunan kereste Kıbrıs ile Suriye ve Mısır gönderiliyor. Maraş civârında Osmâniyye nâm mahalde güzel meşe ağacından ibâret ve şâyân-ı dikkat bir orman vardır. Akarsular da kesret üzere bulunduğu gibi havası dahî mezrûâtına gayet müsâiddir.

**Hâtime-i Kelâm**

Mecmû-u tûlü iki bin beş yüz kilometreden ibâret olan bâlâda ta'yîn olunan tarıklerin beher kilometresi hadd-i vasat itibariyle (669,43) liradan masârif-i inşâiyesi tahminen (1.696.956,52) liraya bâliğ olur.

**FASL-I SÂNÎ**  
**TİMÜRYOLLAR BEYÂNINDADIR**

**Mülâhazât-ı Umûriyye :**

İzmirden Bağda'da kadar yapılacak timûryolu için iki güzergâh teklif idilmiş olub bunlardan biri İzmir'den bed' ile Eskişehir ve Ankara ve Sivas ve Malatya ve Diyarbekir ve Musul üzerinden Bağda'da müntehî ve diğerî dahî İzmit'den bed'-ile Eskişehir ve Kütahya ve Konya ve Adana ve Halep ve Anbar nâm mahalle kadar Fırat'ın sağ cihetinden kezâlik Bağdad'a vâsil olur.

Birinci sûret güzergâh ittihâz olunsa ikinci güzergâhtan daha uzunca olduğu gibi inşaâtca dahi daha ziyâde müşkilâtı dâ'i olacaği şöyle dursun bir muhârebe vukuunda ekseri mahallerinde muâmelât-ı nakliyyenin düşmen tarafından inkâtâi tehlikesine uğrayabilmek ihtimali zâhirdir.


İkinci güzergâh ise huduttan daha uzak olduğu gibi İzmir cihetinden ve İskenderun körfezinden sâhil-i deryâya kesb-i iltisâk itmesi mümkün olduğu ve bundan başka tecâvüz-ü â'dâya en müsait olan cihetlerinde bile yine Toros cibâl-i müteselâlesi ve Şatt-ı Fırat nehirleri ma'rifiyle şunun muhâfazası kabil olacaği bedîhîdir.

Şat nehri denize mansab olduğu mahâlden Bağdada kadar her mevsimde kabıl-i seyr ü sefer olub hattâ küçük vapurların dahi Fırat nehrinde Anbar'dan Balis'e kadar çıkarlar. Mukaddemâ Şat ile Fırat nehirleri Bağdad ile Balis arasında bulunan bir kanal ile yekdigerine rabt-idilmiş olduğu gibi mezkûr kanalın yeniden tathîr ve küşâdi mümkün olacağından Şatın nokta-i munsabî ile Balis arasında küçük vapurlar işledildiği halde bunların hattın inşâsına müstelzem olacaği külli teshîlât ve muhasenâtdan başka bir harp yukuñunda düşmen tarafından timûryolun tahrîbi tasavvur edildiği takdirde dahî mezkûr timûryolun muhâfazasına sâlîfî'z-zikr vapurlardan külli muâvenet görülür.

Ta'rîf olunan şu ikinci sûret güzergâh ittihâz olunarak hatt-ı kebîr yapılib da haritada gösterilen şu'beleri inşâ kihndîgi halde hatt-ı mezkûrun Anadolu'da bulunan kasabât-ı cesîme ve arâzî-i ma'mûre ile rabt-idilerek sâhil-i deryâ ile olacak cihât-ı iltisâkiyyelerinden mezkûr Anadolu kît'asının mahsûlâtum icâb-ı hâle göre yâ İskenderun körfezine veya İzmir veya Dersetâdet cihetine nakline vâsita olması cümle-i muhassenât-ı azîmedendir.

Bâlâda ta'rîf olunan şu iki güzergâhtan başka İzmir'den bed' ile Bolu ve Tosya ve Amasya ve Tokat ve Sivas ve Malatya ve Diyarbekir ve Musuldan geçerek Bağdad'a müntehî olmak üzere diğer bir üçüncü güzergâh daha vârid-i hâtır olmuş ise de Bolu ile Tosya ve Amasya arasındaki arâzinin kircli (kireçli) taş ve toprakdan ibâret olduğu nazâr-ı mütlâkaya ahndıkda hattın inşâsına müşkilâtâ tesâdûf olunacağı misillû bu güzergâh sevkulceyş ve muhâfaza-i memlekât nokta-i nazariyle tetkîk olundukda dahî muhârebe vukuñunda yâ Bahr-i Siyâhdan veya Erzurum havâlisinden veyâhut Bâyezid cihetinden y'ani güzergâh boyunca tarîk-i mezkûr ba'zi tasallutât ve tahrîbâta uğramak tehlikesine hasbel-mevki' ziyâdece müsta'id idüğü tahakkuk ider.

Ma'mâfih şu üç güzergâhdan biri hatt-ı kebîr ve diğerleri mahrec veya şu'be



Anadolunun Bayındırlık İşlerine dair Hasan Fehmi Paşa tarafından hazırlanan lâyiħaya ekli, yapılacak demiryolu, şose, iskele, sulanacak arazi ve kurtulacak bataklıkları gösteren harita.



hatları makamında inşâ olunduğu halde memleketin ihtiyâcât-ı hakîkiyyesine cidden hizmet ideceği der-kâr ise de hatt-ı kebirin tekellüfât ve müşkilât-ı azîmeye uğramaya-rak işledilmesi matlûb ve mültezem olduğu halde mücerred Eskişehir ve Kütahya ve Konya ve Adana ve Halepten Firatin sağ cihetine doğru geçirilecek güzergâha tatbikan lüzüm-ı inşâsi derece-i vücûbdadır.

**İzmit'ten Bed'ile Eskişehir ve Konya ve Haleb ve Anbar'dan Geçerek Bağda'da Müntehi Olacak Hatt-ı Kebir Beyanındadır :**

Hatt-ı mezkûrun gececeği arâzide tesâdûf olunacak müşkilâtın mütenevvi' bulunması mülâbesesiyle zîrde ta'rîf olunacağı vechile altı kışma taksim olunur.

**Hattın Izmit'ten Eskişehir'e Kadar Olan Birinci Kısımlı Beyanındadır :**

Hattın işbu kısmı tülen iki yüz yirmi beş kilometre olduğundan beher kilometresi (9.130,43) lira hesâbiyle masârif-i inşâiyyesi cem'an (2.054.391,30) lira tahmîn olunmuşdur.

*Güzergâh :*

Kısm-ı mezkûrda hat Izmit deresinden doğru Sabanca gölüne vâsil olarak mezkûr gölü dolaşır ve andan Sakarya deresine vararak Vezirhan'a kadar gider. Sakarya suyunun iki cihetinde ufak dereler ve seller ve boğazlar bulunub hatt-ı mezkûr suyun üzerinden geçirilmege hâcet kalmamak için sol cihetindeki sahil boyunca imtidâd ider. Vezirhan'dan Bilecik'e kadar Karasu boğazlarına girer. Bu mahallerin tülü altı yedi kilometreden ibâret olub iki cihetinde gayet dik kayalar olduğundan bu cihette inşaâtca bir dereceye kadar müşkilâta uğrânılması melhûzdur. Hattâ bîlhassa hattın nehir sularından muhâfazası için destek divarları inşâsına mecbûriyyet hâsil olacağının gibi hattın teindîdiyünün dahî ba'zı mahallerde ayrı ayrı kayaların barut kuvvetiyle hafr-ü def'i lâzım gelecekdir. Bilecik'ten Karaköy'e kadar müşkilât az olacağının misillü Karaköy'den hattın Eskişehir'e ıslâli kesb-i sühûlet ider. İşbu hattın kısmında iniş ve yokuşların derece-i meyelâni yüzde bir buçukdan iki buçuğa kadar tahallûf ider.

**Hattın Eskişehir'den Kütahya ve Afyonkarahisar'a Kadar Olan İkinci Kısımlı Beyanındadır :**

İşbu kısmın mecmû-u tâli iki yüz kilometre olduğundan beher kilometresi (6.965,65) lira hesâbiyle masârif-i inşâiyyesi cem'an (1.391.304,39) lira tahmîn olunmuştur.

*Güzergâh :*

Hattın Eskişehirden ayrıldığı anda Bursak çayı vâdisinden çıkarak Ermenli çiftliği nâm mahalde Çerkezköyü deresine girüb birinci derbendin tepesini aşıkdan sonra yine Bursak çayı vâdisine inecek ve andan yukarı çıkub Kütahya'ya varacaktır ki Kütahya'da timûryol mevkîi kasabanın şark cihetinde güzel bir mevkî'de bulunacaktır. Bursak çayı vâdisinden geçen hat parçasının inşâsında hayli müşkilât görülecektir. Çünkü hatt-ı mezkûr çayın ba'zı mahallerinde gayet dar ve dik kayalardan ibâret boğazlardan geçecektir. Hat Kütahya'dan çıkışına ovdan cenûba doğru giderek bir daha Bursak çayını aşıkdan sonra cibâl-ı müteselsilenin tepesine varır ve derece-i

meyli yüzde bir buchuğu mütecâviz bulunmamak üzere inişler ile dört kilometre kadar mahalli dolaştıktan sonra Ağalar vâdîsine iner ve mezkûr vâdînin beş yüz metre arzında olan cihet-i şîmâliyyesi boyunca ana muvâzî olarak indikten sonra Sivler (Sebular) köy civârında bulunan suyu aşarak ve gitgide daralıp nilâyeti iki tarafı kayalardan ibâret bir boğaz şeklini kesb-iden bir küçük dereden geçerek Arslan ve Duyur köy vâdîsine vâsil olur.

Hattin bu parçasında kitaât-ı münhanîyyenin nisif kuturlarının tûlü iki yüz kırk metreye kadar tenzîl kilinacak ise de iniş ve yokuşların derece-i meyelânı yüzde yarımından üç çaryege kadar varub şu miktarı tecâvüz itmeyecekdir.

Hatt-ı mezkûr Aslanköy vâdîsinden bilâ müşkilât Muradlar vâdîsini mürûr ile bir küçük boğaza ve buradan dahî Akviran tepesinden geçerek ma'den ve akarsular ovasına ve buradaki bataklıkları dolaşub Afyonkarahisar'a vâsil olur. Hattin bu parçasında iniş ve yokuşların derece-i meyelânı yüzde yarımından bire kadar tahallûf ider ise de bu miktarı tecâvüz itmez. Havâli-i mezkûre arâzisi krâcli (kireçli) toprakdan mürekkep olub ba'zi cihetlerinde yanmış kayalar emâreleri ve krâcli (kireçli) çamurlar ve donlar ve balçıklar ve ara sıra mermer parçaları görünür. Afyonkarahisar'da gayet nefis mermer ocakları bulunur.

#### **Hattin Afyonkarahisar'ından Konya'ya Kadar Olan Kısmı Beyânındadır :**

İşbu kısmın tûlü iki yüz seksen kilometre olub ve beher kilometresi (6.521,73) lira hesâbiyle masârif-i inşâîyyesi cem'an (1.826.086,95) lira tahmin kilinmiştir.

#### *Güzergâh*

Timûryol Afyonkarahisar'ından ayrıldığı anda Akarsu deresini geçerek biraz arızalı Yusuf Han çayı ta'bır olunan küçük tepeye varub şu tepede vâki' küçük vâdîler ile tepecik çukurcukları kat'-ile Yörük yaylaya vâsil olur ve oradan Toros cibâl-i müteselsilesinden ma'dûd Bar dağını dolaşarak bir küçük derbendden geçtikden sonra zikrolunan dağı bırakarak Karaman büyük ovasına iner ve orada bulunan bataklıkları dolaşarak Konyaya müntehî olur. Dağda krâcli (kireçli) taş ve kırmızı ve kara taş ve ba'zi mahallerinde yanmış kayalar bulunduğu gibi ovada dahî kumlu toprak tabakatı bulunur.

#### **Hattin Konya'dan Ulukışla'ya Kadar Olan Kısmı Beyânındadır :**

Bu kısmın tûlü iki yüz otuz kilometre olub beher kilometresi (6.552,17) lira hesâbiyle masârif-i inşâîyyesi cem'an (13.000,00) lira tahmin olunmuştur.

#### *Güzergâh*

Konyadan bed'-ile hat yine Karaman ovasından posta yoluna muvâzî bir sûretde giderek Ereğli'ye varub oradan şîmâl cihetinde Akgöl'ü dolaşur ve Toros cibâl-i müteselsilesinin zîrînde bulunan arızalı bir ovadan mürûr ittikten sonra ittisârî kâfi ve az mürtefi' Ulukışla boğazına vâsil olur. Ol havâli arâzisinden ovadaki arâzî çamur tabakaati ve balçıkdan ibâret olduğu gibi dağdaki arâzî dahî kumlu taş veya krâcli (kireçli) taş ve toprakdan ibârettedir.

**Hattın Ulukışla'dan Haleb'e Kadar Olan Kısmı Beyânındadır :**

İşbu kısmın mecmû-u tülü üç yüz elli kilometre olup beher kilometresi (10.000) lira hesâbiyle masârif-i inşâiyyesi cem'an (35.000,00) lira tahmîn kılınmışdır.

**Güzergâh**

Ulukışla'dan Çiftehan boğazlarına kadar dere vâsi'ce olduğu gibi zemindeki ârizalar cüzidir. Çiftehan boğazı ise dar olduğu gibi gayet dolaşıklıdır. Çiftehan'dan Akköprüye kadar derenin arzı yüz metrodan iki yüz metro kadar olduğu gibi ba'zi mahalleri kezâlik dolaşıklıdır. Bu derenin iki cihetinde somâki ve çakmak ve yâ kaygan taşından mürekkep gayet dik kayalar vardır. Akköprüden Bilemedik boğazına kadar mezkûr dere gayet sehli'l-mürûr olub ancak bir noktasında su oldukça serd krçli (kireçli) taşdan ibâret kayalar arasında dolaşlığından orada inşaâtca ba'zi mertebe müşkilât görülmeli melhûzdur.

Asıl boğazdaki dere sa'be'l-mürûr olub sevâhilinde kâh çam ormanları ile muhit dikçe inişler ve kâh yumuşak krç (kireç) taşından mürekkep gayet dik ve mürtefi' sedler vardır. Mezkûr dereden sonra takriben bir kilometre arzında bulunan Çaket deresine girilir ki bunun iki cihetinde ba'zi cihetlerinde meyli mu'tedil ve ba'zi cihetlerinde dikçe tepe etekleri bulunarak bu tepeler beyaz toprak ve kaba taş ve kilden mürekkebedir. Adana ovası müceddeden toplanmış kumlu toprak tabakatından ibâret olup ba'zi cihetlerinde beyaz toprak ve kilden mürekkep tepecikler ve adacıklar vardır.

Ve timûryolu inşâsına görilecek müşkilât mücerret Seyhan ile Ceyhan nehirlerindendir ki büyük köprüler inşâsı mecbûridir. Adana ovasının daha ötesinde Ayas'a doğru sâhil boyunca ârizalara tesâdûf olunur ise de timûryol bilâ müşkilât bunlardan geçirilerek Bayasa kadar sühûletle dolaştırılabilir. Mezkûr Bayas'tan Bilan boğazına kadar timûryol yirmi beş kilometre mahal kadar kayah ve ârizali bir dağın eteginden dolaştırılarak boğazı geçtikten sonra Antakya ovasına indirilecek ve oradan dahî müşkilât-ı azimeye uğramaksızın Haleb'e kadar temdîd idilebilecekdir.

**Hattın Haleb'den Bağdad'a Kadar Olan Kısmı Beyânındadır :**

İşbu kısmın mecmû-u tülü dokuz yüz on beş kilometre olup beher kilometresi (5.260,86) liradan masârif-i inşâiyyesi cem'an (48.136 95) lira tahmîn olunmuştur.

Timûryol Haleb'den ayrıldıkda Anbarlı'a kadar Fırat nehrinin sağ cihetinde imtidâd iderek ve Anbarlı'da nehr-i mezkûr üzerinden geçerek Bağdad'a müntehî olur. Havâli-i mezkûre arâzisi vâsi' bir ovadan ibâret olup ba'zi cihetlerinde tepecikler var ise de timûryol hattı salîfî'z-zikr ovada kemâl-i sühûletle temdîd olunabilir. Ba'zi küçük sular üzerinde birkaç köprü ile Anbarlı'da Fırat üzerinde yapılacak büyük köprüden başka i'mâlat-ı cesîme ihtiyârına mecbûriyyet görilmmez.

Izmit'den Bağdad'a kadar mecmû-u tülü iki bin iki yüz kilometreden ibâret olan timûryolun beher kilometresi hadd-i vasat üzere (6.766,08) lira hesâbiyle mecmû-u masârif-i inşâiyyesi takriben (14.885.434,78) liraya bâliğ olur.

**Hatt-ı Kebire Yapılacak Şu'abât Hatları Beyânındadır :**

*Eskişehir'den Pepi'ye ve Ankara'ya Yapılacak Şu'beye Daîirdir :*

İşbu şu'benin mecmû-u tûlü iki yüz otuz kilometre olduğu halde beher kilometresi (4.782,60) lira hesâbiyle masârif-i inşâiyyesi cem'an (1.100.000) lira tahmîn olunmuşdur.

*Güzergâh :*

Mezkûr şu'be metre başına on iki buçuk milimetro meyli olmak üzere inişler ve yokuşlar ile yapıldığı halde i'mâlât-ı türâbiyye-i cesîme icrâsına hâcet kalmayarak bir takım küçük tepelerden geçirildikden ve Kaymas civarında bulunan Karakaya dağıyla Sakaryâ-yı ulyâ boğazı dolaşdırıldıktan sonra müşkilât-ı azîmeye uğrannımsızın Sivrihisar'a varılır. Mezkûr Sivrihisar mevkifi kasabanın şîmâlinde iki kilometre bu'dünde Sivrihisar ile Çisteler ve Molova-çay sularının nokta-i içtimâi olan bir tepede inşâ idilür. Sivrihisar'dan timûryolun yüzde bir ve bir çâryegi kadar meyilli inişler ile dereye indirilebilür veyâ sağ cihetinin etekleri dolaştırılarak Pepi ittisâlinde Sakarya suyuna isâl idilür.

Hattın bu kısmı pek de müşkilâtı müstelzim olmayacağı ise de hayli i'mâlât-ı inşâiyenin icrâsına mecbûriyyet görür. Hatt-ı mezkûr Pepi'de Sakarya'yı geçüb meyli metre başına yüz yirmi beş milimetreyi tecâvüz itmek üzere bir takım yokuşlar ile deredeki tepecikleri aşarak Polatlı ile Derepinar'a ve oradan dahî Malıköy'den Ankara cânibine doğru gidilerek mezkûr çay vadisinden Ankara'ya temdîd olunur.

*Afyonkarahisar'ından Alaşehir'e Kadar Yapılacak Şu'beye Daîirdir :*

İşbu şu'benin tûlü iki yüz kilometre olub beher kilometresi (7.608,69) lira hesâbiyle masârif-i inşâiyyesi cem'an (1.478.260,86) liraya bâliğ olur.

*Güzergâh :*

Mezkûr şu'be inşâ olunduğu halde hatt-ı kebir İzmir'den Alaşehir'e kadar işledilmekte olan timûryolu hattı ile birleştirilmiş olur ve mezkûr şu'benin güzergâhında Uşak ile Alaşehir arasında yirmi beş metre tûlünde bir yokuş olduğundan güzergâhın bu kısmının inşâsı müşkilce olacak ise de aksâm-ı sâiresi bi's-sühûle inşâ olunabilir.

*İlgîn'dan Aydın'a Kadar Olan Şu'beye Daîirdir :*

İşbu şu'benin mecmû-u tûlü dört yüz kilometre olduğu halde beher kilometresi (6.521,73) lira hesâbiyle masârif-i inşâiyyesi cem'an (2.608.695,65) lira tahmîn kılınmışdır.

*Güzergâh :*

Mezkûr şu'be Bağdat hatt-ı kebirini İzmir'den Aydına kadar işlemekde bulunan hatta rabt-idecek ve mezkûr şu'be Eğridir ve Isparta'dan ve ba'dehû Meyandır vadisinden ve Denizli cihetlerinden geçirürlerek Aydin timûryoluna rabt-idilecekdir.

*Konya'dan Erzurum'a Kadar Olan Şu'beye Daîirdir :*

Bu şu'benin tûlü bin yüz kilometreden ibâret olduğu halde masârif-i inşâiyyesi (8.508.695,65) liraya bâliğ olur ve işbu şu'benin geçeceği arâzide tesâdûf olunacak müşkilât mütenevvi' olduğu cihetle üç kisma taksîm-idilmek lâzım gelir şöyle ki :

*Konya'dan Kayseriyye'ye Olan Biriuci Kısım Beyanındadır:*

Bu kısmın mecmû-u tülü üç yüz yetmiş altı kilometre olub beher kilometresi (7.608,69) lira hesâbiyle masârif-i inşâiyyesi cem'an (2.739.170,43) lira tahmin olunmuştur.

*Güzergâh:*

Hattın işbu kısmını İmil nâm mahal civârında vâki' bir noktada hatt-ı kebirden ayrılarak Karapınar ittisâlinde cüz'î mürtefi' dağdan geçikden sonra dağ eteginden doğru Aksaraya çıkarılıp andan Beyazsu üzerinden geçirilerek gâyet ârizâlı ve suların cereyânına gayr-i müstait bir ovadan Nevşehir'e kadar temdîd ile oradan dahi Ürgüp ve İncesu cihetlerinden doğru Kayseriyyeye isâl olunacaktır.

Havâli-i mezkürenin arâzisi Toros dağlarının gârp cihetinin zîrinde vâki' olmakla sîrf volkan dağlarından çıkan mevadd-i muhterikadan ibâretdir.

**KAYSERİYYE'DEN SİVAS'A KADAR OLAN İKİNCİ KISIM BEYÂNINDADIR**

İşbu kısmın tülü iki yüz altmış kilometre olub beher kilometresi (6.521,73) lira hesâbiyle masârif-i inşâiyyesi cem'an (1.695.652,17) lira tahmin olunmuştur.

*Güzergâh:*

İşbu hat Kayseriyye'den asla müşkilâta tesadüf olunmaksızın Hanlı nâm mahalle kadar posta yolundan temdîd idilerek ve mezkûr Hanlı'da posta yolundan inhirâf ittilererek Egrev'e (Egruh?) su vadisinden Kızılırmak'a kadar temdîd olunduktan sonra oradan müşkilât-ı azîmeye uğrânlıkmaksızın Sivas'a çıkarılabilir.

**SİVAS'TAN ERZURUM'A KADAR OLAN KISIM BEYÂNINDADIR**

Bu kısmın mecmû-u tülü dört yüz altmış dört kilometreden ibâret olup beher kilometresi (8.695,65) lira hesâbiyle masârif-i inşâiyyesi cem'an (4.034.782,60) lira tahmin olunmuştur.

*Güzergâh:*

Timûryol Sivas'dan bir müddet Kızılırmak vadisinden gittikden sonra tepeye çıkış yine dereye inerek Zâra'ya kadar şu dereden gidecek ve Zâra'da yine dereden ayrılp şimâle doğru yirmi beş kilometre tülünde bir tepeden geçikden sonra Karahisar-ı Şarkî çayının sol cihetine varacak ve Kızıldağ'ın tepesine kadar mezkûr çayın kenarından giderek ve Klarse Sulu derbendinden geçikden sonra Erzincan'a doğru Fırat vadisine inerek ve mezkûr vadide suların muhâlif cihetine doğru imtidâd ey leyerek büyük bir müşkilâta tesâdüf olunmaksızın Erzurum'a vâsil olacaktır.

**HALEB'DEN BİRECİK'E VE URFA VE DİYARİBEKİR'E OLAN ŞU'BE BEYÂNINDADIR**

Bu şu'benin mecmû-u tülü dört yüz yirmi kilometre olub beher kilometresi (6.521,73) lira hesâbiyle masârif-i inşâiyyesi cem'an (2.739.173,91) lira tahmin olunmuştur.

*Güzergâh:*

Bu hat Halebden Kilos suyunun menbaâna kadar çıkış şarka doğru bir takım küçük derelerden geçerek Birecik'e varacak ve Birecik'te Fırat nehrinin üzerinden karşı

yakasına ve andan bir takım ufak tepeleri bulunan Urfa ovasından mürür ile Sülarek (Sivarek?) nâm büyük ovaya vâsil olduktan sonra Karadağ eteğinden işbu dağın tepesine çıkacak ve oradan Şat vâdisine inerek Diyarbekire vâsil olacaktır.

#### ANBARLI'DAN BASRA'YA KADAR OLAN ŞU'BE BEYÂNINDADIR

Bu şu'benin mecmû-u tülü altı yüz kilometreden ibaret olub beher kilometresi (4.782,60) lira hesâbiyle masârif-i inşâiyyesi cem'an (2.869.565,21) lira tahmin olunmuştur.

#### Güzergâh:

İşbu şu'be Anbarlı nâm mahalde hatt-i kebirden ayrılarak Fırat nehrinin sağ cihetinden doğru Basra körfezine müntehi olacaktır. İşbu hat tepeciklerden ibaret bir takım ufak dağların zirinde ve arazisi nehrin bıraktığı tahaccür itmiş çamurdan mürekkep bir büyük ovadan geçecekdir.

#### TRABLUS-ŞAM'DAN HUMUS'A KADAR OLAN ŞU'BE BEYÂNINDADIR

Bu şu'benin mecmû-u tülü yüz kilometreden ibaret olub beher kilometresi (8.695,65) lira hesâbiyle masârif-i inşâiyyesi cem'an (869.565,21) lira tahmin idilmiştir.

#### Güzergâh:

İşbu şu'be sahil-i deryâdan ayrıldığında bir takım küçük dereler geçikden sonra Lübnanın bir az basit bir noktasında cibâl-i mezkûre tepesinin Akar (Afar?) nâm mahalle vâsil olacak ve andan sonra Orunt vâdisine inerek şu vâdiden ayrılmaksızın Humus'a vâsil olacaktır. Cebel-i Lübnân'dan geçecek olan kısmın inşâsına hayli müşkilâta tesadüf olunması melhûzdur.

İste hatt-i kebire rabt-idilecek ve mecmû-u tülü üç bin elli kilometreye bâliğ olacak şu'belerin beher kilometresi takriben (6.708,69) liradan mecmû-u masârif-i inşâiyyesi (20.435.652,17) liraya bâliğ olacaktır.

#### İkinci Derecede Hatlar Beyânındadır:

##### SAMSUN'DAN DIYARBEKİR'E KADAR OLAN HATTA DAİRDİR

Bu hattın mecmû-u tülü sekiz yüz doksan kilometreden ibaret olup masârif-i inşâiyyesi cem'an (6.843.478,26) lira tahmin olunmuştur.

Hatt-i mezkûrun geleceği arâzide tesâdûf olunacak müşkilât mütenevvi' olduğundan ber-vech-i âti üç kisma taksim olunmuştur.

##### SAMSUN'DAN SİVAS'A KADAR OLAN BİRİNCİ KISMA DAİRDİR

Bu kısmın tülü üç yüz doksan iki kilometre olub beher kilometresi (8.695,65) liradan masârif-i inşâiyyesi cem'an (3.408.695,65) lira tahmin olunmuştur.

#### Güzergâh:

Bu kısım Samsun'dan bed' ile Karadağ boğazına kadar Kızılırmak'a çıkarak ve mezkûr boğazdan i'tibâren dağ eteğinden biraz şimâle meyl-iderek Tercan suyunu kadar inecek ve mezkûr suyun kenarından Derbend nam sa'bel-mûrûr bir mahalle

kadar çıkacak ve mezkür Derbend'den geçtikden sonra Amasya'ya doğru inecekdir ve Amasya'dan Yeşilırmak'ın sağ cihetinden bir miktar çıktıktan sonra mezkür suyu geçerek Deli çayı deresine varacak ve mezkür çayın kenarından menba'ına kadar çıktıktan sonra Çengel boğazını geçüp yine Yeşilırmak vadisine inerek Tokat'a kadar mezkür vadiden gidecekdir ve Tokat'dan sonra inşaâtca haylı müşkilâti müstelzim olan Çamlıbel'e kadar varacak ve ba'dehû Çamsuyu vadisinden Kızılırmak vadisine inerek şu derenin kenarından Sivas'a çıkacaktır.

#### Sivas'tan Malatya'ya Kadar Olan İKİNCİ KİSMİ DAİRDİR

İşbu kısmın tâli yüzeyi beş kilometre olub beher kilometresi (6.956,52) lira hesâbiyle masârif-i inşaiyyesi cem'an (2.122.608,69) lira tahmin olunmuştur.

##### Güzergâh :

Sivas'dan yüzde yarım meyli olmak üzere yokuşlar vâsitasıyla bilâ müşkilât Toros cibâl-i müteselsilesinin geçidine varub oradan dahi bir kaç saat dar boğazdan geçtikden sonra vâsice bir dereye varub meyli yüzde yarımı tecâvüz itmemek üzere inişler ile Malatya'nın vâsi' ovasına müntehî olur.

#### Malatya'Dan Diyarbekir'E Kadar Olan ÜÇÜNCÜ KİSMİ DAİRDİR

Bu kısmın mecmû-u tâlü iki yüz kilometre olub beher kilometresi (6.565,21) lira hesâbiyle masârif-i inşaiyyesi cem'an (13.043,47) lira tahmin olunmuştur.

##### Güzergâh :

Malatya'dan bed' ile ârizaları cüz'î bir ovadan az bir yokuş ile doğru Harput'a varıldıktan sonra dağın eteğinden çıkarak Fırat ve Şat vadilerinin nokta-i istirâki olan dağın başına ya'nî Ergani ma'denine vâsil olur.

Bu kısmın yirmi otuz kilometre kadar mahallinin inşâsı ba'zı mertebe müşkilâtla tesâdûf ider ise de bâkisi Ergani'den az bir meyl ile aşağı inen vâsi' ovadan geçerek Diyarbekir'e vâsil olur.

#### Haleb'den Hama ve Humus ve Şam Cihetlerinden Geçürilerek Hicâza Kadar Olan Hat Beyânındadır :

Bu hattın mecinû-u tâlü beş yüz seksen kilometreden ibâret olup beher kilometresi (5.652,17) liradan masârif-i inşaiyyesi (3.278.260,86) lira tahmin kılınmıştır.

##### Güzergâh :

İşbu hat Haleb'den cenuba doğru cüz'î ârizali ovadan giderek Hama'da vâki' Orunt vadisine ve oradan bed'-ile mezkûr vadî ile Humus'a kadar çıkılacak ve Lübnan dağlarının arka cihetlerinin altından giderek Şama varacak ve oradan Havran sahârasına ve Yordan vadisine inüb mezkûr vadiden Bahr-i Lûta varacak ve oradan dahi Hicâz'a doğru gidecekdir. Ve ta'rîf olunan şu güzergâhta müşkilât-i inşaiyye yokdur.

#### Kal'atü'l-Ariş Üzerine Doğru Olan Şu'be Beyânındadır :

Bu şu'benin tâli yüz elli kilometre olub beher kilometresi (5.652,17) liradan masârif-i inşaiyyesi (847.826,08) lira tahmin kılınmıştır.

*Güzergâh :*

Bu şu'be hutüt-u Osmâniyyeyi hutüt-u Misriyyeye rabb-idecekdir ve bunun dahî güzergâhında bir günâ müşkilât yokdur.

**Kudüs ve Yafa Üzerine Olan Şu'be Beyânındadır:**

Yafa'dan Kudüs'e kadar inşâsı imtiyâzi mukaddemâ virilmiş olan hat bi's-sühûle Havran sahrâsına kadar temdîd olunduğu halde mezkûr sahrânın mahsûlâtı sâhile doğru nakl-idilebileceğinden hatt-i mezkûrun olvechile temdîdi envâ-i fevâid ve muhassenâtı müstezzim olur.

**Mudanya'dan Bursa Cihetinden Karaköy'e Olan Hat Beyânındadır:**

Bu hattın mecmû-u tûlü yüz altmış kilometre olub beher kilometresi (4.347, 82) lira hesâbiyle masârif-i inşâiyyesi (695.652,17) lira tahmin olunmuşdur.

*Güzergâh :*

Hatt-i mezkûrun Mudanya'dan Bursa'ya kadar olan kısmı bir metre on santi-metre arzında ya'nî dar yol olarak mukaddemâ başlanmış ve hitâme takarrüb eylemiş ise de ikmâl olunamamıştır.

Bursa'dan yüzde iki meyl ile yokuşlar vâsasıyle Tinbus cibâl-i müteselsilesi geçildikten sonra Yenîehir vadisine ve oradan İnegöl'e ve kerestesi gayet bol Ağadağ ormanından Karaköy'e varılır. Hatt-i mezkûr orman ve ma'denleri cesîm ve her türlü mahsûlâtı mebzûl bir memlekettен geçecekdir. Bursa kasabasının ma'den suları se-bebiyle her sene pek çok kimesnenin ziyaret-gâhidir. Bâlâda ta'rîf olunan ikinci derece hatların beher kilometresi hadd-i vasat olmak üzere mecmû-u tûlü bin yedi yüz seksen yedi kilometre olduğu halde mecmû-u masârif-i inşâiyyesi takriben (11.695.652,17) liraya bâliğ olur.

*Türk*  
**ÜÇÜNCÜ FASIL****BÜYÜK LİMANLAR VE İSKELELER İLE BARINMA  
LİMANLARI BEYÂNINDADIR****Büyük Limanlara Dâirdir:**

Rüsüm-i mürûriyye ahz-idilmeç şartıyla inşâsı kumpanyalara havâle idilebilecek olan başlıca limanlar berveçh-i zîr ta'rîf olunur:

*Trabzon Limanı :*

Trabzonda Karantina kayasının nihayetinden bed'-ile şarka doğru on iki metre ümrk bulununcaya deðin ya'nî sekiz yüz metre tûlinde telâtum-i deryâyı kesecek sûrette bir sed inşâsı ve bir de El-ûse kayasından bed'-ile sedde nisbetle amûden temdîd olunmak ve Mösyo Dösu yaaptırılan Lâyihada gösterildiği vechile on metre ümrk bulununcaya kadar ya'nî iki yüz metre mesâfeye kadar inşâ olunmak ve katı-

ul-envâc makamında bulunmak üzere beş yüz metre tâlünde bir rihtum inşâsi lazımdır ve şu rihtum yolcu ve eşyâ tahmiline dahî vâsita olur.

Trabzon limanında ka'r-i deryâ kayaliktan ibârettir. Ihrâcât ve idhâlât-i seneviyeden mecmû-u mikdâri iki yüz elli bin tonilâtodur. Bâlâda ta'rif olunan sed ve rihtumin masârif-i inşâiyyesi (434.782,60) lira tahmin kılınmışdır.

#### *Samsun Limanı :*

Şimâl-i şarkî rüzgârlarından muhâfazası için Fenerin ittisâlinde bir noktadan bed'-ile iki üç metre ümk bulununcaya kadar şarka doğru kaati'ul-envâc bir sed inşâ ve liman derânu kum ile dolmuş olduğundan tarak vâsîtiyle tathîr olunmak icâb ider. Elyevim Samsun'un idhâlât ve ihrâcât-i seneviyeyesinin mecmû-u miktarı üç yüz on bin tonilato olub limanın masârifî inşâiyyesi (260.869,56) lire tahmin kılınmıştır.

#### **SNOP LIMANI**

Simop limanı tabîf muhâfazalı bir liman olub emti'anın ihrâç ve tahmîlini teshîf zîmnâda rihtum ve iskeleler inşâından başka hiç bir şeye muhtac değildir. Elyevim ihrâcât ve idhâlât-i seneviyeyesinin mecmû-u miktarı yüz on üç bin tonilatodan ibâret olub mezkûr rihtum ve iskelelerin masârif-i inşâiyyesi (86.956,52) lira tahmin olunur.

#### **YUMURTALIK LIMANI**

İskenderun boğazından hubûb iden Cenub-i şarkî rüzgârlarından limanın muhâfazası zîmnâda katî'-ul-envâc bir seddin temdîdi ve bir de sâhil civârında ka'rî deryânîn tathîri ve rihtum divariyle iskeleler inşâsi lâbûd olduğu gibi bu liman olhâvâlide bulunan en güzel ve en muhâfazalı mersâlardan bulunduğu halde mevsim-i şitâda Ceyhan nehri sularının getürdüğü kumlar ile dolmakta olduğundan bu mahzûrun def'i zîmnâda su suların Karataş burnunun ötesinde denize munsab olan mecrâ-yî kadimlerine ircâ' idilmesi için ameliyyât-i mukteziyyenin icrası dahî ehemm ü elzemdir. Gerek şu ameliyyât ve gerek bâlâdaki inşaâtın mecmû-u mesârif (130.434,78) lira tahmin kılınır.

#### **BEYRUT LIMANI**

Elyevim mevcut olan sed rihtimin yedi sekiz ve on iki metre ümk bulununcaya ya'nî beş altı yüz metre tûl hâsil oluncaya kadar temdîdi ve bir de rihtımlar ile iskeleler inşâsi lazımdır. Bunun masârif-i inşâiyyesi (86.956,52) lira tahmin kılınabilir ise de bin sekiz yüz yetmiş iki senesinde Beyrut limanı inşaâtı hakkında takdîm olunan mükemmel harita ve lâyihâda inşaât-i mezkûre için (260.869,56) lira gösterilmişdir.

#### **YAFA LIMANI**

Dokuz on metre ümkunda olmak ve bir kilometre tâlünde bulunmak üzere katî'-ul-envâc bir sed ve cenup cihetindeki kayalıklarda bir rihtum ve şimâl cihetinde dahî imtiyâzi i'tâ olunmuş olan timûryolun mevkisinden temdîd olunacak hat kışının nihâyetinde ahşab bir iskelenin inşâsi lazımdır ve şu inşaâtın mecmû-u masârif (173.913,04) lira tahmin olunmuştur.

### **İskele ve Barınma Limanlarına Dâirdir :**

#### **RİZE LİMANI**

Mezkûr limanın şimâl-i garbîden hubûb iden rüzgârlardan muhâfazası için şimâl-i şarkî hizasına doğru ve on iki umk peydâ oluncaya kadar ya'nî altı yüz metre tûlünde kat'î emvâc idecek sûrette bir sed inşâsı lazımdır ve mezkûr sed inşâ olunduğu takdirde sefâin içün üç yüz otuz dönum ittisâ'ında ve sekiz on metre umkunda bir barınma limanı yapılmış olur. Sâhile yanaşılması kabil olduğundan rihtumun kena-rında bir iskelenin dahî inşâsı muvafik-i maslahat görür ve bunların masârif-i inşâiyesi (173.913,04) lira tahmin idilür.

#### **TİREBOLU LİMANI**

Telâtum-i deryâyi kesecek sûrette tabîî kayalar mevcûd olduğundan bunların üzerine iki üç yüz metre tûlünde bir rihtum yapıldığı halde bu liman sefâinin batırmasına kâfi olacak derece ıslah idilmiş olur ve bunun masârifî dahî (43.478,26) lira tahmin kılınır.

#### **GİRESUN LİMANI**

Su yüzünde bulunan kayalar ile eskiden yapılmış bir rihtumun mevcûd olan âsârından bi'l-istifâde şimâl-i şarkîden cenub-u garbîye doğru açıkta ve deniz içinde bir sed ile sahilden yarı mil bu'd ve mesâfede bulunan bir kayada bir fener inşâsı lazımlı gelür Giresunun elyevm ihrâcât ve idhâlât-i seneviyyesinin mecmû-u mikdâri yirmi sekiz bin tonilâtodur ve bu inşaâtin masârifî (16.956,52) lira tahmin olunmuşdur.

#### **ORDU LİMANI**

İstikameti garpten şarka olmak üzere takriben iki yüz metre tûlünde bir sed rihtum ile âdi bir rihtum veya bir iskele inşâsı lazımdır. Bunların masârif-i inşâiyesi (43.478,26) lira tahmin kılınmışdır.

#### **ÜNYE LİMANI**

Taşkonak burnundan bed' ile şarka doğru müteveccih olmak üzere bir rihtum ile âdi bir rihtum veya bir iskele inşâsı ve limanın tarak vâsasıyle tathîri lazımlı olub şunun masârifî (86.956,52) lira tahmin olunur.

#### **TERME LİMANI**

Terme suyunun denize mnnsab olduğu mahalde mezkûr suda bir rihtum ve iskeleler inşâsı muktazi olub şunların masârifî (21.739,13) lira tahmin olunur.

#### **İNEBOLU LİMANI**

Şark cihetindeki burunida bir sed rihtum ve bundan başka âdi rihtumlar ile iskeleler inşâsı lazımdır. İnebolunun ithâlât ve ihrâcâtı seneviyyesinin mecmû-u miktarı iki yüz doksan beş bin tonilato olub şu inşaâtin masârifî (86.956,52) lira tahmin idilür.

**BARTIN LİMANI**

Suyun denize munsab olduğu mahalde rihtum ile iskeleler inşâsı lazımdır. İhracât ve ithâlâtın mikdarı seneviyesi yirmi beş bin tonilatodur. Yapılacak ameliyyenin masârifî (21.739,13) lira tahmin idilmiştir.

**MUDANYA LİMANI**

Bir sed ile rihtum ve iskeleler inşâsı lazımdır. Mudanyanın ihracât ve ithâlâtı seneviyessinin mikdari on beş bin tonilatodur ve bu inşaatin masrafi (65.217,39) lira tahmin olunmuştur.

**BANDIRMA LİMANI**

Elyevm mevcûd olan seddin temiddiyle vapurlar için bir iskelenin te'sisi lazımlıdır. Masârifî inşâiyessi dahi (21.739,13) lira tahmin kılınmıştır.

**MERSİN LİMANI**

Denizden ya'nî cenub-u şarkî cihetinden hubûb iden rüzgârlardan elyevm mevcûd olan iskelelerin muhâfazası üçün def'i emvâc idecek sûretde bir seddin inşâsı lazımdır ve bunun masârifî (65.217,39) lira ve Mersin'in elyevm ihracât ve idhâlâtı seneviyessinin mecmû-u miktarı yüz on bin tonilatodur.

**KARATAŞ LİMANI**

Emvâcın katına kifayet iden mevcut kayalar üzerine bir sed inşâsiyle bir de iskele te'sisi lazımlıdır ve bu inşaatin masârifî (43.478,26) lira tahmin olunmuştur. Ve bu limanın ihracât ve idhâlâtı seneviyessinin mecmû-u miktarı on sekiz bin tonilatodur.

**İSKENDERUN LİMANI**

Mevcûd olan sed ve rihtum ve iskelelerin İslâhi lazımlıktır ve bu i'mâlâtı İslâhiyyenin masârifî (86.956,52) lira tahmin olunur ve bu limanın ihracât ve idhâlâtı seneviyessinin mecmû-u miktarı yüz otuz bin tonilatodur.

**TRABLUS-ŞAM LİMANI**

Emvâcın katına medâr olan mevcûd kayaların üzerine bir sed ile rihtum ve iskeleler inşâsı lazımdır ve bunun masârifî (65.217,39) lira tahmin olunur ve bu limanın senevi ihracât ve ithâlâtın mikdâri doksan yedi bin tonilatodur.

Barınma limanları ile iskeleler inşâsının ber-minvâl-i meşrûh masârifî muktaziyyesinin mecmûu (9.130.434,78) liraya bâliğ olur.

## DÖRDÜNCÜ FASIL

**BATAKLIKLERİN TATHİRİYLE ARAZİ İSKASI BEYÂNINDADIR**  
**TANZİF VE TATHİR-İ ARAZİ**

**Sâhil-i Deryada Bulunan Arâziye Dâirdir:**

Sâhil-i deryâda basitce bulunan bîlcümle arâzinin sâhil-i deryâ cihetlerinde dört beş metre irtifâunda kum yığılmış ve bunlar yağmur sularıyla sâir akar suların cereyanına mâni' olmuş ise de enhâr ile büyükçaylar vâsîtasıyla zikr-olunan kumun teşkil ittiği seddi def'-ile sularının deryâya doğru serbestce icrâsi mümkündür.

Binâenaleyh sâhil-i deryâ civârında bulunub bataklık hâlini kesb-itmiş olan bu misillü arâzinin hakikaten tathîr ve tanzîfi için yapılacak ameliyyât-ı arazî basit olmak hasebiyle miyâh-ı râkidenin cem'ine müstaîd olan mahallerin kanallar hafriyle yekdigerine rabt-idilmesi ve ba'dehû mezkûr bataklıklara en yakın bulunan nehir ve çayın nokta-i munsabına karîb bir mahalle kadar yine kanallar açılarak sâlîfî'z-zikr miyâh-ı râkidenin denize doğru teshîf-i icrâsından ibâretdir.

Ameliyyât-ı mezkûrenin matlûb veçhile ikmâliçün suları tuğyan iderek arazî-i mütecâvirenin basit mahallerini istfâba müstaîd olan meccârinin sevâhilinde sedler inşâsi ve civâr bulunan tepeciklerin zîrinde toplanan yağmur sulâriyle sâir küçük mecrâ sularının kurbinde bulunan büyük mecrâlara cereyan ittilâmesi zîmnâda kanallar küşâdi gibi ba'zi ameliyyâtın icrâsi dahî lâzım-gelür.

İste ameliyyât-ı mezkûrenin kâffesi ekseriya az bir masraf ve kemâl-i sühûletle vücûde gelecek şeyler olduğundan tathîr olacak arâzinin beher dönüm için vuku'-bulacak masârif hadd-i vasat üzere dört kuruş on dört parayı tecâvüz itmiyeceği tahmîn klinâbilür.

**Bervech-i Meşrûh Tathîr Olunacak Bataklıklar Bervech-i Zir Ta'dât olunur:**

Evvelâ	Tarsus ve Adana bataklıkları	İttisâî	660.000	dönüm
Sâniyen	Sis ve Bayas ve İskenderun	„ „	495.000	„
Sâlisen	Mersin ve Silifke	„ „	165.000	„
Râbian	Antalya körfesi	„ „	66.000	„
Hâmisen	Aydın ve Bursa vilâyetlerinin sevâhilinde bulunan bataklıklar	„	77.000	„
Sâdisen	Samsun ve Yeşil ve Kızılırmak bataklıkları	„	55.000	„

Ya'nî beher dönümü dört kuruş on para hesâbiyle (3.300.000) dönüm için (130.434,78) liranın sarfî lâzım geleceği tahmîn olunur.

**GÖLLER İLE NEHIR VE ÇAYLAR CIVARINDA BULUNAN BATAKLIKLARA DÂIR**

Göl sularının ara sıra tuğyan ile arazî-i mütecâvireyi istilâ itmesinden muhafaza için o makûle göllerde suların azaldığı zamanlarda esnâ-yı tuğyânında vâsil olduğu irtifâ' derecesinde sedler inşâsiyle göller ile birleşen nehir ve çay sularının ovayı istilâdan kurtaracak mahallere kadar su sedlerin temdîd kılunması ve bir de su sûretle muhâfaza idilen arazide bir takım kanallar küşâd ile bu kanalların ya göllere veya çaylara doğru temdîd kılunması ve kanalların göl ve çaylar ile birleşeceği noktalarda seddin arasından suların icrâsiçün kâpih sulamalarının vaz'-idilmesi ve bundan başka bâlâda ta'rîf

kılındığı vechile civardaki tepeciklerin zîrinde bulunan suların yakın akar suların cereyân itirilmesi için küçük kanallar küşâd olunması iktizâ ider.

Şu süretle tathîr olunabilecek bataklıklar evvelâ Bursa vilâyeti dâhilinde bulunan Sabanca ve İznik ve Apolyoniye ve Mihaliç göllerinin bataklıkları sâniyen Konya ve Akşehir ve Koçhisar ve Ereğli ve Yenişehir ve Eğridir ve Burdur göllerinin bataklıklarıdır.

Birinci kısım bataklıklarının istfâb ittiği arazînin ittisâı 660.000 dönüm, ikinci kısım bataklıklarının istfâb ittiği arazînin ittisâı dahi 660.880 dönüm olup beher dönümü dört kuruş on dört para hesâbiyle masârif-i tathîriyyesi cem'an (60.896,56) liraya bâliğ olur.

#### **Suriye Bataklıklarına Dâir:**

Suriye vilâyetinin sevâhili boyunca deniz kenarının heman tarafında bataklıklar mevcûddur. Bunlardan başka Antakya gölü Orunt nehri civârlarında Şam kurbinde ve Yordan nehri kenarında dahî bataklıklar vardır. Suriye vilâyetindeki bataklıklar için icrâsı muktâzî olan ameliyyât-i tathîriyye kezâlik bâlâda ta'rîf olunduğu vechile icrâ olunmak lâzîm gelür ve tathîr olunacak arazînin vüs'ati takrîben (660.000) dönüm olduğundan masârif-i tathîriyyesi (26.086,95) lira tahmîn olunmuşdur.

#### **Cezîretü'l-arab Bataklıklarına Dâirdir:**

Ezmîne-i mütekaddimede Cezîretü'l-Arabî Şat ve Fîrat sularının tuğyânından muhâfaza iden sedlerin ba'zi mahalleri yedi sene-i hicriyesinde sûret-i fevka'lâdede vuku'-bulan tuğyân-ı miyâhdan dolayı kâmilen harâb olmuş ve harâb olmayan cihetlerinin üzerinde dahî sular geçüb her tarafı istilâ itmiş ve şu süretle ovanın basit mahalleri bataklık hâline girmiştir. Tarîh-i mezkûrdan berû sedler ve kanallar restefâte harâb olmakda ve mevsim-i şîtâda kesret-i miyâh vuku'-buldukça bataklıklar tevessü'-itmektedir. Bu haller ile berâber mezkûr bataklıkların kurutulması için eski sedlerin ta'mîriyle kadîm kanalların tarak ile tathîri ve mezkûr kanallarda yeni bendlerin inşâsı kifâyet ider. Bataklıkların istfâb ittiği arazînin vüs'ati takrîben (11.000.000) dönüm olub beher dönümü dört kuruş on dört para hesâbiyle masârif-i tathîriyyesi (4.348.260,86) lira tahmîn olunur.

Bâlâda ta'rîf olunan bataklıkların tathîri için lâzîm gelen masârifin mecmûu tahminen (652.173,91) liraya bâliğ olur.

#### **ARÂZÎ İSKASI**

#### **Anadoludaki Arazi İskasına Dâirdir:**

Anadoluda sevâhilde bulunan bilcümle arâzi sühûletle iska idilebilür. Cibâl-i müteselsileden akan sular birbirine yakın olub aslâ kurumaz ve mezkûr suların ovaya vâsil olduğu noktada bi's-sülûle sedler ile tevkîf veya mecrâları tebdîl kilinabilür. Denize doğru meyilleri ziyâde olan büyük ovalar içinde arâzi iskasına mahsûs kanallar küşâd ve temdîdi pek kolaydır. Mevsim-i şîtâda dağlardan akan sularda çamur ve taş ve toprak ve sâire kesret üzere bulunduğuundan bu çamur ve taş ve toprağın basit ve batakhkdan ibâret olan arazînin tathîr ve tanzîfînde istî'mâl olunabilir. Anadolu kitâsının içerisinde büyük göller civârında dahî hâl bu merkezde olub göller etrafında bulunan büyük ovalar yine bu sûretle iska ve bataklıkları tathîr idilebilür.

**EN ZİYÂDE SÜHÜLETLE İSKA OLUNABİLECEK  
OVALAR BER-VEÇH-i ZİR TA'DÂD OLUNUR**

Sis ovası	1.100.000	dönüm
Adana ovası	2.200.000	„
Mersinden Silifkeye kadar olan ova	110.000	„
Antalya körfezi ovası	2.200.000	„
Aydın vilâyetinin ovası	2.200.000	„
Bursa vilâyeti ovası	2.200.000	„
Samsun sancağı ovası	2.200.000	„
Anadolu içerisindeki göllerin etrafındaki ovalar	2.090.000	„

İşte mecmû-u ittisâî (13.200.000) dönüme bâliğ olan işbu arâzînin iskasiyçün yapılacak ameliyyâtın beher dönümü otuz bir buçuk para hesâbiyle masârifî cem'an (104.347,83) liraya bâliğ olur.

**Suriyede İskâ Olunacak Arâzîye Dâirdir :**

Dağlardan akan sular ekseriyâ mevsim-i sayfda kurduğu cihetle deniz kenarındaki arâzî ancak mevsim-i sitâda iska idülebilür ise de arâzînin içerisinde ve Orunt ve Yordan gibi suları dâima cereyan iden nehirler kenarında Anadoluda olduğu gibi arâzî mevsim-i saysta dahî iska olunabilür. Suriyede iska olunacak mezkûr arâzînin mecmû-u ittisâî (3.300.000) dönümden ibâret olduğundan beher dönümü otuz bir buçuk para hesâbiyle ameliyyât-ı iskaiyye masârifî cem'an (26.086,96) liradan ibâretdir.

**Ceziretü'l-arab'da İskâ Olunacak Arâzîye Dâirdir :**

Şat ve Fırat nehirlerindeki kadim sedler ta'mir olunsa iskay-i arâzîye mahsûs eski kanalların tathîr ve küşâdî eshel olur. Şu kanalların bir kısmı mevcûd olduğundan bunların ikmâliyle kapılı ve kapsız bendlerin vaz'ı ve daha sâir ba'zi ameliyyât-ı mütesferriyanın icrâsına mübâşeret olunsa Ceziretü'l-arab gibi cesîm bir kî'tâda suların muntazaman tevziyle arâzînin evvelki kabiliyyeti yine vücûde getirilmiş ve Ceziretü'l-arab bir kî'tâ-i münbite hâline ircâ' idilmiş olacağına şüphe yokdur. İskâ olunacak arâzînin mecmû-u ittisâî (66.000.000) dönümden dün olmadığından beher dönümü otuz bir buçuk hesâbiyle arâzî iskâsi takriben (521.739,13) lira masârif ile vücûde gelür.

**Enhârin Seyr-i Sefâine Sâlih Bir Hâle Vaz'ı İçin Sedlerle Sâir İnşaât-ı Lâzime Beyânındadır :**

Bahr-i Siyâha munsab olan başlıca çaylar ile Bahr-i Sefide munsab olanlardan ba'zılarının mecrâlarının dağlardan ayrılib ovaya vâsil olduğu mahalleri bi's-sühûle kabil-i seyr ü sefer olacak bir hâle vaz'u ifrâğ idilebilür ve bunlardan ba'zları ber-vech-i zîr ta'dâd olunur:

Adana vilâyetinde Seyhan ve Ceyhan ve İzmit civârında Sakarya ve Samsun civârında Yeşil ve Kızılırmak nehirlerile Basra körfezine munsab olan Şat ve Fırat nehirlerinin kısm-ı a'zamı kabil-i seyr-i sefâin bir hâle vaz'olunur.

Bu maksadın husulyîçün zikrolunan çay ve nehirlerin denize munsab olduğu mahalle ya'nî mahrecindeki toplanan kumun teşkil ittiği seddin def'i zîmnâda mahrecilerindeki mecrânın iki cihetinde sedler insâsiyle mezkûr mecrân daraldılması ve

bunun etrâfındaki arâzînin içerû cihetlerinde bulunan aksâmında ka'rın irtifâî cihetîyle suyun kayıklar mürûruna müsâid olmayacak sûretde cereyân ittiği mahallerde sular arttığı halde mezkûr sular altında kalmâşa müstaid sedler inşâsiyle aksâm-ı mezkûre arzının tenzîl kilinması ve ba'zi mahalde dahi suların mecrâ-yı tabîflerinde kalması için yalnız ufak sedlerin yapılması kifâyet ideceği derkârdır. Mezkûr nehir ve çaylardan başlıcalarının kabil-i seyr ü sefer olacak bir hâle vaz'ü ifrâgiyyün yapılması lâzım gelen ameliyyât-ı âcilenin masârifî (434.826,87) lira tahmîn kilinabilir.

### **Mülâhazât-ı Umûmiyye:**

Bâlâda ta'dâd olunan şose ve yollar ile timûryolların ve naklolunacak emtia ile yolculardan alınacak rüsûm-ı mürûriyye ve tûcûrât-ı nakliyesi masârif-i inşâiyyeleriyle hüsn-ü muhâfazası ve işledilebilmesine kifâyet idebileceği muhakkak gibidir.

İste bunların te'sis ve inşâsi masârifinin tesviyesi için meselâ yapılacak şose ve timûryolu inşaâtında hakîkaten sarf idilecek mebâliğe mukabil mürûriyye resmi almak ve civarında bulunacak bataklıkları tathîriyle meydana çıkaracağı arâziye Kanûnname-i Arâzîde münderî olduğu üzere tasarruf ve zîrâat itmek ve sâhillerinde bulunacak limanlarda rihtim veya limanları inşâ ile resim almak ve i'mâlât ve inşaât-ı muktaziyyeleri için lâzım gelen şeyleri getürdiklerinde bâ'lrade-i Seniyye mer'i olan Şartnâme-i Umûmî ahkâmnâca rüsûmdan muâf tutulmak ve tarîk üzerinde tesâdûf idecekleri maadini nizâmât-ı mahsûsasına tatbikan i'mâl idebilmek ve ormanlardan esnâ-yı ameliyyât-ı ibtidâiyede icâb iden ağacları nizamnâmesi mantûknâca meccânen kesebilmek gibi teshîlât ile sâir muâvenât-ı ma'nevîye gösterilse elbette muktedir ve mü'etmen eshâb-ı sermâye zuhûr-ider.

Hususîyle liman ve rihtim ve iskelelerden alınacak riisûm ve ekseriyâ bu misâllî inşaâtın te'sisi için müteahhit olacak eshâb-ı sermâye tarafından vuku'-bulacak masârifin tesviyesine kifâyet itmesi melhûz ve belki kaviyyen me'mûl olduğu gibi şose ve timûryollar inşaati terâkkî ittikce o nisbetde mahsûlât ve binâberîn nakliyyât ve mürûr u ubûr dahî tezâyîd ve tekessûr ideceği tabît bulunduğuundan ve şu ameliyyât ve muâmelâtdan vücûde gelecek servet-i mülkiyye ve vesâit-i teshîliyye hasbel mevki' Avrupa ve Asya ve kitaât-ı sâire ile muâmelât ve nakliyyât-ı ticâriyye ve münâsebât-ı sâirenin tezyîidine vesile-i müstakille olacağundan müteahhitler sarfiyât-ı vâkiâlarile temettüât-ı muntazîralarının istifâsının imkânına bis-sühûle kâni' olacakları bedîhîdir.

Bataklıkların tathîr ve tanzîfîne gelince ameliyyât-ı tathîriyyenin istilzâm ideceği masârifin tesviyesine sular altında kalmış olub meydana çıkarılacak arâzî ber-mûcib-ı kanun kendilerine virilmesi ve ameliyyât-ı tathîriyye ve tanzîfiyyeden müstefîd olacak eshâb-ı arâzînin ameliyyât-ı mezkûre masârifine ber-kaide bihakkin iştirâk idilmesi ve iştirâk itmek istemiyenlerin hisseleri dahi tathîr idenlere terk olunması usûl-i maksada kâfi ve bu sûretle gösterilecek karşılık olbâbda ihtiyâr idilecek masârifâtâ vâfi görinür.

Iska-i arâzî için yapılacak ameliyyâtın masârifî ise arâzîsi iska olunacak efrâd-ı nâsdan alınacak iska rüsûmu ile tesviye olunabilir.

Binâen-aleyh bâlâda ta'rîf ve ta'dâd olunan imâlât ve inşaâtın cümlesi Hazîne-i Devlet-i Aliyyece hiçbir günâ muâvenet-i nakdiyye veya te'mîn-i temettü' akçesi f'tâsına mecbûriyyet hâsil olmaksızın ve yalnız ber-minvâl-i meşrûh virilecek salâhiyyet ve gösterilecek teshîlât ile vücûde geleceği ta'rîfsten müstağnîdir.

## İ C M Â L

İnşaât-ı meşrûha içün vukû' bulacak masârif beyânındadır

Yollar ve İnşaât-ı Sâire	Kilo-metresi	Beher kilometresi	Masârifat Lira-i Osmâni
Adî yollar	2535	669,41	1.696.956 —
Timûryollar	2200	676,59	148.850 —
Derece-i sâniye hatları	1787	6.533,66	167.565 —
Şu'be hatları	3050	6.700,66	20.435.000 —
Büyük limanlar inşaâti	3050	6.700,66	1.347.826 —
İskele ve barınma limanları	3050	6.700,66	913.043 —
Bataklıklar tâthiri ameliyyâti	3050	6.700,66	652.173 —
İska-yi arâzî ameliyyâti	3050	6.700,66	652.173 —
Nehriler ve sedler ve sâire inşâsı	3050	6.700,66	434.782 —
Mecmû-u masârif			52.692.606 —

Ameliyât-ı mezküreden dolayı vücûde gelebilecek hâsilat-ı sâfiyye beyânındadır

Hasilat Lire-i Osmâni
13.042.478 —
65.217.391 —
73.543.478 —
166.586.956 —
434.782.608 —
434.782.608 —
869.565.217 —
86.956.521 —

Elyevm kabil-i saky ü irvâ olan arâzinin mikdâri 66.000.000 dönüme bâlig olduğuna ve bu misillû arâzinin beher dönemünden 197,62 kuruş hasilât-ı sâfiyye alınabileceğine nazzaran dönüm başına 197,62 kuruş hesâbiyle vuku bulacak hâsilât

Kurutulduktan sonra saky-idilecek arâzinin mikdâri 16.500.000 dönüme bâlig olduğuna ve bu arâzinin beher dönemünden 395,25 kuruş hasilâtı sâfiyye vukubulmakta idügine binâen dönüm başına 395,25 kuruş hesâbiyle mecmû-u hasilât

Elyevm mevcûd olub kaabil-i zirâat iken halî duran arâzinin mikdâri 123.200.000 dönüm tahmin olunduguna ve bu misillû arâzinin beher döðümü 59,27 nisbetinde hâsdât virebileceğine nazzaran dönüm başına 59,27 kuruş hesâbiyle vuku bulacak hâsilât

Bu makûle hâsilâtın muâmelât-ı ticâriyye ve zer'iyyenin terakkisinden kesb-idecegi fazla esnâ-yi mübâdelât ve muâmelâtda sâir memâlikde iki kat olur ise de burada nisfi raddeinde konulduğu halde zuhûr idecek hasilat

Elyevm mevcûd olup zirâat ve harâset olunmakda bulunan arâzinin şundaki hasilâtının muâmelât-ı ticâriyye ve zer'iyye ile umûr-ı zirâiyenin terakkisinden dolayı husûle gelecek fazla hâsilât

İşbu sekiz yüz altmış dokuz milyon beş yüz altmış beş bin iki yüz on yedi liranın öþrû olarak Hazine-i Devlete gireceği tahmin olunur

## İ N S A Â T - I U M Ü M İ Y Y E C E T V E L İ

Şose Yollar						
Güzergâh	Esâmî-i Turuk	Numara	Kilometre	Kilometre başına Fi	Yekün	Yekün Ümumi Lira-i Osmani
Kelkit ve Şiran	Rizeden Erzuruma kadar	1	200	870,—	174.000	
	Gümüşhaneden Erzincana kadar	2	100	652,50	65.250	
	Tireboludan Karahisara kadar	3	140	652,50	91.350	
	Giresundan Karahisara kadar	4	125	870,—	108.750	
Niksar	Ordudan Sivasa kadar	5	200	652,50	130.500	
	Ünyeden Tokata kadar	6	150	652,50	97.875	
Samsun Çarşamba	Bafradan Termeye kadar	7	150	435,—	65.250	
Osmancık Yozgat	Sinopdan Kayseriyeye kadar	8	500	652,50	326.250	
Kastamonu Kengri	İneboludan Ankaraya kadar	9	300	783,—	234.900	
	Bartından Zagfranboluya kadar	10	100	652,50	65.250	
	Bandırmadan Balıkesire kadar	11	110	783,—	86.130	
Bergama	Ayvalıldan Kırkağaca kadar	12	100	609,—	60.900	
	Antalyadan Ispartaya kadar	13	160	652,50	104.400	
Sis Adana	Maraşdan Karataşa kadar	14	200	435,—	87.000	
			2.535		1.697.805	1.697.805

## Timüryolları

Güzergâh	Esâmi-i Hütüť	Numara	Kilometre	Kilometre başına	Yekün	Yekunu Umumi Lira-i Osmani
	<b>HATT-I KEBİR</b>					1.697.805,—
	İzmitden Eskişehir'e kadar	1	225	9.135,—	2.055.375,—	
	Eskişehirden Kütahya ve Afyonkarahisara kadar	2	200	6.960,—	1.392.000,—	
	Afyonkarahisardan Konyaya kadar	3	280	6.525,—	1.827.000,—	
	Konyadan Ulukışlaya kadar	4	230	5.655,—	1.300.650,—	
	Ulukışladan Halebe kadar	5	350	10.005,—	3.501.750,—	
	Halebden Bağdada kadar	6	915	5.263,50	4.816.102,05	
	<b>ŞUABAT</b>					
Pepi	Eskişehirden Ankaraya kadar	1	230	4.785,—	1.100.560,—	
	Afyonkarahisardan Alayehire kadar	2	200	7.395,—	1.479.000,—	
	İlgündan Aydına kadar	3	400	6.525,—	2.610.000,—	
	Konyadan Kayseriyyeye kadar	4	376	7.395,—	2.780.520,—	
	Kayseriyeden Sivas'a kadar	5	260	6.525,—	1.696.500,—	
	Sivasdan Erzuruma kadar	6	464	8.700,—	4.036.800,—	
Birecik Urfa	Halebden Diyarbekire kadar	7	420	6.525,—	2.740.500,—	
	Anbardan Basraya kadar	8	600	4.785,—	2.871.000,—	
	Trablustan Humusa kadar	9	100	8.700,—	870.000,—	
	<b>DERECE-İ SÂNIYE HUTÜTU</b>					
	Samsundan Sivas'a kadar	1	392	8.700,—	3.410.400,—	
	Sivastan Malatyaya kadar	2	305	6.960,—	2.122.800,—	
	Malatyadan Diyarbekire kadar	3	200	6.568,50	1.313.700,—	
	Halebden Hicâza kadar	4	580	5.655,—	3.279.900,—	
Humus Şam	Kal'atü'l-arş Şu'besi	5	150	5.655,—	848.250,—	
	Mudanyadan Karaköye kadar	6	160	4.350,—	696.000,—	
			7.117		46.748.897,50	
						46.748.897,50
						48.446.702,50

NOT : Bu listenin rakamları —diğerleri gibi— asıldan aynen alınmıştır. G. Dincer.

## Büyük liman ve iskele ve barınma limanları

Nev'i ameliyyât	Mevâkiin esâmisi	Numara	Yekün	Yekunu Umûmî Lira-i Osmani
Dagalara karşı bir istikamette vaz- olunacak sedler ameliyyâtı	BÜYÜK LİMANLAR			48,446.702,50
Kezâlik sedler ve sâir ameliyyât	Trabzon	1	435.000	
Rıhtım ve iskele	Samsun	2	261.000	
Sedler ve sâir ameliyyât	Sinop	3	87.000	
İskelenin temdidiyle sâir ameliyyât	Yumurtalık	4	130.500	
Sedler	Beyrut	5	261.000	
	Yaşa	6	174.000	
	BARINMA LİMANLARI			
Sedler	Rize	1	174.000	
Kârgir iskele	Tirebolu	2	43.500	
Kârgir iskele	Giresun	3	87.000	
Kârgir iskele	Ordu	4	43.500	
Kârgir iskele ve ameliyyât-ı saire	Ünye	5	87.000	
Rıhtım ve iskele	Terme	6	21.750	
Kârgir iskele ve rıhtım ve ahşab iskele	İnebolu	7	87.000	
Rıhtım ve iskele	Bartın	8	21.750	
Rıhtımlar kârgir ve ahşab iskele	Mudanya	9	65.250	
Kârgir iskelenin temdidi	Bandırma	10	21.750	
Sedler	Mersin	11	65.250	
Kârgir ve ahşab iskele	Karataş	12	43.500	
Rıhtım ile kârgir ve ahşab iskele	Trablus	13	65.250	
Rıhtım ile kârkir ve ahşab iskele	İskenderun	14	87.000	
			2.262.000	2.262.000,--
				50.708.702,50

## KURULACAK VE İSKA İDILECEK ARAZİ

Nev'i ameliyyât	Numara	Dönüm he-sâbıyla arâzînin sathi	Dönüm başına	Yekûn	Yekûnu umûmî Lira-i Osmâni
Sâhil-i bâhirde kurudilacak arâzî					50.708.702,50
Tarsus ve Adana bataklıkları	1	660.000			
Sis ve Bayas ve İskenderun bataklıkları	2	495.000			
Mersin ve Silifke bataklıkları	3	165.000			
Antalya körfezi bataklıkları	4	660.000			
Aydın ve Bursa vilâyetleri bataklıkları	5	770.000			
Samsun ve Yeşilirmak ve Kızılırmak bataklıkları	6	550.000			
Göl veya akar büyük sular sahilinde bulunub kurudilacak arâzî					
Bursa vilâyetinde vâki Sabanca ve İznik ve Apolyoniye ve Mihalîç göllerinin bataklıkları ile Konya ve Akşehir ve Koçhisar ve Ereğli ve Yenişehir ve Eğridir ve Burdur göllerinin bataklıkları	7	1.450.000			
Suriye bataklığı	8	660.000			
Beynennehreyen ya'nî Şat ile Fırat nehirleri meyânında vâki' bataklıklar	9	11.000.000			
		16.500.000	4	660.000	
<b>ISKÂ OLUNACAK ARAZİ</b>					
Asyâ-yi Sugra arâzisi	1	13.200.000			
Suriyede vâki' arâzî	2	3.300.000			
Beyne'n-nehreyen vâki' arâzî	3	66.000.000	32 paradan	660.000 1.320.000	1.320.000,—
<b>SEDLER</b>					
Seyr-i sefâlinin teshili için nehirlerde icrâsi muktazi olan sed kolları ve sedler inşâsı					435.000,—
					52.463.702,50

**ŞOSE TARİKLERE DAİR UMUR-I NÂFIA NİZAMNÂMESİ  
NÜMÜNESİDİR**

Nâfia Nezâreti Nizamnâme-i Dâhilisinin beşinci maddesinde Nâfia Nâziri evvela timûryollar ve limanlar ve sair menâfi-i umûmiyyeye müteallik kâfse-i i'mâlât-ı mühimme ve cesîmeye dâir lâyihalar sâmiyen gerek Devlet hesâbına ve gerek imtiyâz tarîkiyle yapılacak ameliyyâtın sûret-i icrâsına müteallik nizamnâmeler tanzîm ve Hâk-i pây-ı Şâhâneye arz olunmak üzere Bâbiâliye takdîm ider ve İrâde-i Seniyye istihâsâl olunduktan sonra icrâsına mübâşeret eyler deyû muharrer olduğuna ve bâlâda ta'dâd olunan ameliyyâtın evvel-i emirde menâfi-i umûmiyyeye müteallik olduğu kararlaştırılmak lâzîmeden bulunduğuna ve ..... mahalden ..... mahalle kadar bir şose tarîk inşâsi ve üzerinde muntazam sûrette vesâit-i nakliyye te'sisi muâmelât-ı ticâriyye ve sairenin teshîlini mûcib olacağına binâen husûsât-ı âtiye karârgîr olmuşdur.

**Birinci madde:** Zikrolunan şose tarîkin inşâsi ve üzerinde vesâit-i nakliyye te'sisi menâfi-i umûmiyyedendir.

**İkinci Madde:** İşbu şose tarîk Nâfia Nezâretince tasdîk olunacak haritaya tevfîkan inşâ ve te'sîs olunacak ve üzerinde muntazam sûrette arabalar ile nakliyyât icrâ idilecek ve istemildigi hâlde buhar veya hut hayvan ile işledilmek üzere ya şosenin tarafeyn satıhalarından birinin üzerinde ve yâhud hâricinde tramvay inşâ olunabilecekdir.

**Üçüncü Madde:** İşbu ameliyyâtın icrâsı için taraf-ı Devletten bir gûnâ muâvenet-i nakdiyye ve te'min-i temettü' der'uhde olunmaksızın imtiyâz virilecek ve bununla berâber şu ameliyyâti der'uhde itmege tâlib zuhûr iden eshâb-ı sermâyeye i'mâlât-ı sinâiyye için masrafça kaide-i tasarrufiyyeye muvâfîk usûlde inşâsi ve Hükümetin vesâit-i mahsûsasiyle nakl-ideceği asâkir-i berriyye ve bahriyye ve zabtiyye ile her nevi' nakliyyât-ı askeriyye ve mühimmât ve eşyâ-yi mîriyye müstesnâ olmak üzere emtia ve eşyâ yüklü ve tarîkden istifâde idecek âdî arabalar ve katirci ve kerbânlardan ve süvâri yolculardan ve hayvânâtdan vaz'-olunacak ta'rîfeye tevfîkan ücret istifâsi salâhiyyeti virilecek ve yol ile müştemilât ve müteferriâti için iktizâ iden arâziden Devlete âid olan yerler var ise meccânen terk olunacak ve yolun inşâsi ve ta'mîrâti mütemâdiyesiçün iktizâ iden kereste orman nizâmatına tevfîkan civar mîri ormanlarından kesilebilecek ve hat civârında bataklıklar bulunduğu hâlde bûnlarun dahi kavanîn-i mevcûde mûcibince tathâriyle zâhire çıkarılacak arâzinin hakk-ı tasarrufunu hâiz olmakla salâhiyyet verilecek ve te'sîsât-ı ibtidâiyeye muktazi olub gerek Memâlik-i Devlet-i Aliyyeden ve gerek memâlik-i ecnebiyyeden celb-olunacak âlât ve edevât ve levâzîmât her gûnâ tekâlîf ve rûsûmdan mu'af tutulacak ve sair teshîlât-ı ma'neviyye dalîl gösterilecekdir.

**Dördüncü madde:** Erbâb-ı iktidâr ve mü'teminândan işbu i'malâti deruhte itmek istiyenlerin her kangısı evvel istidâ virmiş bulunur ise şerâit-i mütesâviye ile sairlere hakk-ı rûchâni olacakdır.

**Beşinci madde:** Nâfia Nâziri sâlîfî'z-zîkr esasa tevfîkan işbu ameliyyâtın icrâsı için tâlibler taharrî itmege ve zuhûr idecek tâliplerin i'tibâr ve iktidâr-ı malisi husûl-i maksada kâfi olduğu tahakkuk itdikten sonra anlar ile teâti olunanacak mukavele-nâmeleri bi't-tanzîm Hâk-i pây-ı Hümâyûn-ı Mülükâneye arz olunmak üzere Bâbiâliye takdîm eylemege me'mûrdur.

**TİMÜRYOLLARA DÂİR UMUR-I NÂFİA NİZÂMNAME'SI NÜMUNESİDİR**

Nâfia Nezâreti Nizâmname-i Dahilisinin beşinci maddesinde Nâfia Nâziri evvelâ timûryollar ve limanlar ve sâir menâfi-i umûmiyyeye müteallik kâffe-i i'malât-i mühimme ve cesmeye dâir Lâyihalar sâniyen gerek Devlet hesabına ve gerek imtiyâz tarîkiyle yapılacak ameliyyâtın sûret-i icrâsına müteallik nizamnâmeler tanzîm ve Hâk-i pâ-yi Şâhâneye arz olunmak üzere Bâbiâliye takdîm ider ve İrâde-i Seniyye istihsâl olunduktan sonra icraâtına mübâşeret eyler deyû muharrer olduğuna ve bâlâda tâdâd olman ameliyyâtın evvel-i emirde menâfi-i umûmiyyeye müteallik olduğu kararlaştırılmak läzimedен bulunduğuna ve ..... mahalden ..... mahalle kadar bir timûryolu işâsi Devlet ve memleketce menâfi' ve muhassenât-ı azîme hâsil ide-cegine binâen hususât-ı âtiye karârgîr olmuşdur.

Birinci madde: ..... mahalden ..... mahalle kadar bir timûryolu te'sisi menâfi-i umûniyyedendir.

Ikinci madde: Zikrolunan timûryol âlât ve edevât-ı sâbite ve müteharrike ve te'sisât ve müştemilât-ı müteferriasiyle işâ ve ameliyyât Şartnâme-i Umûmide münâderic ahkâm ve şerâit-i esâsiyyeye tevfîkan icrâ idilecek ve müddet-i imtiyâziyye zarfında hüsn-i muhâfaza olunacaktır.

Üçüncü madde: İşbu timûryolun işâsi için taraf-ı Devletden bir günâ muâvenet-i nakdiyye ve te'min-i temettü' der-uhde olunmaksızın münâsib müddetle imtiyâz virilecek ve ameliyyâtı der-uhde itmeğe tâlib olan eshâb-ı sermâyeye teshîlât ve müsâadât-ı âtiye irâe olunacaktır.

Şöyledi ki evvelâ timûryolun timûr çubukları arası dar ya'nî ..... metre vüs'a-tinde ve masrafca kaide-i tasarrufiyyeye muvafik usûlde işâsi ve edevât-ı müteharrikesinin dahî nakliyyâtın derecesine göre hafif bulunması mücâz olacaktır. Sâniyen yolun güzergâhına Devlete âid arâzî-i mîriyye ve hâliyye bulunduğu hâlde hat ile mevkifleri ve emsâli müteferriâti için iktizâ iden mikdâr-ı arâzî meccânen i'tâ olunacak ve muvakkat suretiyle lüzüm görünen yerlerin dahi bilâ-bedel muvakkaten isti-mâline ruhsat virilecektir. Sâlisen yolcu ve emtia ve eşyâdan mer'i olan Şartnâme mûcibince ücret-i nakdiyye ahz-olunacak ve nihâyet mikdârı Şartnâme-i Umûmide münâderic ücret-i nakdiyye masârif-i vâkianın fâiz ve re'sûl-mâle mahsûb akçesini çıkaracak dereceye bâliğ olmadığı tebeyün iderse Devlete bi'l-mürâcaa kâfi miktara iblâğ idilecektir. Râbian yolun birinci def'a te'sisi için memâlik-i Devlet-i Aliyyeden alınması ve memâlik-i ecnebiyyeden celb-olunması lâzım gelen eşyâ ve levâzîmât ve âlât ve edevât her günâ tekâlif ve rüsumdan muaf tutulacaktır. Hâmisen timûryolu işâât-ı ibtidâiyyesi için iktizâ iden kereste nizâmât-ı mahsûsasına tevfîkan civârındaki mîri ormanlardan kesilebilecektir. Sâdisen yolun civârında ma'denlere tesâdûf olunur ise Devlet-i Aliyyenin nizâmât-ı mevcûde ve âtiyyesine tevfîkan i'mâlitmek ruhsat ve imtiyâzını ahze salâhiyyetleri olacaktır. Sâbîan timûryol civârında göl ve bataklıklar bulunduğu ve bunların tathîri taleb olunduğu halde Arâzî Kanunu ahkâmına tevfîkan meydana çıkarılacak arâzinin hakk-ı tasarrufu i'tâ olunacak ve şu kadar ki bunlar için ayrıca mukavele ve şartnâme tanzîm idilecektir ve bittabi' sâir teshîlât-ı ma'nevîye dahî gösterilecektir.

Dördüncü madde: Erbab-ı iktidar ve mü'teminanından işbu ameliyyâtı der'uhde itmek istiyenlerin her kangısı evvel istidâ virmiş bulunur ise şerâit-i mütesâviye ile sâirlere hakk-ı rüchâni olacakdır.

Beşinci madde: Nâfia Nâzırı sâlifü'z-zikr esâsa tevfikan işbu ameliyyâtın icrâsi için tâlibler taharrû itmege ve zuhûr idecek tâliblerin vüsük ve emniyeti haiz ve iktidar-ı mâlîsi husûl-i maksada kâfi olduğu tebeyyün ittikden sonra anlar ile teâti olunacak mukaavelenâmeleri bi't-tanzîm Hâk-ı pâ-yi Hümâyûn-u Mülükâneye arzolunmak üzere Bâbiâliye takdîm eylemeye me'murdur.

### LİMANLARA MÜTEALLİK UMUR-I NÂFIA NİZÂMNÂMESİ NUMUNESİDİR:

Nâfia Nezâreti Nizamnâme-i Dahilisinin beşinci maddesinde Nâfia Nâzırı evvelâ Timûryollar ve limanlar ve sâir menâfi-i umûmiyyeye müteallik kâfic-i i'mâlat-ı cesîme ve mühimmeye dâir lâyihalar sâniyen gerek Devlet hesâbına ve gerek imtiyâz tarikiyle yapılacak ameliyyâtın sûret-i icrâsına müteallik nizamnâmeler tanzîm ve Hâk-pâ-yi Şâhâneye arz olunmak üzere Bâbiâlfye takdim ider ve Îrâde-i Semîyye istihsâl olundukdan sonra icraâtına mübâseret eyler deyû muharrer olduğuna ve bâlâda ta'dâd olunan ameliyyâtın evvel-i emirde menâfi-i umûmiyyeye müteallik olduğu kararlaştırılmak läzimedен bulunduğuna ve ..... limanın inşâsi olhavâlinin muâmelât-ı ticâriyyesini teshîl ve tevsîe pek büyük hizmet ideceği bedîhî idügine binâen husûsât-ı âtiye karârgâr olmuşdur söyle ki :

Birinci madde: ..... limanın te'sisi ve inşâsi menâfi-i umûmiyyedendir.

İkinci madde: ..... Nâfia Nezâreti tarafından tasdîk olunacak haritaya tevfikan zikrolunan limanın muhâfaza ve emniyetli bir hâle ircâi için iktizâ iden ameliyyât icrâ ve icâb iden mahallere fenerler inşâ olunacak ve hüsün-i halde ta'mir ve muhâfaza idilecekdir.

Üçüncü madde: ..... işbu ameliyyâtın icrâsi için taraf-ı Devletten bir gûnâ muâvenet-i nakdiyye ve te'min-i temetti' deruhte olunmaksızın münâsib müddetle imtiyâz virilecek ve ameliyyâtın vücûde gelmesini teshîl maksadiyle işi der'uhde itmege tâlib zuhûr iden eshab-ı sermâyeeye inşâ ve ikmâl olundukdan ve masârif-i vâkia kat'iyen tahmin ve Devletce tasdîk edildikden sonra masârif-i hakîkiyyenin yüzde münâsib mikdâr fâiz ve re'sûl-mâle mahsûb akçesini çıkaracak derecede ta'yîn olunacak ta-sarruf mucibince limana âmed ü şûd iden sefâin-i ticâriyyeden tonilato rûsumu ahzi ve derûn-i limanda iktizâ iden mahallere rihtîmlar inşâsiyle bunlara yanaşacak sefînelerden tahmîl ve ihrâciyye resmi istifası için salâhiyyet ve taş ocaklarından inşâ için lüzumu olan taşları almağa me'zûniyyet virilecek ve denizden imlâ olunacak mahallerde ve sâhilde Devlete âid arâzîde mağaza ve destgâhlar inşâsına müsâade olunacak ve denizden doldurulacak mahallerin sokaklar ve mîri ebniyesi için lüzumu olan yerlerden mâadâsi terk olunacak ve alınacak resim masârif-i vâkianın fâiz ve re'sûl-mâle mahsûb akçesini çıkaracak dereceye bâliğ olmadığı ilerûde tebeyyün eyleiği halde Devlete bi'l-mürâcaa ta'rîfeler tezyîd kılınacak ve inşaât-ı ibtidâiyye için memâlik-i Devlet-i Aliyyeden alınması ve memâlik-i ecnebiyyeden celb-olunması lâzım gelen eşyâ ve levâzîm ve âlât ve edevât her gûnâ tekâlif ve rûsûmdan muâf tutulacak ve bittabi' sâir teshîflât-ı ma'nevîyye dahî gösterilecekdir.

Dördüncü madde: ..... Nâfia Nâzırı sâlîfî'z-zîkr esâsa tevfikan işbu ameliyyâtın icrası için tâlibler taharrî itmege ve zûhur idecek tâliblerin itibâr ve iktidâr-ı mâlisi husûl-i maksada kâfi ve vüslük ve emniyeti hâiz olduğu tahakkuk ittikden sonra anlar ile teâti olunacak mukavelenâmeleri bi't-tanzîm taraf-ı eşref-i Hazret-i Pâdişâhiye arz-olunmak üzere Bâbiâliye takdîm eylemege me'mûrdur.

### GÖL VE NEHİRLERİN KÂBİL-İ SEYR-İ SEFÂİN BİR HÂLE İSÂLİNÉ DÂİR NİZAMNÂME NÜMÜNESİDİR :

Nâfia Nezâreti Nizâmname-i Dâhilisinin beşinci maddesinde Nâfia Nâzırı evvelâ timûryollar ve limanlar ve saîr menâfi-i umûmiyyeye müteallik kâffe-i i'mâlât-ı mühimme ve cesîmeye dâir lâyihalar sâniyen gerek Devlet hesâbına ve gerek imtiyaz tarîkiyle yapılacak ameliyyâtın suret-i icrâsına müteallik nizamnameler tanzim ve Hâk-i Pây-i Şâhâneye arz-olunmak üzere Bâbiâliye takdim ider ve irâde-i Seniyye istihsal olundukdan sonra icraatına mübaşeret eyler deyû muharrer olduğuna ve bâlâda ta'dât olunan ameliyyâtın evvel-i emirde menâfi-i umûmiyyeye müteallik olduğu kararlaştırılmak lazımeden bulunduğuna ve.... mahalde bulunan göl veya nehrin kâbil-i seyr-i sefâin bir hâle isâli envâ-i fevâid ve muhassenâti mûcîp olacağına binaen husûsât-ı âtiye karar-gîr olmuşdur.

Birinci Madde: Gölünveyahutnehrinkâbil-i seyr-i sefâinbirhâleisâli menâfi-i Umûmiyyedendir.

İkinci Madde: Zîkr-olunan göl veya nehrin kâbil-i seyr-i sefâin bir hâle isâli için iktiza iden ameliyyât-ı ta'mikiyye ve tahkîmiyye icra olunacak ve üzerinde sûret-i muntazamada vapurlar işledilecek ve müddet-i imtiyâziyye zarfında hüsân-ü hâlde muhafaza edilecekdir.

Üçüncü Madde: İşbu ameliyyâtın icrâsi için taraf-ı Devletten muâvenet-i nakdiyye ve temin-i temetti' der'uhde olunmaksızın imtiyaz virilecek ve vapur ve saîr vesâit ile nakl-eyliyeceği yolcu ve eşya ve saireden Devletce ta'yîn ve tasdîk olunacak ta'rife mucibince ücret-i nakliyye almağa salâhiyyet i'tâ olunacak ve ameliyyâta ve müteferriata muktazi arâziden Devlete âid olan yerler bulunduğu halde meccânen terk edilecek ve efrâdin uhde-i tasarrufunda bulunan mahaller istimlâk kanununa tevfikan sahib-i imtiyaz tarafından mubâyaa olunacak ve ameliyyat-ı ibtidâiyye için muktazi olup dahil-i memâlik-i Devlet-i Aliyyeden alınması ve memalik-i ecnebiyyeden celb-olunması lâzım gelen bilcümle levâzîmat ve âlât ü edevât her gûnâ tekârif ve rûsumdan muaf tutulacak ve ameliyyât-ı ibtidâiyye ve ta'mîriyye için lâzım geldiği halde nizâmât-ı mevzuasına tevfikan mîrî ormanlardan kereste kesilebilecek ve bi'ttabî saîr teshîlât-ı ma'nevîyye dahî gösterilecektir.

Dördüncü Madde: Erbâb-ı iktidar ve mü'teminândan işbu imâlâtı der'uhde itmek isteyenlerin her hangisi evvel istid'a vermiş olur ise şerâit-i mütesâviye ile hakk-ı rûchânı olacakdur.

Beşinci Madde: Nâfia Nâzırı Sâlîfî'z-zîkr esâsa tevfikan işbu ameliyyatın icrası için tâlibler taharrî itmege ve zuhur idecek tâliblerin vüslük ve emniyeti hâiz ve itibâr-ı mâlisi husûl-i maksada kâfi olduğu tahakkuk ittikden sonra onlar ile teâti olunacak mukavelenâmeleri bi't-tanzîm Hâk-i Pây-i Hümâyûn-u Mülükâneye arz-olunmak üzere Bâbiâliye takdîm eylemege me'murdur.

### SAKY-İ ARÂZİYE DÂİR NİZAMNÂME NÜMÜNESİDİR :

Nâfia Nezâreti Nizâmname-i Dâhilisinin beşinci maddesinde Nâfia Nâziri evvelâ timûryollar ve limanlar vesâir menâfi-i umûmiyyeye müteallik kâffe-i i'mâlât-ı mühimme ve cesîmeye dâir lâyihalar sâniyen Devlet hesabına ve gerek imtiyâz tarâkıyle yapılacak ameliyyâtın sûret-i icrâsına müteallik nizâmnameler tanzîn ve Hâk-i Pây-i Şâhâneye arz-olunmak üzere Bâbiâliye takdîm ider. Ve Îrâde-i Semîye istihsâl olundukdan sonra icraâtına mübâşeret eyler deyû muharrer olduğuna ve bâlâda tâdâd-olunan ameliyyâtın evvel-i emirde menâfi-i umûmiyyeye müteallik olduğu kararlaştırılmak läzimedden bulunduğuna ve ..... mahaldeki arâzînin saky-idilmesi Devlet ve memleketce menâfi' ve muhassenâti mûcib olacağına binâen hûsûsat-ı âtiye karârgîr olmuşdur.

Birinci madde: Zîr olunan arâzînin iskasi menâfi-i umûmiyyedendir.

İkinci madde: ..... mahalde vâki nehir ve çaydan sedler ve kanallar ve sâir ameliyyât-ı sinâiyye vâsîtasıyla civarda bulunan tarlalara su getürülerek sulamak için iktizâ iden bi'l-cümle ameliyyât-ı vâkia imtiyâz müddetince hüsн-i halde muhafaza idilecekdir.

Üçüncü madde: ..... İşbu ameliyyâtın icrası için taraf-ı Devletten bir günâ muâvenet-i nakdiyye ve te'min-i temettü' der'uhde olunmaksızın imtiyâz verilecek ve bu işi der'uhde itmege tâlib zuhûr-iden eshâb-ı sermâye saky-olunacak arâzî eshâbindan Devletce tasdîk olunacak ta'rîfe mûcibince ücret almağa me'zûniyyet i'tâ idilecek ve ta'yîn olunan ta'rîfede münâderic ücret masârif-i vâkia'nın fâiz ve re'sûl-mâle mahsûb akçesini çıkaracak dereceye bâliğ olmadığı tebeyyün eylediğini ve o civârdâ gayr-ı mezru' arâzî-i mîriyye ve hâliyye bulunduğu halde kanun-ı mahsûsunâ tevfîkan zirâat ve i'mâr itmek üzere lüzûmu miktarının tasarrufuna salâhiyyet virilecek ve ameliyyât için gerek memâlik-i Devlet-i Aliyyeden alınması ve gerek memâlik-i ecnebiyyeden celb-olunması lâzım gelen levâzîmât ve âlât ve edevât her günâ rûsûm ve tekâlîfsten mu'âf tutulacak ve kanallar ve cedveller ve sâir ameliyyât-ı sinâiyye için iktizâ-iden arâzîden Devlete âid yerler meccânен terk-idileceği gibi efrâd uhde-i tasarrufunde bulunan mahaller dahi İstîmlâk Kanûnuna tevfîkan mübâyaa olunacak ve kanallar ve cedveller boyunca bunlara mahsûs arâzî üzerinde eşcârgarsı ile mahsûlâtından istifâde idilebilecek ve bittabi' sâir teshîlât-ı ma'nevîyye dahi gösterilecekdir.

Dördüncü madde: ..... erbâb-ı iktidâr ve mü'teminândan işbu i'mâlâtı deruhte itmek istiyenlerin her kangısı evvel istid'â virmiş olur ise şerâit-i mütesâviye ile hakk-ı rûchanı olacakdır.

Beşinci madde: ..... Nâfia Nâziri sâlîfî'z-zîkr esasa tevfîkan işbu ameliyyâtın icrası için tâlibler taharrî itmege ve zuhûr idecek tâliblerin vüsûk ve emniyeti hâiz ve i'tibâr ve iktidâr-ı mâlisi husûl-i maksada kâfî olduğu tahakkuk ittikden sonra anlar ile teâft olunacak mukâvelenâmeleri bi't-tanzîm Hâk-i Pây-i Hümâyûn-u Mü'lükâneye arz-olunmak üzere Bâbiâliye takdîm eylemege me'mûrdur.

### BATAKLIKLARIN TATHİRİNE DAİR NİZAMNÂME NÜMÜNESİDİR :

Nâfia Nezâreti Nizâmname-i Dâhilisinin beşinci maddesinde Nâfia Nâziri evvelâ timûryollar ve limanlar ve sâir menâfi-i umûmiyyeye müteallik kâffe-i i'mâlât-ı

mühimme ve cesîmeye dâir lâyihalar sâniyen gerek Devlet hesâbına ve gerek imtiyâz tarîkiyle yapılacak ameliyyâtın sûret-i icrâsına müteallik nizâmnameler tanzîm ve Hâk-i Pây-i Şâhâneye arzolunmak üzere Bâbiâlîye takdîm ider ve Îrâde-i Seniyye istihsâl olundukdan sonra icraâtına mübâşeret eyler deyû muharrer olduğuna ve bâlâda ta'dâd olunan ameliyyâtın evvel-i emirde menâfi-i umûmiyyeye müteallik olduğu kararlaştırmak läzimedен bulunduğuna ve ..... mahalde vâki' bataklıkların tathîri Devlet ve memleketce menâfi' ve muhassenâti mûcîb olacağına binaen husûsât-ı âtiye karârgîr olmuşdur.

Birinci madde: ..... İşbu bataklıkların tathîri menâfi-i umûmiyedendir.

İkinci madde: ..... zîkr-olunan bataklıkların tathîri için sedler ve kanallar ve cedveller gibi iktizâ-iden bi'l-cümle ameliyyât icra olunacak ve müddet-i imtiyâziyye zarfında ameliyyâtın hüsn-i hâlde muhâfazası için eshâb-ı emlâkden mûrekkeb bir şirket teşkil edilecektir.

Üçüncü madde: ..... İşbu ameliyyâtın icrâsı için taraf-ı Devletden bir günâ muâvenet-i nakdiyye ve te'mîn-i temettü' der-uhde olunmaksızın imtiyâz virilecek ve ameliyyâti der-uhde itmege tâlib zuhûr iden eshâb-ı sermâyeye Arâzî Kanûnu hükmünce kurudulacak arâzîden Devlete âid olan yerler zirâat ve i'mâr itmek üzere meccânen i'tâ olunacak ve efrâd uhde-i tasarrufunda bulunan arâzinin eshâbı yâ nisfi sâhib-î imtiyâza terk veyâhut masârif-i tathîriyyeye nisif kıymeti geçmemek şartıyla arâzisinin miktarı nisbetinde iştirak ideekdir. Sâhib-î imtiyâz kanallar vasıtasiyle icrâ olunacak sulardan istifade eyliyecekdir. Ameliyyât-ı tathîriyyenin icrâsı için gerek memâlik-i Devlet-i Aliyyeden alınması ve gerek memâlik-i ecnebiyyeden celb-olunması läzim gelen levâzîmât ve âlât ve edevât her günâ tekâlîf ve rûsûmdan muâf olacak ve inşaât için iktizâ iden keresteyi nizamât-ı mahsûsanâsına tevfîkan civar ormanlardan kesmege müsâade idilecek ve bittabi' sâir teshîlât-ı ma'nevîyye dahî gösterilecekdir.

Dördüncü madde: ..... Erbâb-ı iktidâr ve mü'teminândan işbu i'mâlâtı der-uhde itmek istiyenlerin her kangısı evvel istidâ virmiş olur ise şerâit-i mütesâviye ile Hakk-ı rûchâni olacaktır.

Beşinci madde: ..... Nâfia Nâziri sâlifü'z-zîkr esâsa tevfîkan işbu ameliyyâtın icrâsı için tâlibler taharrî itinege ve zuhûr ideek taliblerin vüsûk ve emniyeti hâiz ve i'tibâr ve iktidâr-ı mâlîsi husûl-i maksada kâfî olduğu tahakkuk ittikden sonra anlar ile teâti olunacak mukaavelenâmeleri bi't-tanzîm Hâk-i Pây-i Hümâyûn-ı Mülükâneye arz-olunmak üzere Bâbiâlîye takdîm eylemege me'mûrdur.

### Timûryol ve Bittasarruf Kanal ve Liman vesair İnşaât-ı Nâfiaya Dâir Şartnâme Layhasıdır

#### BİRİNCİ FAAL

Meclis-i Mahâsûs 3325 (Umur-ı Nafia Lef 5)  
Levâiyih ve inşaat ve edevat beyanındadır

Birinci madde: ..... Sâhib-î imtiyâz masârif ve zarar ve ziyanı kendûsine âid olmak üzere Mukavelenâmede muayyen olan müddetler zarfında timûryolun inşâsi ve işledilmesi için muktâzî olan kâsse-i i'malât ve inşaâtı icrâ itinekligi taahhüt ider.

**İkinci madde:** .... Mukaavelenin ..... maddesi mûcibince sâhib-i imtiyâzin Nâfia Nezâretine takdîm idecegi harita melfûfât-ı âtiyeyi muhtevî olacakdır. Şöyle ki:

Timûryolun güzergâhim ve mevkiflerin mahallini ve ihtiraz ve tahmil ve tahliye hatlarının mevkîini mübeyyin beş bin de bir mikyasda bir harita-i umûmiyye\*.

İşbu harita timûryolun hatt-ı mutavassitinden i'tibâren bir kır'a makta'ı tûlanîsi ile ba'zi mahallerin makta'ı arzânîsi ve meyillerin cedveli ile en mühim olan i'mâlât-ı sinâiyyenin makta'lari ilâve olunacakdır. Zîkr-olunan makta'-ı tûlânî tûl i'tibariyle beş binde bir ve irtifa' i'tibâriyle beş yüzde bir mikyâsında tanzîm olunacak ve timûryolun derece-i irtifâ'-ı dahi sath-ı deryâya nisbetle ta'yîn kilinacakdır. İşbu makta'ın altına ufka muvâzî üç hat tersim olunub birinci hat üzerinde timûryolun mebdeinden i'tibâren biner metre olarak mesâfeler ve ikinci hat üzerinde iniş ve yokuşların tûliyle derece-i meyelânî ve üçüncü hat üzerinde kır'aât-ı müstakîmenin tûlü ve hutût-u münhanîyyenin müstakîmen imtidâdi ve her birinin nisif kutrunun tûlü gösterilecektir.

**Üçüncü madde:** .... Timûryol i'malâti tek hat olmak üzere icrâ olunacak ve lede'l-hâce iki hat inşâ olunabilecek kadar arâzî alınacak ve tünel inşâsı lâzım geldiği halde anın arzi dahî iki hat inşâsına kâfi olacakdır.

**Dördüncü madde:** .... Timûryolun arzi timûr çubukların iç taraflarından i'tibâren birer metre kırk dört santimetreden bir metre kırk beş santimetreye kadar olacakdır. Ve yan taraflarının ba'zi timûr çubukların dış tarafı ile tesviye kumunun zâviye-i ulyâsi beynindeki mahallerin arzi tek hat için bir metro on santimetro ve çifte hat için iki metre olacakdır.

**Beşinci madde:** .... Sâhib-i imtiyâz i'mâlatın hüsn-î hâlde muhâfazası ve timûryol ile tesviye-i türâbiyye lâzım olan toprağın ihrâcında hâsîl olan çukurların tanzîf ve tathîri ve suların cereyâni için iktizâ iden hendek ve su yolları ile yan satılıklarını inşâ eyleyecektir ve tesviye kumu elli santimetre yüksekliğinde döşenecektir. Tesviye kumunun altındaki tesviye-i türâbiyyenin sath-ı a'lâsının arzi tek hat için altı metre çifte hat için dokuz metre altmış santimetre olacakdır. Fakat işbu derece-i arzlar hattın müşkil olan aksâmında tesviye kumunun muhâfazasını te'min için tedâbir-i lâzime ittihâz olunmak şartıyla tek hat için beş metre on santimetreye ve çifte hat sekiz metre altmış santimetreye tanzîl olunabilecektir.

**Altıncı madde:** Hattın aksâm-ı muhâlîfe-i müstakîmesini yekdigere rabt-iden kır'aât-ı münhanîyyenin nisif kutru üç yüz metreden aşağı olmayaçakdır. Ve birbirine muhâlîf cihetlerde bulunan kır'aât-ı münhanîyye arasında hatt-ı âslî için yüz metro ve küçük hatlar için elli metre tûlünde bir hatt-ı müstakîm bırakılacağı misillî işbu münhanîfler kır'aât-ı müstakîme bir parabollar yâni kat'ı kâfi kavislerle rabt-idilecekdir.

**Yedinci madde:** Timûryolun deryâ cihetinde olan iniş ve yokuşları meyillerinin nihâyet derecesi metre başına yirmi milimetre ve sâhilden dâhile doğru olanların meyli dahi metre başına on beş milimetre ta'yîn olunmuşdur. Birbirini müteâkib olan iki yokuş beyninde nisif kutru bin metreye müsâvî amûdî inhinâlar olacakdır. Nisif kutru kâflî olan hutût-u münhanîyyede vâki' iniş ve yokuşlar mümkün mertebe tesviye ve izâle olunacakdır. Sâhib-i imtiyâzin işbu madde ile madde-i sâbikanın

\* İncelediğimiz Lâyîha metni aynen böyledir. C. D.

ahkâmi hakkında icrâsını fâideli addideceği ta'dîlâtı Devlet-i Âliyyeye arz ve teklif itmege selâhiyyeti olub fakat išbu ta'dîlât Hükûmet-i Seniyye tarafından kabul olunmadıkça mevkî-i icrâya konulamayacaktır.

Sekizinci madde: İhtirâz ve mevkif ve tahmîl ve tahliye hatları kifâyet mikdârı olmak lâzım gelecek ve bunlar sâhib-i imtiyâzin teklifi üzerine Cânib-i Hükûmet-i Seniyyeden ta'yîn olunacakdır. Fakat şurası mukarrerdir ki mevkifler beyninde olacak mesâfe-i vasatiyye lâ-akal yirmi kilometre olacakdır. Hutût-u ihtirâziyyenin tûlü dahi mikrasların nokta-i bidâyetinden i'tibâren büyük hatlar için dört yüz ve küçük hatlar için üç yüz metreden noksan olmayacağıdır. Maktâ'a-ı tûlânide ilerûde mevkifler inşâsı melhûz olan mahallerde münâsib tûlde ufka muvâzî satıhlar gösterilecektir.

Dokuzuncu madde: Timûryolu hattı bir mahalde ahâlinin âmed ü şüdi zîm-nâda ibkâ ve muhâfazası lâzım gelen âdî yolları keserek geçecek olur ise timûryolu hattı turuk-ı mezkûrenin mümkün olduğu kadar ya altından veya üstünden mûrûr idecek ve fakat ahvâl-i mevkîiyeden nâşî ba'zî mahallerde köprüler inşâ ve masârif-i külliyyeyi müstelzim olduğuveyâhut mûrûr u ubûrca müşkûlâtı mûcîb bulunduğu hâlde oralarda sath-ı zemîn ile berâber geçidler yapılarak turuk-ı mezbûre muhâfaza idilecektir. Timûryolun bir âdî tarîk üzerinden köprü ile geçirilmesi lâzım geldiği hâlde inşâ olunacak köprinin gözünün vûs'ati ahvâl-i mevkîiyeye göre ve sâhib-i imtiyâzin teklifi üzerine Devletce ta'yîn olunacak ve yolların ehemmiyetine göre üç metreden on metreye kadar olabilecektir. Kemerli köprülerin yolun sathından i'tibâren kemerin ortasına kadar irtifâ'ı lâ-akal beş metre ve timûrdan veya ağaçdan ufki kırışlerle yapılmış köprülerin kırışların altından i'tibâren irtifâ'ı lâ-akal dört metre otuz santimetre ve köprülerin korkuluklarının arasındaki arzı tek hat için dört buçuk ve çifte hat için sekiz metre olacakdır. Timûryolun bir âdî yol altından geçmesi iktizâ ittiği halde o tarîkin altına yapılacak köprinin korkuluklarının arasındaki arzı ahvâl-i mevkîiyeye göre ta'yîn olunacak ve tarîkin ehemmiyetine göre üç metreden on metreye kadar olabilecektir. Köprülerin ayaklarının arası ya'nî gözü tek hat için lâ-akal dört buçuk ve çifte hat için sekiz metre genişliğinde olacak ve katarların geçmesi için bırakılacak irtifâ' tınıtr çubukların sathından i'tibâren tavana kadar akallı dört metre seksen santimetre olacakdır. Timûryol turuk-ı âdiyenin sathına muvâzî olarak geçecek olduğu hâlde timûr çubuklar turuk-ı mezkûre üzerine âdî arabaların mûrûr u ubûruna hiç bir vechile mâni' olmamak üzere çıktı ve çukur olmayarak döşenecektir. Turuk-ı âdiye üzerine yapılacak her bir geçidin etrafında timûryolun hâricine açılır bir parmaklık olacakdır ve bundan mâadâ Hükûmetce lûzûm görüldüğü hâlde icâb iden mevâkie bir bekci kulübesi dahî yapılacakdır. Esnâ-yı ameliyyâtda eskiden mevcûd olan yolların mevkî'leriyle makta'larını tâhvîlveyâhut ta'dîl itmek lâzım gelir ise tebdîl ve tâhvîl olunacak kısımların iniş ve yokuşlarının meyli behemehâl turuk-ı mevcûdenin iniş ve yokuşlarının meyl-i sâbikînin nihâyet derecesini tecâvûz itmeyecektir. Her halde hem-zemîn geçitlere suların hatta doğru cereyan ittiği cihette timûryol ile âdî tarîkin arasında lâ-akal on metre tûlünde ufki bir mahal tanzîm ve inşâ olunacaktır.

Onuncu madde: Sâhib-i imtiyâz timûryol ameliyyâtiyle cereyanına hâlel gelmişveyâhut mecrâsı tebdîl olunmuş suları kendi masârifine olarak mecrâ-yi kadîmlerine icerâa mecbûr olacak ve yolun tesâdûf ideceği nehir ve çaylar ve çedveller ve yapılacak

köprülerin kavâid-i fenne tatbikan her nevi' dürlü ölçülerî sâhib-i imtiyâzin teklifi üzerine Nâfia Nezâreti tarafından ta'yîn olunacaktır.

Onbirinci madde: Sâhib-i imtiyâz icrâ olunacak ameliyyâtda a'lâ cinsinden edevât ve levâzim istî'mâl idecek ve inşaât ve edevâtın gayet metin ve müstâhkem olması için bilmecle kavâid-i fenniyyeye tatbîk-i hareket eyliyecektir. Akar sular ve adî tarîkler üzerine inşâ olunacak küçük ve büyük köprüler ile su yolları kârgîr olarak ve yâ timûrdan te'sis idilecek ve kereste yalnız temeller ile köpri dösemeleri ve taban ağaçları için istî'mâl olunacaktır. Bilmecle köprüler resimleriyle berâber Nâfia Nezâretine takdîm olunacak programa tevfîkan hattın kabulünden evvel ber-vech-i mu'tâd tecrübe idilecektir.

Timûr çubuklar ile edevât ve levâzimât-ı sâire-i inşâiyye iyi cinsten ve dayanıklı ve kullanılacak şeylere elverişli olacaktır. Timûr çubukların beher metresi civataları ile berâber otuz dört kilogram sıkletinde ve vinyol usûlünde olacaktır. Birbirini müteâkib vaz'-olunacak iki travers arasındaki fâsila mihverlerden i'tibâren doksan santimetroyu tecâvüz itmiyecektir. Timûr çubukların yekdigerine rabt-olunacak mahallerinin taban ağaçları üzerine tesâdûf itmemesi ve mahall-i iltisâkların birbirine muvâzi olmaması câiz olub fakat çubukların birbirine merbût olacağı noktalar iki travers arasına tesâdûf eylediği hâlde taban ağacının hadd-i vasatından i'tibâren otuz üç santimetreyi tecâvüz itmiyecektir. Ebniye ile mevkif ve kulübelerin cesâmet ve tertibât ve sûret-i inşaati ihtiyâcât-ı mevkiiyyeye ve usûl ve âdât-ı memlekete muvafik olacaktır. Mevkiflerin ebniyesi taşdan veya tuğladan olacak ve üzerleri dahî kiremit ve taş ve yâhut diger bir ma'den ile örtülecektir. Toprak imlâsiyle tesviye olunan ve türâb hasriyle yapılan mahallerin ve tesviye-i türabiyyeye lâzım olan toprağın ihrâcında hâsil olan çukurların sath-i mâillerinin derece-i meyelâm hîyn-i inşaâtda iktizâ-yı mevkî'e göre ve sâhib-i imtiyâzin talebi üzerine Nâfia Nezâreti veya me'mûrları ma'rîfetiyle ta'yîn kılınacaktır.

On ikinci madde: Sâhib-i imtiyâz takdîm ideceği harîta-i umûmiyyeye ihtiraz ve tevakkuf hatları ile mevkiflerini ve timûryolu üzerinde ve altında yapılacak büyük ve küçük köprüler ile su yollarının ve sath-i zemin geçidlerinin ve i'malât-ı sâiresinin eşkâl ve hey'etini mübeyyin ve meşrûh bir cedvel rabt-idecektir. Mevkifler ile i'mâlât-ı sinâiyyenin haritaları iki yüzde bir mikyâsında tanzîm olunacaktır.

On üçüncü madde: Timûryolu kura ve kasabâta ve mevkiflere tesâdûf iden aksâmında hattın iki cihetine kuru divisorlar veya parmaklıklar inşâsiyle arâzî-i mücâvireden tefrik olunması lâzım gelecektir.

On dördüncü madde: Timûryolu güzergâhi tasdîk olunduktan ve zemin üzerinde kazıklar rekziyle ta'yîn kılındıktan sonra mukavelenâmenin ..... maddesinde gösterildiği vechile yolun ve teferruatının te'sîsine lütûmu olan arâzînin mübâyaası ve teslimi muâmelâtına mübâşeret olunacaktır. İşbu arâzîden üzerinde ebniyesi olmayan mahallerin haritası beş binde bir mikyâsında ve üzerinde ebniyesi olan ve yâhut bağ ve bağıc bulunan mahallerin haritası binde bir mikyâsında tanzîm kılınacaktır.

Onbeşinci madde: Timûryolu inşaati kâmilin hitâm-pezir olduktan sonra sâhib-i imtiyâz masârif-i vâkiâsi kendûlerine âid olmak üzere timûryol aksâminin arâzisini tahdîd ve tersim ve vaz'ı alâim idecek ve bundan başka yapılmış köpri ve i'mâlât-ı sâiremin müfassal ve meşrûh defter ve haritasını Hükûmet me'mûrlarının

tahtı nezâretinde olarak bi't-tanzîm bunların birer sûret-i musaddakasını Nâfia Nezâretine takdîm eyliyecekdir. İşbu tahdîd-i arâzîden sonra timûryolun aksâm-ı mütemmîmesinden olmak üzere mübâyaa idilecek arâzî iştirâ olundukça tahdîd idilerek mezkûr harîtada işaret olunacağı gibi mârelbeyân defterin tanzîminden sonra yapılacak i'mâlât-ı sînâiyye dahi Nâfia Nezâretindeki deftere kayd ve ilâve idilecekdir.

### İKİNCİ FASIL

#### **Hattın Hüsn-i Hâlde Muhâfazasıyle İşledilmesi Beyânındadır :**

On altıncı madde: Sâhib-i imtiyâz timûryol ile müteferriâtını ve âlât ü edevât-ı sâbite ve müteharrikesini dâimâ hüsni hâlde ve emniyyet-bahş olacak bir suretde bulundurmağa ve kazâ vukûunu icâb ittirir bi'l-cümle esbâbindan muhâfaza itmege i'tinâ idecekdir. Sahib-i imtiyâz tarafından işbu taahhûdâtın ifâsında tehhür ve nûsâmahâ vukûa getürildiği takdirde keyfiyyet usûl ve nizâmi vechile ihtâr olunacak ve tarîh-i ihtârdan bir mâh mürûr idüb de icâbını icrâ itmediği sûretde masârifî sâhib-i imtiyâza aid olmak üzere yolun hüsni hâle vaz'iyçün cânîb-i Hükûmetden idâresine vaz'î-yed olunarak ta'mîrât-ı lazîme icrâ ve bu uğurda vuku'bulacak masârifin hattin hâsilatından istifâ olunacak ve kifâyet itmez ise sâhib-i imtiyâza ikmâl ittirilecekdir.

On yedinci madde: Sâhib-i imtiyâz timûryolun her nevi' hâsilatını mübeyyin mâh-be-mâh bir kît'a defter tanzîm ve Nâfia Nezâretine takdîm idecekdir. Hasılât-ı gayr-ı sâfiyyeyi mübeyyin tanzîm olunacak defterde yolcular ile emtianın naklinden münbaîs hâsilat-ı gayr-ı sâfiyye ile berâber timûryolun bilcümle vâridât ve hâsilat-ı sâiresi dahi gösterilecekdir.

### ÜÇÜNCÜ FASIL

#### **İmtiyâzin Feshiyle Yolun Taraf-ı Devletten Mübâyaası Husûslarında İnkızâ-i Müddet-i İmtiyâziyyede Olacak Muâmelâta Dâirdir :**

On sekizinci madde: Sâhib-i imtiyâz mukavelenâmenin ..... maddesinde münderic esbâbdan dolayı hukûk-ı imtiyâziyyesinden sâkit olduğu hâlde ol-vakte kadar icrâ idilen i'mâlât cem'ü tedârik olunan edevât ve levâzîmâta ve mübâyaa olunan arâziye bedel ta'yîn olarak müzâyedeye konulacak ve zuhûr idecek tâliblerinden kimin üzerinde takarrûr ider ise anının ma'rîfetiyle hukûkundan sâkit olan sâhib-i imtiyâzin taahhûdât-ı vâkiâsi ifâ idilecekdir. Bi'l-müzâyede takarrûr idecek bedelden müzâyede masârifî tenzîl kılındıktan sonra üst tarafı hukûku sâkit olan sâhib-i imtiyâza i'tâ klinacakdır. Birinci müzâyededen bir netice hâsil olmadığı hâlde evvelce takdir olunan bedelden münâsib mikdâr tenzîl olunarak altı ay müddet sonra ikinci defâ bir müzâyede daha icrâ idilecek ve bu dahî neticesiz kahr ise müzâyedeye mevzu' olan şeyler hukûkundan sâkit olan sâhib-i imtiyâza hijâbir bedel te'dîye olunmak-sızın Devletin mâli olacak ve kefâlet akçesi henüz iâde olunmamış bulunur ise taraf-ı Devleten zabit olunacaktır.

On dokuzuncu madde: Devlet-ı Aliye mukavelenâmenin ..... maddesi mücibince timûryolu mübâyaa idildiği hâlde hattın ol-vakit mevcût bulunan ve işledilmesi için iktizâ-iden wagon ve lokomotif ve toprak arabaları ve mahrûkat ve sâir

eşyâ-yı menkûlesinin kâffesi muhamminlerin takdîr idecekleri bedel mukabilinde iştirâ idecekdir.

Yirminci madde: Hükûmet-i Seniyye imtiyâzin müddeti munkazı oldukça sâhib-i imtiyâz timûryol ile mevkisleri tâhâml ve tenzîl-i eşyâya mahsûs mahalleri ve müsettişler için yapılan kule ve hâneleri ve tahsildâr odalarını ve sâbit makineleri ve ale'l-umûm bir sûret-i mahsûsada umûr-i nakliyyeye mahsûs olmayan sâir eşyâ-yı gayr-i menkûleyi hüsni hâlse olarak bilâ-bedel Devlete devr ve teslim idecekdir. Makine ve lokomotif ve vagon ve araba ve alât-ı inşâiyye ve ta'mîriyye ve mahrûkat ve her nevi' levâzîmat gibi hattın işledilmesi için lâzûm gelen eşyâ-yı menkûleye gelince Hükûmet-i Seniyye bunları muhamminlerin takdîr idecekleri bedel mukabilinde mübâyaa idecekdir. Şu kadar ki Devletin mübâyaa ideceği levâzîmat timûr-yolun altı ay işledilmesi için muktazi olan mikdârı mütecâvîz olmayacağıdır.

Müddet-i imtiyâziyyenin hitâmından beş sene evvel timûryolun hüsni hâlse olmadığı inde't-teftîş Devletce anlaşılır ise sâhib-i imtiyâza bir müddet ta'yîniyle ihtâr-i keyfiyyet idilecek ve bu ihtarın semeresi görülmez ise Hükûmet derhal timûryolu ve müteferriyatını yed-i idâresine alarak eshâb-ı imtiyâz hesâbına olarak ta'mîrât-ı läzîmeyi icrâ-ile yolu hüsni hâle vaz'-itmege salâhiyyeti olacak ve hâsilattan işletme ve ta'mîrât masârifâtı çıkarıldıkdan sonra fazlası sâhib-i imtiyâza i'tâ olunacak ve noksan zuhûr ider ise ikmâl ittirilecekdir.

#### DÖRDÜNCÜ FASIL

##### **Yolcu ve Emтиadan Alınacak Ücûrât ile Şerâit-i Müteferriasi Beyânımdadır :**

Yirmi birinci madde: Mukavelenâmenin ..... maddesi mûcibince sâhib-i imtiyâzin istîfâ itmege me'zûn bulunduğu üçûrât-ı nakliyye ta'rifesi ber-vech-i âti beyan olunur. Âtiyü'z-zikr ta'rifeler nihâyet derecede olub bunlar taraf-ı Devletten ruhsat-ı mahsûsa istihâl olunmadıkça tezyîd ittirilemeyecektir. Fakat ta'rifelerde ta'yîn olunan nihâyet mikdarlar tenzîl olunduktan sonra bir mâh evvel i'lânât-ı mahsûsa vasıtasıyla halka ihbâr idilmedikce bi't-tekrâr nihâyet derecelere terfi' ittirilemeyecek ve ancak ta'rifelerin tenzîli hâlinde üç gün evvel i'lân olunacaktır.

#### **BİRİNCİ TA'RIFE YOLCULARA DÂİRDİR ADAM BAŞINA VE KİLOMETRE HESÂBI ÜZERİNE NAKLİYYÂTIN FİYATI YOLCU VE MAHLÛT KATARLAR**

Birinci mevki'	Ikinci mevki'	Üçüncü mevki'
para	para	para
27	20	13

Birinci ve ikinci mevki' arabalarından mürekkeb seyr-i serî' katariyle nakl-idilen yolculardan bâlâda muharrer ta'rifeden yüzde otuz ziyâde alınacaktır. Üç yaşına kadar olan çocuklar refâkatindeki adamın kucağında götürülmek şartıyla meccânen nakl olunur. Üç yaşından yedi yaşına kadar olan çocuklar için nisuf ücret alınır. Şu kadar ki bir bölmede iki çocuk bulunduğu hâlse ikisi yolcuya mahsûs olan mevki'den ziyâde yer tutmayacağıdır.

### İKİNCİ TA'RIFE YOLCULARIN EŞYA-YI ZÂTİYYELERİNE DÂİR

Her yolcunun bilet başına meccânen otuz kilogram yük nakl-itme hakkı vardır. Nisif ücret virecek çocuklar yalnız yirmi kilogram yük için ücret i'tâsından muâf olacaklardır. Çok yer tutan eşyâ ile otuz zirâ-i a'sâri mik'ab hacminde olduğu hâlde vezni yedi kilogramdan aşağı olan eşyâ için mevzû' ta'risedeki ücretin iki misli ücret alınır.

#### MASÂRİF-i MÜTEFERRİ'A

Eşyâ-yı zâtiyyenin fazlası olsun olmasun ta'rife ücretinden mâadâ ber-vech-i âtî üçûrât ahz ve istîfâ kılınacaktır söyle ki her pulsulara muayyen olarak yirmi para kaydiyye resmi ve katarın vürûdünden sonra kaldırılmayan eşyânın beher dengi için yevmiyye beş para mağaza resmi te'diye olunacak ve kumpanyanın ısrarı ve mürsil veyâ mürsilün-ileyhin talebi üzerine tekrâr vezn-idilecek eşyâdan Kumpanya iddiâsında haklı çıktıgı halde kesr-i gayr-i münkasem olmak üzere beher yüz kilogram için yirmi para mizân resmi alınacaktır.

### ÜÇÜNCÜ TA'RIFE KÖPEKLERE DÂIRDİR

Gerek yolcu katarları ve gerek muhtelit katarlar ile gönderilen köpeklerin beherrinden kilometre başına dört para ücret alınır bu ücretin akal derecesi sekiz kilometre başına bi'l-hesâb istîfâ kılınır.

#### MASÂRİF-i MÜTEFERRİ'A

Ta'rife ücretinden mâadâ her köpekdenden muayyen kaydiyye resmi olarak yirmi para ve köpegin vusûlünde sahibi olmayub da sahib-i imtiyâz hifz-itmiş olur ise yevmiye beş kuruş ahz olunur.

#### DÖRDÜNCÜ TA'RIFE

### SEYR-i-SERİ' İLE GÖNDERILECEK EŞYÂYA DÂIRDİR

Kesr-i gayr-i münkasem olmak üzere on kilogramın kilometre başına ücret-i nakliyesi bir paradir.

Otuz desimetre ya'nî zirâ-i a'sâri mik'ab hacminde bulunduğu halde vezni yedi kilogramdan aşağı olan eşyâ için mevzû' ta'risedeki ücretin iki mislî ücret alınır. Bu ücretin akal derecesi sekiz kilometre üzerine bi'l-hesâb istîfâ kılınır.

#### MASÂRİF-i MÜTEFERRİ'A

Ta'rife ücretinden mâadâ ırsâlatın her defâsi için muayyen kaydiyye resmi olarak yirmi para ve kesr-i gayr-i münkasem olmak üzere beher on kilogram için tahmiliyye ve ihrâciyye resmi olarak dört para ve seyr-i serî ile gönderilen eşyâ her ne esbâba mebnî olur ise olsun mürselün-ileyhe ihbâr-i keyfiyyet zimnunda ırsâl olunan mektubun postaya virildiginden i'tibâren mürselün-ileyhe eşyânın mevridi olan mahalde sâkin ise yirmi dört saat degil otuz altı saat zarfında kaldırılmadığı takdirde kesr-i gayr-i münkasem olmak üzere beher elli kilogram için mağaza resmi olarak yevmi on para ve mürsil veya mürselün-ileyhin talebi üzerine eşyâ bi't-tekrar tartıldığı ve bunların iddiâları haklı çıkmadığı halde kesr-i gayr-i münkasem olmak üzere beher yüz kilogram için yirmi para ücret alınır.

**BEŞİNCİ TA'RİFE**

**SEYR-i SER'i İLE GÖNDERİLECEK PAKET VE DENKLERE VE MÜNFERİDEN VEZNI  
YIRMİ BEŞ KILOGRAM SIKLETİNDEN AŞAĞI OLAN UFAK TEFEK EŞYĀYA DAİR**

Bir dengin kaydiyye ve tahmiliyye ve ihrâciyye resmi dahil olduğu halde otuz kilometreye kadar olan mesafe için üç kuruş ve andan ziyâde mesafenin beher on beş kilometresi için yirmi para ücret alınır.

**MASÂRİF-i MÜTEFERRİA**

O ücretden māadâ ihbâr-i keyfiyyet zîmnâda mürselün-ileyhe gönderilen mektubun postaya tesliminden i'tibâren mürselün-ileyhe mevrid-i eşyâ olan mahalde ise yirmi dört degil ise otuz altı saat zarfında her ne esbâba mebnî olur ise olsun kaldırılmayan denklerden mevzu' olduğu mağaza resmi olarak yevmiyye on para mürsil veya mürselün-ileyhin talebi üzerine bi't-tekrâr tartılacak her denkden mürsil ve mürselün-ileyhin iddiâsi vâhi çıktıgı takdirde mîzân resmi olarak yirmi para ücret alınır.

**ALTINCI TA'RİFE****NUKUD VE ESHÂM VE Zİ-KİYMET EŞYĀYA DAİRDİR**

Kilometre başına üçûrât-i nakliyye

Seyr-i âdi seyr-i ser'i

para	para	
47	94	İki ve yâhut dört tekerlekli ve dâhili bir peykeli arabalardan
37	134	Dört tekerlekli ve dâhilî iki peykeli arabalardan ücret-i nakliyyenin akal derecesi sekiz kilometre üzerine bi'l-hesâb ahz ve istifâ kılınır.

**MASÂRİF-i MÜTEFERRİ'A**

Ta'rife ücretinden māadâ ırsalâtun her def'ası için kaydiyye resmi olarak yirmi para ve arabadan tahmiliyye ve ihrâciyye resmi olarak on para ve her araba için mevzu' mağaza ücreti olarak yevmi beş kuruş ücret alınır. Mağaza ücreti yalnız vürûdünden kurk sekiz saat sonra kaldırılmayan arabalardan istifâ kılınub ta'rife ücretinden māadâ arabalar derûnunda bulunan egypten sıkleti elli kilogramı tecâvüze eylediği hâlde elli kilogramın fazlasından seyr-i âdi ile nakl-olunan ikinci sınıf eşyâdan ta'rife mücibince kesr-i gayr-i münkasem olarak beher elli kilogram hesâbiyle ücret alınacaktır.

**SEKİZİNCİ TA'RİFE****HAYVÂNÂTA DAİRDİR**

Kilo başına ücret-i nakliyye

Seyr-i âdi Seyr-i ser'i

para	para	
27	54	Öktüz ve inek ve boğa ve manda ve deve ve bârgir ve koşum hayvânâtundan
9	18	Dana ve merkeb ve domuzdan
4	8	Erkek ve dişi koyun ve keçiden

Ücret-i nakliyyenin akal derecesi sekiz kilometre üzerine bilhesâb ahz ü istifâ kılınır.

**MASÂRİF-i MÜTEFERRİ'A**

Evvelâ ta'rife ücretinden māadâ ırsâlâtın her def'ası için muayyen kaydiyye resmi olarak yirmi para alınur. Sâniyen katarın vüslüinden yirmi dört saat sonra alınmayan hayvânâtın zarar ve hasârı eshâbına âid olmak ve yem masârifî dâhil olmamak üzere bir mahall-i mahsûsda hifz idilinceye degin beherinden mağaza resmi olarak yevmiye beş kuruş alınur.

**DOKUZUNCU TA'RIFE****SEYR-i ÂDÎ İLE GÖNDERİLEN EŞYÂYA DÂİRDİR  
BEHER KİLOMETRE MESÂFEDE TONİLÂTO BAŞINA ALINACAK ÜCRET**

Eslîha, doğrama, boyâ ve sâir zî-kiyimet ağaç, mum, müskirât, bakır, pamuk, kahve, balık, tutkal, araba edevâti, sahtian, edviye, eşcâr, kuş tüyü, akmeşe, bâhârât, ma'mûl demir, çini, meyve, ma'mûl dökme demir, ma'mûl ve gayri ma'mûl ma'deniyât-i sâire, angûdî ebniye, rûğan-i zeyt ve envâ'ı şerbetçi otu, muzika âlâtı, mefrûşât, envâ'ı kâğıt, ma'mûl kurşun ve demir, kalem, porselen, nebâtât, envâ'ı kürk, iç yağı, ipek, şeker-i şeffâf, ispermeçet, sirke, şarab, kadeh ve cam ve yün ma'mûlâtı, keten, çay, duhân: 35 Para.

**İKİNCİ SINIF**

Karataş, kereste, zift, kok kömürü, odun kömürü, kenevir, ham dökme demir, yaprak ve çuput, demir kene, ma'den toprağı, kalas tahtası, gayr-i ma'mûl mermer taşı, sırik, tahta, yontma taş, tuzlu balık, külçe kurşun, tuzlu et ve kuru sebze: 27 Para.

**ÜÇÜNCÜ SINIF**

Kil toprağı, saman, kepeç, yakacak odun, çakıl taşı, pirinç, zehâir, kerc (kireç), ma'den kömürü, gül, dakik gübre, divar taşı, lüleci toprağı, alçı, kerc (kireç) ve alçı taşı ve kaldırım taşı ve levâzîm-i sâire ve tuz ve kum ve tâze sebze: 22 Para.

Vezni elli kilogramdan dün olan eşyâ tam elli kilogram hesâb ve i'tibâr olunur ve andan ziyâde kûsurât dâimâ elli kilograma iblâğ idilür. Ücret-i nakliyyenin akal derecesi sekiz kilometre üzerine bi'l-hesâb istifâ kîlinur.

**MASÂRİF-i MÜTEFERRİ'A**

Ta'rife ücretinden māadâ ırsâlâtın her def'ası için muayyen kaydiyye resmi olarak yirmi para ve tahmil ve ihrâc ve eshâb-i imtiyâz tarafından icrâ idilür ise tonilâto başına dokuz kuruş ya'nî kesr-i gayr-i münkasem olmak üzere beher elli kilogram için on sekiz para alınur.

Mürselün-ileye ihbâr-i keyfiyyet zâminde gönderilen mektûbun postaya tesliminden kırk sekiz saat zarfında kaldırılmayan eşyâdan mevzu' olduğu mağaza resmi olarak kesr-i gayr-i münkasem olmak üzere beher elli kilogram için yevmî on para ve mürsil veya mürsel-ün-ileyhin talebi üzerine be-tekrâr tartılan ve mikdâr-i evveli doğru çikan eşyâdan mizân resmi olarak kesr-i gayr-i münkasem olmak üzere beher yüz kilogram için yirmi para ücret istifâ olunur.

#### ONUNCU TA'RIFE SIGORTA ÜCRETİNE DAİRDİR

Sigorta ücreti mahsûsen sigortaya vaz'olunan eşyâdan ücretât-ı âtiye istifâ kılınur:

##### Kuruş Para

1	—	20	Beşyüz kuruş kıymetinde olup seyr-i âdî ile gönderilen emtiadan
4	—	—	Beşyüz kuruş kıymetinde olub seyr-i seri' ile gönderilen
2	—	—	Bin kuruş kıymetinde olub yolcu eşyâsiyle araba ve hayvânâtdan.

#### ON BİRİNCİ TA'RIFE MAHSÜS KATARLARA DAİRDİR BEHER KİLOMETRE BAŞINA ALINACAK ÜCÜRât

##### Kuruş Para

15	—	Lokomotif ile emniyyet wagonundan
10	—	Salon arabalarının beherinden
5	—	Yolcu arabalarının beherinden
2	20	Âdî wagonların beherinden
2	20	Vagonda ikiden ziyâde dingil olduğu hâlde beher fazla dingil için
460	—	Katar cedvel-i mahsûsunda muayyen olan müddetden ziyâde bekler ise her yarım saat için
35	—	Bir katar-ı mahsûs için kilometre başına ücretin akal derecesi
700	—	Bir katar-ı mahsûs için ücretin akal derecesi.

Eger mahsûs trenle giden yolcu ve hayvânât ve yolcu eşyâsında alınacak ücretât âdî trenler ta'rifelerinde gösterilen ücretâtın miktarından ziyâdeye bâliğ olur ise sahib-i imtiyâz âdî katarlara mahsûs olan ta'rife mücihince istifâ-yi ücret idebilür.

Yirmi ikinci madde: Bâlâdaki ta'rifeler bundan böyle tanzim olunacak ücretât-ı nakliyye ta'rifelerinde para kuruşun kırkta bir cüz'ü ve kuruş dahî Osmanlı lirasının yüzde bir cüz'ü i'tibâr olunacaktır. Ancak sahibi imtiyâz Memâlik-i Mahrûse-i Şâhânedede tedâvül iden sair meskûkâti mirî fiyatıyla ahz ü istifâ itmege mecbûr bulunacaktır.

Yirmi üçüncü madde: Bâlâdaki yirmi ikinci maddede zîr ü beyân olunmayan hububât ve emtia ve eşyâ ve hayvânâtdan her biri ta'rifede münâderî olan envâ-i eşyâ ve hayvânâtin kangisina en ziyâde şebîh ise anın gihi ücret-i nakdiyye alınacaktır ve bunların ta'yîn-i ücreti için müşkilât veya şübhâ vukûnda ihtilâfin katiyien fasl ü halli Hükümet-i Seniyyeye aittir.

Yirmi dördüncü madde: Ta'rifelerin gerek umûmî ve gerek husûsî olsun ve gerek nisbet kaidesine tevfîkan tanzim idülsün ve gerek mümkün-it-tâgyîr bulunsun mezkûr ta'rifelerde münâderî şerâit bi'l-umûm yolcu ve mürseller hakkında carî ola-

cakdur. Bundan başka ta'rifeler mevki-i icrâya konulmazdan evvel Hükümet-i Seniyyenin nazar-i tasvibine arz ve takdim olunacaktır.

**Yirmi beşinci madde:** Birveyâ bir kaç mürsilin tasdîk olunan ta'rifedeki üçünrâtdan dün ücretle emtia nakl-idebilmezi için sâhib-i imtiyâzin anlar ile sûret-i mahsusada akd-i mukavele itmesi kat'iyyen memnû'dur. Ancak bu memnûiyyet Hükümet-i Seniyye ile sâhib-i imtiyâz beyninde virilecek karar ile fukara ve acezenin nakli için Kumpanyaca icrâ olunacak tenzilât hakkında cârî olmayacaktır.

#### Beşinci FASIL

##### Husûsât-ı Mütenevvia ve Muhtelifeye Dâirdir:

**Yirmi altıncı madde:** Devlet-i Aliyye esnâ-yi muharebede ve evkat-i sâirede gerek münferiden ve gerek müctemian iktizâ iden mahallere timûryol ile asâkir-berriyye ve bahriyye ve jandarma ve zabtiyye ile zâtlarına mahsûs ahmâl ve eskâllerini ve hayvanlarını ve her nevi' mühimmât ve edevât-ı harbiyye ve erzak ve sâire levâzîm-i askeriyye sevk ve ırsâl itmek istedigi halde sâhib-i imtiyâz ümerâ-i askeriyye tarafından tahrîren vuku'-bulacak taleb üzerine wagon ve läbüdü muktezî olan sâir kâffe-i edevât ve vesâit-i nakliyyesini sevkîyyât ve nakliyyat-ı askeriyyeye hasrı tahsis olunmak üzere Devletin emrine müheyŷâ tutacak ve ledelhâce Hükümet-i Seniyye timûryolu kâffe-i vesâit-i nakliyye ve edevât-ı sâiresiyle berâber yed-i idâresine almak salâhiyyetini hâiz olacaktır. Hazar ve seferde gerek sâhib-i imtiyâz ma'rifetiyle vuku'-bulan ve gerek timûryolu Devlet idâresinde bulunduğu esnâda icrâ idilen kâffe-i sevkîyyat ve nakliyyat-ı askeriyye için ta'rifede muayyen ücretin nisfi virilecekdir ve Hükümet-i Seniyye sevk-ü ırsâl ideceği asker ve mühimmât ve eşyâ-yi sâirenin yolcu katariyle muhteliten gönderilmesini taleb eylediği hâlde dahi ücret-i muayyeninin nisfini te'diye eyleyecektir.

**Yirmi yedinci madde:** Mahbûs ve mahkûmîn ile refâkatlerinde bulunan me'mûrlar ta'rifelerdeki ücretin nişfiyle nakl-olunacaktır. Bunun için vuku'-bulacak talebe göre âdi katarlarda ikinci ve üçüncü sınıf wagonlardan ıcâb iden miktar bölmeler sâhib-i imtiyâz tarafından irâ'e ve tahsis idilecektir.

**Yirmi sekizinci madde:** Taraf-ı Devletten timûryolun inşâsiyle işledilmesi umûrunun muâyene ve testîsi için ta'yin olunan me'mûrları ile ve timûryol üzerinde Resmi Gümruk ve Tekârif-i sâirenin emr-ü tahsilîne me'mûr olanlar ve telgraf me'mûrları bir mahalle azimetlerinde timûryol arabalarıyla meccânен gidüb geleceklerdir.

**Yirmi dokuzuncu madde:** Devlet-i Aliyyenin kurşun ile kapanmış posta çanta-larını ve bunları götürüb getirecek me'mûrlarını âdi yolcu arabalarıyla meccânен nakl-itmege ve bu bâbda taraf-ı Devletden vuku'-bulacak taleb üzerine yolcu katarlarının ikinci sınıf arabalarından birveyâ müteaddit bölmeleri tahsis eylemege sâhib-i imtiyâz mecbûr olacaktır.

**Otuzuncu madde:** Sâhib-i imtiyâz Hükümet-i Seniyyenin müsâadesini istihsâl itmedikce katarların vakt-i hareketlerini ta'dîl idemiyecektir. Ancak mahsûs katarlar teşkilî ve yâdi katarların vakt-i hareketlerinin tebdili Hükümet-i Seniyye taleb olunduğu takdirde keyfiyyet lä-akal kırk sekiz saat evvel tahrîren sâhib-i imtiyâza ihhâr olunacaktır.

Meclisi Mahsus 3325. Umûr-i Nâfia lef 6

**TİMÜRYOL VE Bİ'T-TASARRUF CEDVEL VE LİMAN VE SÂİR İNSAÂT-I NÂFIAYA DÂİR MUKAVELENÂME LÂYİHASI SÜRETİDİR**

Bir taraftan Devlet-i Aliye nâmına hareket iden Nâfia Nâziri .... ile diğer taraftan .... beyninde mevâdd-i âtiye kararlaştırılmışdır:

Birinci madde: .... inşâsi için şerâit-i âtiyeye tevfîkan taraf-i Devlet-i Aliyeden ..... imtiyâz virilmişdir.

İkinci madde: .... müddet-i imtiyâziyye Ferman-i Âli târihinden i'tibâren .... senedir.

Üçüncü madde: .... Sâhib-i imtiyâz Ferman-i Âlinin i'tâsi ve mukavele-nâmenin teâtisi târihinden i'tibâren .... müddet zarfında şartnâmede beyân olunduğu vechile keşfiyyât-i kat'iyye üzerinde mükemmel harîta ve lâyihasını tanzim ile Nâfia Nezâretine takdîm idecekdir ve Nezâret işbu harîta ve Lâyihayı târîh-i takdîminden i'tibâren üç mâh müddet zarfında bî't-tetkîk yolunda olduğu sûretde hâliyle ve olmadığı takdirde icâb-iden ta'dilât ve tashîhâtın icrâsiyle tasdîk eyliyecekdir.

Dördüncü madde: Sâhib-i imtiyâz masârif ve zarar u hasâri tarafına âid olmak üzere mukavelenâmenin teâtisi târihinden i'tibâren .... müddet zarfında ameliyyata mübâşeret itmeğe ve haritanın tasdîki târihinden i'tibâren .... müddet zarfında ikmâl eylemeli taahhüt ider. Ameliyyât kavâid-i fenne ve merbût şartnâme ahkâmâna ve kabûl ve tasdîk olunan harîta ve lâyihalara tatbîkan icrâ olunacaktır. Fakat esbâb-i mücbireden münbaîs hâlât müstesnâ olub bu misillü ahvâlden dolayı ameliyyât ne kadar müddet ta'tîl olunur ise müddet-i ikmâliyye dahî o kadar temdîd idilecek ve şu kadar ki esbâb-i mûcîbenin vukuunu derhal Hükûmet-i mahalliyyeye ve Nâfia Nezâretine ihbâr eylemeye sâhib-i imtiyâz mecbûr bulunacaktır.

Beşinci madde: Nâfia Nezâreti esnâ-yı i'mâlâtda suver-i icrâiyyesini ve hitâmında ve kabûl olunmazdan evvel be-tekrâr i'mâlât-i vâkiyi ve müddet-i imtiyâziyye zarfında idâre ve işletme muâmelâtını ve ameliyyâtın hüsn-i hâlde muhâfaza olunub olunmadığını mahsûs komiserler vâsitaîyle muâyene ve teftîş eyliyecekdir.

İşbu teftîş ve muâyene masârifine mukabil sâhib-i imtiyâz ameliyyâta mübâşeret için ta'yîn olunan müddetden i'tibâren müddet-i imtiyâziyyenin hitâmına kadar mâh-be-mâh te'dîye olunmak üzere senevî Nâfia Nezâretinin emrine .... lira i'tâ idecekdir.

Altıncı madde: İşbu ameliyyât menâfii umûmîyeye müteallik bulunduğuundan .... ile müteferriâtına muktâzî olan arâzîden efrâd uhdesinde bulunan yerlerin mübâyaası husûsunda sâhib-i imtiyâz eshâb-i arâzî ile uyuşmadığı hâlde İstîmlâk Kanûnuna tevfîk-i muâmele idilecek ve hîn-i ameliyyâtda muvakkaten istî'mâli lâzım-gelen mahaller Hükûmet-i mahalliye ma'rîfetiyle sâhib-i imtiyâz tarafından eshâbına tazminât virilmek şartıyla muvakkaten istî'mâl olunabilecekdir.

İşbu arâzî dâhilinde arâzî-i emîriyye-i hâliyye bulunduğu takdirde sâhib-i imtiyâza meccânen terk-olunacak ve muvakkaten istî'mâli lâzım gelen yerlerin dahî i'mâlât müddetince bilâ ücret istî'mâline müsâade olunacaktır.

Yedinci madde: İnşâ olunacak timûryolun hutût-i asliyyesi şimdilik tek hat olarak yapılacak ve fakat arâzî çifte hatta kâfi derecede ta'yîn olunacak ve senevî

beher kilometrenin hâsilat-ı gayr-ı sâfiyyesi otuz bin franga bâliğ olduğu hâlde Hükümet-i Seniyyenin ikinci hattın inşâsını talebe hakkı olacak ve sâhib-i imtiyâz dahî kendû masrafına olarak inşâsına mecbûr bulunacaktır.

Sekizinci madde: ..... ve müteferriâtının inşaât-ı ibtidâiyyesi için gerek Memâlik-i Devlet-i Aliyyeden ve gerek diyâr-ı ecnebiyyeden celb ü tedârik olunacak olan taş ve kereste ve timûr ve ma'den kömürü ile makine ve edevât ve sâir levâzimât Gümruk Resminden muâf tutulacağı gibi ..... müddet-i imtiyâziyyesi zarfında arâzi ve sermâyesi ile vâridât üzerine bir günâ virgû tarh-olunmayacak ve işbu mukâvelenâme ile merbût şartnâme Tamga Resminden vâreste olacaktır.

Dokuzuncu madde: Sâlib-ı imtiyâz ..... inşâsiyle ta'mîri için lâzım gelen keresteler Nizâmât-ı mahsûsasına tevfîkan civar mîri ormanlarından kat'-idebilecekdir.

Onuncu madde: Ameliyyâtın ikmâli sâhib-i imtiyâz tarafından jhbâr olundukda Nâfia Nezâreti tarafından mansûb bir fen komisyonu ma'rifetiyle bi'l-muâyene iktizâ eylediği hâlde muvakkaten ahz ü kabûl olunacak ve kabûl-i muvakkat tarihinden i'tibâren bir sene sonra yine bir fen komisyonu ma'rifetiyle ameliyyât-ı vâkia tekrar bi'l-muayene kaide-i fenne muvâfik ve Şartnâme ahkâmına mutabık olduğu tahakkuk eylediği hâlde işbu Komisyonun tanzîm ideceği raport üzerine Nâfia Nezâreti tarafından katîyyen kabûlü muâmelesi icrâsı olacaktır.

Onbirinci madde: Sâhib-i imtiyâz ile müteferriâtı ve âlâtü edavât-ı sâbite ve müteharrikesi müddet-i imtiyâziyye zarfında masârifî kendine âit olmak üzere dâimâ ta'mîr ve hüsn-i halde muhâfaza idecekdir. Aksi hâl vukuunda Şartnâmenin ... maddesi mûcibince muâmele olunacakdır.

On ikinci madde: Sâhib-i imtiyâz yolun umûr-ı zâbitasına ve hüsn-i muhâfazasına müteallik elyevm mevcût bulunan ve ilerûde tanzîm oluancak olan bîcümle Nizâmât-ı Devlet-i Aliyyeye tevfîk-i hareket itmeğe mecbûrdur. Sâhib-i imtiyâzin kusûrundan nâşı yolun bir kısmıveyâ mecmûu üzerinden nakliyyât ta'tîl olunduğu hâlde Hükümet masârifî ve zararü hasârı sâhib-i imtiyâza âid olmak üzere bunun muvakkaten işledilmesini te'mîn için Şartnâmenin .... maddesine tevfîkan tedâbir-i lâzime ittihâz idecekdir.

On üçüncü madde Sâhib-i imtiyâz timûryolun muvakkaten kabul olunduğu tarihden i'tibâren müddet-i imtiyaziyyenin hitâmâna kadar Şartnâmede münderic ta'rifeye tevfîkan ücret-i nakliyye ahz-idecekdir.

On dördüncü madde: Gerek esnâ-yı muhârebede ve gerek evkat-ı sâirede ya müctemian veyhut münferiden vuku' bulacak asâkir-i berriye ve bahriyye ile edevât ve levâzimât-ı harbiyye ve .mahbûsin ve mahkûmin ile sâir me'mûrların ve posta çantalarının sevkîyyât ve nakliyyâtı hakkında Şartnâmenin beşinci fashnda gösterildiği vechile amelî hareket olunacaktır.

On beşinci madde: Sâhib-i imtiyâz taahhûdât-ı vâkiasının icrâsı için Fermân-ı Âlî tarihinden i'tibâren ..... müddet zarfında merbût Şirket Nizamnâmesi esâsına tevfîkan Osmanlı bir Anonim Şirketi teşkiline me'zûn ve mecbûrdur.

On altıncı madde: Sâhib-i imtiyâz taahhûdât-ı vâkiasının icrâsını te'minen Fermân-ı Âlînin îsdârı kendisine teblîg olunduğu tarihden i'tibâren bir mâh zarfında Bank-ı Osmaniye yâ nakden yâhut piyasa fiyatıyla eshâm olarak ..... lira kefâlet akçesini tevdî-idecek ve şu kadar ki eshâm tevdî' eylediği hâlde tedennî-i fiyatdan

dolayı terettüb idecek noksunu ikmâl idileceği Bank tarafından taahhüt ittirilecektir ve mezkûr kefâlet akçesi tevdî olunduğunu müteâkib Fermân-ı Âlî kendüsine teslim olunacaktır. İşbu kefâlet akçesi ameliyyât kat'iyen kabûl olundukdan sonra jâde olunacaktır. Zîr olunan bir mâh müddetin inkizâsına degin sâhib-i imtiyâz kefâlet akçesini tevdî itmediği halde kendüsine ihtara hâcet olmaksızın hakk-ı imtiyâzdan sâkit olacakdır.

On yedinci madde: Devlet-i Aliye müddet-i imtiyâziyyenin otuz senesinin inkizâzından sonra her vakit yolu mübayaa itmek salâhiyyetini hâiz olacakdır. Yol kangi senede iştirâ olacak ise andan evvelki beş sene zarfında vuku'-bulan hâsilat-ı gayri sâfiyyenin mikdârı mutavassî bulunarak anın yüzde ellisine müsâvî bir meblâğı müddet-i imtiyâziyyenin hitâmına kadar her sene sâhib-i imtiyâza ifâ idecek ve işbu tekasit-i seneviyyenin evkat-ı muayyenede te'diyesi taraf-ı Devletten te'mîn ve bu hususa dâir bir Mukavele-i mahsûse tanzîm idilecektir. Yolun Devlete teslimi ve eşyânın mübâyaası ve levâzîmât-ı mevcûdenin iştirâsı hususunda Şartnâmenin .... maddesinde gösterildiği vechile muâmele idilecektir.

On sekizinci madde: İmtiyâzin müddeti munkâzî oldukda Devlet-i Aliye sâhib-i imtiyâzin .... ile müteferriâtı ve âlât ve edevâtı üzerinde bulunan kâffe-i hukukunu hâiz olacak ve ..... ile müteferriâtının hasılâtından istifade idilecektir. Yol ile müteferriâtının Devlete teslimi ve edevât ve levâzîmâtın sûret-i mübâyaası Şartnâmenin .... maddesinde münderic ahkâma tâbi' olacakdır.

On dokuzuncu madde: Me'mûr ve müstahdemleri Hükümet-i Seniyyenin ta'yîn ve kabûl ideceği kiyâfette bulunacaklardır.

Yirminci madde: Sâhib-i imtiyâz nizâmât-ı mahsûsanâsına tevfîkan hareket itmek şartıyla timûryol civârında taharrî ve keşf-ideceği ma'denleri i'mâl idebilecek ve merbût olduğu Nezârete mürâaat iderek nizâmî dâiresinde hatta civâr olan ormanlardan hatab ve kömür ve kereste kat'ü i'mâli gibi muâmelâtta bulunmağa salâhiyyeti olacakdır.

Yirmi birinci madde: Devlet-i Âhiyyeti müryolun hutût-ı asliyyesiyle şubâbatının lûzûm göreceği mahallerinde istihkâmât inşâ idebilecek ve olbabda vukûbulacak masârif Devlete âid olacakdır.

Yirmi ikinci madde: Ameliyyât esnâsında zuhûr idebilecek âsâr-ı atika Devletce meyzû' nizamnâmesine tâbi' olacak ve fakat sâhib-i imtiyâz bu hususda istidâ virmek ve ruhsat almak mecbûriyyetinden müstağnî bulunacakdır.

Yirmi üçüncü madde: Sâhib-i imtiyâz her nevi' hâsilatın şehrî cedvellerini Nâfia Nezâretine takdîm idecek ve hâsilat defderlerini Şartnâmenin .... maddesinde gösterildiği sûrete tevfîkan tanzîm idilecektir.

Yirmi dördüncü madde: Esbâb-ı mücbireden ma'dûd bir mâniin zuhûru tahakkuk itmezsizin sâhib<sup>76</sup> müddet-i muayyene zarfında i'mâlâtâ mübaşeret itmediği veya başlayub da ikmâl eylemediği ..... ve ta'tîl eylediği veyâhut işbu mukâvelenâmeden münbaîs taahhûdât-ı sâiresini icrâ idemediği hâlde hukûk-ı imtiyâziyye sâkit olacak ve bu hâlde Şartnâmenin .... maddesinde gösterildiği vechile yolun muvakkaten işledilmesi için tedâbir-i lazîme ittihaz olunacak ve ameliyyât ve edevât ve levâzîmât müzâyedeye konulacak ve mevcûd olan kefâlet akçesi dahî tarafi Devletten zabit-idilecektir.

**Yirmi beşinci madde:** Sâhib-i imtiyâz Devletce lüzüm görinecek mevkiflerde timûryol ebniyesi derûnunda müfettiş ve gümrük ve posta ve zâbita me'mûrlarının ikametlerine muktażî odaları mecbûren tahsîs itmege mecbûrdur.

**Yirmi altıncı madde:** Sâhib-i imtiyâz masârifî kendûsine âid olmak üzere timûryol boyunca telgraf direkleri ve telleri rekz-idebilecek ve fakat bunları timûryola taallûku olmayan muhâberât-ı husûsiyyede istî'mâl idemiyecekdir. Devlet-i Âliyye yol boyunca bir telgraf hattı temdîd idecek olur ise sâhib-i imtiyâzin telgraf direklerine rabt-idebilecek ve bu direkler kifâyet itmediği takdirde yolun muâmelâtuna sekte getürilmeksiz kendû masârifîyle timûryol boyunca başkaca direkler rekz eyligecekdir.

**Yirmi yedinci madde:** Sâhib-i imtiyâz timûryola müteallik mektub ve çanta-larını Posta Nezâretine bir gûnâ reaim virmeksiz kendû vesâit-i nakliyyesiyle nakl-idecekdir.

**Yirmi sekizinci madde:** Gerek sâhib-i imtiyâz ve gerek makamına kaim olacak Anonim Şirketi Osmanlı olacağını bi't-tabî' işbu Mukavelenâme ile merbût Şart-nâmenin icrâ-yi ahkâmından ve te'vel ü tefsîrinden dolayı Devlet-i Aliyye ile sâhib-i imtiyâz veya Şirket beyinde veya sâhib-i imtiyâz ve Şirket ile efrâd-ı ahâli meyânesinde tahaddüs idebilecek her nevi' ihtilâfât ve deâvî işin âid olduğu mahâkim-i Osmâniyyede rü'yet ve fasl-olunacaktır.

Meclis-i Mahsus 3325. [Umûr-ı Nâfiâ Lef 7]

### ANONİM ŞİRKET NİZÂMNÂME-İ DÂHİLÎSİ LÂYİHASIDIR

Zîrde vâziu'l-imzâ ..... den ..... inşâsiyle idâre ve işledilmesi için ... tarihli Fermân-ı Âlî mücibince taraf-ı Devlet-i Aliyyeden .... verilen imtiyâz ve bilmuka-bele idilen taahhûdâtın icrâsiyçün şerâit-i âtiyyeye tevfîkan bir Anonim Şirket teşkil eylemişlerdir.

#### BİRİNCİ FASIL

##### SİRKETİN TEŞKİLİ VE MAKSADİ VE İSMİ VE MERKEZİ BEYÂNINDADIR

Birinci madde: Teâti olunan Mukaavele ve Şartnâme ahkâmına tevfîkan ..... inşâsiyle idâre ve işledilmesiçün zîrde ta'rîf olunacak hissedârân beyinde bir Osmanlı Anonim Şirketi teşkil olunmuştur.

İkinci madde: Şirketin ünvanı ..... olacak ve tâbi'iyyeti sıfatıyla tabît Devlet-i Aliyyenin Kavânîn ve Nizâmât-ı Umûmiyyesine tâbi' bulunacakdır.

Üçüncü madde: Şirketin merkezi Dersêadetde veya memâlik-i Osmaniyyenin sâir bir mahallinde olacak ve memâlik-i ecnebiyyede dahî şu'beleri bulunabilecekdir.

Dördüncü madde: Şirketin medenî ba'zi esbâbdan dolayı fesih veya müddeti temdîd kılınmak gibi bir hâl vukûa gelmedikce imtiyâz müddeti olan ..... seneden ibâret olacakdır.

#### İKİNCİ FASIL

##### İMTİYÂZIN ŞİRKETE DEVRI BEYÂNINDADIR

Beşinci madde: Sâhib-i imtiyâz sûretleri işbu Nizamnâme-i Dâhilîye melfûl olan Mukavele ve Şartnâme ahkâmınca bâ-Fermân-ı Âlî kendûsine virilen hukuk

ve taahhüdâti Şirkete devr-itmiş ve Şirket sahib-i imtiyâz sıfatını hâiz ve kâffe-i hukuk-u vezâifince anın makamına kaim olmuşdur. Binâen-aleyh sahib-i imtiyâz Fermân-ı Âlî ile imtiyâza müteallik kâffe-i evrâki Şirkete teslim itmege mecburdur.

Altinci madde: Şirketin sermâyesi ..... ibâret olup beheri ..... altun ... hisseye münkasemdir. Heyet-i umûmiyyenin işbu sermâyeyi yüzde elli derecesine kadar tezyît itmege salâhiyyeti olacakdır.

Yedinci madde: Şirket sermâyesinin temâmi imzâ ve yüzde onu istihsâl olunduktan sonra sûret-i katîyyede teşekkül itmiş add-olunacak ve takasîti mübeyyin muvakkat senedât virilecek ve sermâyenin nisfinin te'diyesinde eshâbî yedinde bulunan senedât-i asliyyeye tahvil idilecekdir. Şirketin hisse senedâtının bir tarafı Türkçe ve diger tarafı Fransızca veyâ sâir lisانلارla tanzîm olunacaktır. Sermâyenin bâki kalan doksanı Şirketin ihtiyâcâtına göre meclis-i idârenin kararıyle Dervezâdet ve sâir lâzım gelen mahallere elsine-i muhtelifede çikan resmî veyâ gayr-ı resmî ba'zı gazetelerle otuz gün evvel i'lân olunarak mütlââ olunacaktır.

Sekizinci madde: Hisseler bedelinin nisfi te'diye olununcaya degin senedât eshâbinin ismine muharrer olacak ve bedelinin yüzde onu te'diye olunmadıkça kâbil-i havâle ve fûrûht olamayacakdır ve bunların havâle ve fûrûhtu Şirketin defterine kayd-idilerek zîri bâyi' ile müsteri ve müdîrândan biri tarafından imzâ olunmağla icrâ olunacak ve keyfiyyet-i havâle ve fûrûhtu senetde dahi zîr ü işaret kilinacaktır. Bedelin nisfi te'diye olunduktan sonra senedât hâmiline âid olmak üzere muharrer bulunacaktır.

Dokuzuncu madde: Hisse senetleri Şirket nazarında kabil-i inkusâm değildir ve Şirket her hisse için bir sahib tanır. Bir hissedârin vâris veya dâyinleri hiç bir vesile ile Şirketin emvâl ve emlâkinin taht-i hacze vaz'ını taleb ve Şirketin umûr-i idâresine hiç bir vechile müdâhale idemez ve istifâ-yi hukuk için Şirketin sene muhâsebe defâtfâ ile Heyet-i Umûmiyyenin kararlarını kabûle mecburdurlar.

Onuncu madde: Evkat-i muayyenede takasîti te'diye olunmayan hisse senedâtının sâhiplerinden tehhürat-i vâkiadan dolayı ihtâr-ı keyfiyyete hâcet kalmaksızın taksitin hulûlü gündünden i'tibâren senevi yüzde altı hesâbiyle fâiz ahz-olunacaktır.

Onbirinci madde: Şirketin taksitleri vaktiyle te'diye idilmiyen senedât eshâbî aleyhine ikame-i da'vâ itmege ve hisseleri dahi satmağa salâhiyyeti olacakdır ve bu makule satılması lâzım gelen hisse senedâtının numaraları gazeteler ma'rîfetîyle neşrî i'lân olunarak târih-i i'lândan on beş gün sonra Şirket hiç bir günâ ihtâra ve muâmelât-ı adliyyeye mecbûr olmamak ve zarar ü ziyanı sahibine âid olmak üzere Dervezâdet ve .... mahallin borsalarında ve borsalarda henüz alınub satılması kabûl olunmamış ise müzâyede tarîkiyle hisseleri sattıracakdır.

Bu vechile fûrûht olunan senedât ibâret olunacak ve müsterilere eski senetlerin numaralarını hâvî olmak üzere yeni senedât f'tâ kilinacaktır. Şirketin matlubu tevkif olunduktan sonra fazlası satılan hisse senedâtının eshâbına i'tâ ve esmân-ı mezkûre Şirketin tesviye-i matlubuna kifâyet itmediği takdirde noksâm kendûsinden taleb ve istifâ olunacaktır.

#### ÜÇUNCÜ FASIL

##### ŞİRKETİN İDARE-İ DÂHİLİYYEST BEYÂNINDADIR

On ikinci madde: Şirketin umûr-u mesâlihi Hey'et-i Umûmiyye tarafından mansûb ve beşden on bire kadar a'zâdan mûrekkeb bir Meclis-i İdâreye ihâle olunacak

ve şu kadar ki ilk üç sene müddet için teşkil olunan Meclis-i İdâre Heyeti .... zatlardan ibaret olub tasdîk-i me'mûriyyetleri Hey'et-i Umûmiyenin tasvîbine arz olunmak lâzım gelmeyecektir.

On üçüncü madde: Üç sene müddet için ta'yîn olunan a'zânın müddet-i me'mûriyyetleri hitâm buldukdan sonra Meclis-i İdâreye intihâb olunacak a'zânın ilk teceddüdünde kur'a ile ve andan sonra kiDEM i'tibâriyle her sene bir veya ikisi çikarılark yerlerine âhari intihâb ve ta'yîn kilinacaktır. Şu kadar ki çikan a'zânın tekrar intihâbı câiz olacakdır.

On dördüncü madde: Meclis-i İdârenin ictimâi icâb-ı maslahata tâbi' olacak ise de ayda bir def'a toplanması lâbüddür. Muzâkerâtın mu'teber olması lâ-akal nusfindan ziyâde a'zânın bizzât huzûruna menûtdur. Meclis-i İdârenin kararları hazır bulunan a'zânın ekseriyet-i ârâsiyle mu'teber olur. Tesâvî-i ârâ vukuunda keyfiyyet içtimâ-i âtîye ta'lîk idilür anda dahî tesâvî-i ârâ yuku'bulursa mevzû'u bahs olan madde reddolunur.

On beşinci madde: Meclis-i İdârenin müzâkerâtı zabıt defterine kayd-olunur ve zîri reis ile hâzır bi'l-meclis bulunan a'zâ tarafından imzâ idilür. Zabtin sûreti veyâ bir fikra-i müstahrecesi mu'teber olmak için Reis veya Reis vekili tarafından inzâ olunmak lâzım gelür.

On altıncı madde: İdâre Meclisi a'zâsından hiç biri şirketin .... hisse sene-dâtına mâlik olması lâzım gelür. Senedât-ı mezbûre Şirketin sandığına tevdî'-olunacak ve müddet-i me'mûriyyetleri zarfında satılamayacaktır. Bunların üzerine fûrûhtu câiz olmadığını mübeyîn bir tamga urulacaktır.

On yedinci madde: Meclis-i İdâre a'zâsından bir veyâ birkaçının vefâti veya istîfâsi vukûundan veya sair bir sebebden dolayı bir veyâ birkaç a'zâ yeri münhal kalır ise Meclis-i İdâre anların yerine muvakkaten a'zâ ta'yîn idecek ve intihâb-i kat'î gelecek Heyet-i Umûmiyye tarafından icrâ olunacaktır.

On sekizinci madde: Meclis-i İdâre her sene işlerinden birini Reis ve Reis Vekili intihâb ider ve Reisin veya vekilinin gıyâbında vekâlet itmek üzere a'zâdan birini ta'yîn eyler.

On dokuzuncu madde: A'zâdan memâlik-i ecnebiyyede bulunanlar veya muvakkaten gaybûbet idenler esnâ-yı müzâkerâttâ kendülerine vekâlet itmek üzere a'zâdan birini ta'yîn idebilürler. Şu kadar ki vekâlet idecek a'zânın kendû re'yinden başka birden ziyâde re'yi olamayacaktır.

Yirminci madde: Meclis-i İdâre Şirketin umûr-u emvâlinin idâresiyün iktidar-ı tammi hâizdir ve bundan mâadâ sulh-olmak ve hakem ta'yîn itmek salâhiyyetine dahi mâlikdir ve hesâbâtını tanzîm ile Heyet-i Umûmiyyeye arz ve tevzi' olunacak temettüün miktârını teklif ider Meclisi İdârenin Refsi gerek müddeî ve gerek müddef-i-aleyh sisatiyle huzûr-u Mahâkimde bizzat veya bilvekâle vekâlet eyler.

Yirmi birinci madde: Meclis-i İdâre mevâdd-ı mahsûsa ve bir müddet-i muayyene için hâiz olduğu iktidârını kısmen veyhut temâmen a'zâsından bir veya birkaç zâta bâ-vekâlet-i mahsûsa ihâle ideceği misillû mesâlih-i câriyenin rüyet ve tesviyesi için hâricen dahi bir veya bir kaç zâti tevkîl eyliyebilür.

Yirmi ikinci madde: Meclis-i İdâre a'zâsi ahz-idecekleri hisse temettiâtından başka Meclisten hazır bulunacakları günler için bir ücret dahi ahz-ideceklerdir.

İşbu ücretin mikdâri Heyet-i Umumiyye tarafından ta'yîn kihnur:

**DÖRDÜNCÜ FASIL**  
**HEYET-İ UMUMİYE BEYÂNINDADIR**

Yirmi üçüncü madde: Süret-i muntazamada akd-i içtima' iden Hey'et-i Umumiyye bilcümle hissedârânın vekiliidir.

Yirmi dördüncü madde: Hey'et-i Umumiyye her sene şukadar zaman zarfında Meclis-i İdâre tarafından ta'yîn olunacak mahalde süret-i âdiyede akd-i içtima' ider. Bundan başka Meclis-i İdâre icâb ittikce süret-i fevkâl-âdede olarak Hey'et-i Umumiyyeyi da'vet idebilür.

Yirmi beşinci madde: Heyet-i Umumiyye vekâleten veya asâleten lâ-akal . . . hisseye mâlik olan bilcümle hissedârândan mürekkeb olacakdır. Heyet-i Umumiyyede gerek asâleten ve gerek vekâleten hazır bulunan hissedârânın her . . . hisse için bir r'eyi olacak ve şukadar ki . . . den ziyâde r'eyi olamayacaktır.

Yirmi altıncı madde: Da'vetnâmeler yevm-i içtima'dan lâ-akal bir mâh evvel . . . maddede beyan idildigi vechile gazetelerle flân olunacakdır.

Yirmi yedinci madde: Hey'et-i Umumiyye gerek asâletten ve gerek vekâleten Şirket sermâyesinin bir rub'una müsâvi hisse senedâtına mâlik hissedârlar hazır bulunur ise teşekkül itmiş addolunur Hey'et-i Umumiyyede hazır bulunacak hissedârânın mutasarrif oldukları hisselerin salîfû'z-zîkr bir rub'una müsavî olub olmadığı anlaşılmak üzere hisse senetlerini on gün zarfında Meclis-i İdâre tarafından irâe olunacak mahalle teslim itmeleri da'vetnâmelerde ihtâr olunacakdır.

İşbu Hey'et-i Umumiyyenin def'a-i ülâ içtimâsında hazır bulunan hissedârânın asâleten ve vekâleten hâmil oldukları hisse senedâtının mikdâri derece-i kîfâyede olmadığı halde Hey'et-i Umumiyye ikinci def'a olarak İçtimâa da'vet idilür. İşbu ikinci içtima'da hazır bulunan hissedârân hisselerinin mikdâri ne olursa olsun birinci içtima'da müzâkere olunmasına karar verilmiş olan husûsât hakkında icrây-i müzâkerât ideceklerdir ve bu vechile cereyân iden müzâkerât mer'î ve mu'teber olacakdır. Birinci içtima' ile ikinci içtima' beynindeki müddet on beş günden daha dün ve bir mâhdan ziyâde olmayacağı ve ikinci içtima'ın da'vetnâmeleri yirmi gün evvel icâb idenlere gönderilecektir.

Yirmi sekizinci madde: Hey'et-i Umumiyyede Meclis-i İdâre Reisi riyâset ider ve Reis mevcûd olmadığı hâlde Meclis-i İdâre azâsi içlerinden birini Reis vekâletine intihâb eyler ve Hey'et-i Umumiyyede hazır olub en ziyâde hisseye mâlik olanlardan iki hissedâr re'yî toplamak hizmetini ifâ ider. Heyet-i Umumiyye kâtibi Reis ile re'y toplamağa me'mûr olanlar tarafından ta'yîn olunur.

Yirmi dokuzuncu madde: Hey'et-i Umumiyyede müzâkere olunan husûsât ekseriyet-i ârâ ile karar virilir. Müzâkere olunacak mevâddin cedveli Meclis-i İdâre tarafından tanzîm idilir. İşbu cedvele dâhil olacak mevâd Meclis-i İdârenin teklifâtı ile Hey'et-i Umumiyye a'zâsından olub hâmil olduğu hisselerin bedeli şirket sermâyesinin lâ-akal yüzde . . . bâliğ olan hissedârân tarafından yevm-i içtimâ'dan lâ-akal

yirmi gün evvel vuku' bulacak teklîfâtdan ibâret olacaktır İşbu cedvele dahil olmayan husûsât Hey'et-i Umûmiyyede müzâkere olunamaz.

Otuzuncu madde: Hey'et-i Umûmiyye bîlcümle hesâbâtın tedkîki için gerek hissedârân ve gerek hâriçten bir veya müteaddid müfettiş ta'yîn ider.

Otuz birinci madde: Hey'et-i Umûmiyye Şirketin umûr ve mesâlihine dâir her sene Meclis-i İdâre tarafından takdîm olunan lâyiha ile hesâbâta dâir müfettişler tarafından virilen raporu kirâat ider ve bunları lede'l-müzâkere ya kabûl ve yâhut reddider ve Şirketin bîl-cümle umûru husûsâti hakkında bil-müzâkere karar-ı katî i'tâ ve Meclis-i İdârenin icâb eylerse iktidârını tevsi' eyler ve fakat Hey'et-i Umûmiyyede asâleten ve vekâleten Şirketin sermâyesinin lâ-akal sülüsânına müsavî hisseler eshâbinin ekseriyet-i ârâsi olmadıkça sermâyenin tezyîdine karar virilemez.

Otuz ikinci madde: Hey'et-i Umûmiyyenin zabtolunan müzâkeratı bir defter-i mahsûsa kayd ve zîri Hey'et-i Umûmiyye Reisi ile r'ey toplamağa me'mûr olanlar ve kâtib tarafından imzâ idilür Hey'et-i Umûmiyyenin her ictimânda hâzır bulunan hissedârânın esâmîsiyle ikametgâhim ve her birinin hâmil olduğu hisselerin mikdârını mübeyyin bir cedvel tanzîm ile mevcûd olanlar tarafından imzâ idilüb zabit defterinin o günü varakasına rabt ve taleb vukû'unda alâkadârâna tebliğ olunur.

Otuz üçüncü madde: Li-ecli'l-ictima' ibrâz olunacak Hey'et-i Umûmiyyenin zabit sûreti veya fikarât-ı müstahrecesi Meclis-i İdâre Reisi veya vekili tarafından imzâ idilir.

Otuz dördüncü madde: Hey'et-i Umûmiyye tarafından işbu Nizâmnâme ahkâmina tevfîkan virilecek kararların kabûlü gaib olan veya muhâlif rey'de bulunan hissedârân için dâhf mecbûridir.

#### BEŞİNCİ FASIL

##### HESÂBÂT-I SENEVİYYE VE MÜFREDÂT DEFTERİ BEYÂNINDADIR

Otuz beşinci madde: Şirketin sene-i mâliyesi Kânunu-sânî i'btidâsında bed' ile Kânunu-evvelin otuz birinci günü hitâm bulur. Fakat birinci sene-i mâliye müstesnâ olarak Şirketin sûret-i katîyyede teşkili târihi ile ertesi Kânunu-evvelin otuz birinci günü beynindeki müddeti şâmil olacaktır. Meclis-i İdâre her sene nihâyetinde Şirketin matlubât ve düyunâtını hâvi bir defter-i umûmî tanzîm ve işbu defter ile muvâzene defterini ve hesâbâti Hey'eti Umûmiyyenin ictimâından kırk gün evvel müfettişlere irâe ve tebliğ idecek ve hîyn-i ictimânda takdîm eleyecekdir. Hey'et-i Umûmiyyeye dâhil olmak salâhiyyetini hâiz olan her hissedâr mezkûr defterleri ve hesâbâti mûtâlâa ve muâyene idebilir.

#### ALTINCI FASIL

##### TEMETTUÂTIN SÛRET-i TAKSİMİ VE RE'SÜL-MÂLE MÂHSÜB AKÇE BEYÂNINDADIR

Otuz altinci madde: Şirketin temettüât-ı sâfiyye-i seneviyyesinden evvelâ bilâ istisnâ hisselerin cümlesiñe fâiz olarak yüzde ..... sâniyen ihtiyat akçesini teşkil itmek üzere yüzde ..... ifrâz olundukdan sonra küsûrunun yüzde ..... mütesâviyen müdîrânâ ve yüzde ..... hisse-i temettü' nâmîyle hissedârâna tevzi' idilür.

Otuz yedinci madde: Heyet-i Umûmiyye hisse senedâtının her sene bir mikdârı

kur'a keşidesiyle tedâvülden alınmak üzere hasılât-ı sâfiyeden her sene yüzde ..... mikdâr akçenin ifrâzına karar virebilür.

Ve şu hâlde kur'a isâbet iden hisse senedâtu için kemâkân hisse-i temettü' virilecek ve fakat fâiz i'tâ olunmayacaktır.

**YEDİNÇİ FASIL**  
**İHTİYAT AKÇESİ BEYANINDADIR**

Otuz sekizinci madde: Otuz altıncı madde mucibince temettüât-ı seneviyyeden müfrez yüzde ..... mikdârdan hâsl olacak ihtiyat akçesi fevkâlâde ve gayr-ı melhûzeye karşılık tutulacak ve işbu akçenin mikdârı Şirket sermâyesinin öğrüne müsâvi bir raddeye bâliğ olduktâ ihtiyat akçesi ifrâz olunmayacaktır.

Otuz dokuzuncu madde: Hasilat-ı seneviyye hisse başına yüzde ..... fâiz i'tâsına kifâyet itmediği takdirde noksâni ihtiyat akçesinden ikmâl idilebilecektir.

Kırkinci madde: Şirketin inkızâ-yı müddetinde bi'l-cümle teahhûdâtı ffâ ve hesabâti kat' ü tesviye olundukdan sonra ihtiyat akçesi bilcümle hissedârân beyninde taksim olunacaktır.

**SEKİZİNCİ FASIL**  
**ŞİRKETİN TEMDİD-İ MÜDDETİ VE FESİHİ VE KAT'İ**  
**MUÂMELÂTİ BEYANINDADIR**

Kırk birinci madde: Meclis-i İdâre her ne vakit ve her ne sebeb ile olur ise olsun hey'et-i umûmiyyeyi ictimaa da'vetle şirketin temdîdini veya fesih' ile kat'ı muâmelâtınıveyâhut sâir şirket ile birleşmesini teklîf idebilir. Şu kadar ki temdîd-î müddet ile Şirketin sâir şirket ile birleşmesi maddeleri Hükûmet-i Seniyye'nin ruhsâtına mütækifdir.

Kırk ikinci madde: Meclis-i İdâre Şirket sermâyesinin üç rub'u zâyi' olduğu hâlde Şirketin feshine veya devâmına karar virmek üzere hey'et-i umûmiyyeyi da'vet ider.

Kırk üçüncü madde: Şirketin müddeti munkazî olduktâ veya müddeti teknil olmaksızın fesih olundukta ictimâ' iden hey'et-i umûmiyye Şirketin suret-i kat'ı muâmelât ve hesabâtına karar virecek ve kat'ı hesâb için bir veya birkaç me'mûr ta'yîn idecektir. Hey'et-i umûmiyye Şirketin mevcut olduğu zamanlarda olduğu gibi kat'ı muâmelât esnâsında dahî iktidâr ve salâhiyyeti istî'mâle devâm eyliyeciktir. Kat'ı muhâsebe me'mûrları Heyet-i Umûmiyyenin kararı ve Hükûmet-i Seniyye müsâadesi ile Şirket-i mefsûhanın hukuk ve senedât ve taahhûdâtını diger bir Şirkete veya âhar bir kimseye devr-ü ferâg idebileceklerdir.

Kırk dördüncü madde: İşbu fasîh hâvi olduğu maddelerde gösterilen husûsâta karar virmek üzere da'vet idilecek Hey'et-i Umûmiyyede Şirket sermâyesinin lâ-akal nusâfîna müsâvî hisse senedâtını hâmil hissedârân hazır olmadıkça cereyan idecek müzâkerât makbul ve mu'teber olamaz.

**TURUK-I MAÂBİR MÜDÜRÜ MÖSYÖ GALAN TARAFINDAN  
10 HAZİRAN 96 TARİHİYLE TANZİM OLUNAN TAKRİR TERCÜMESİDİR\***

Izmitden Bağdada kadar bir timûryol inşâsına dair olan bir Lâyiha etrafıyle mütlâa ve olbâbda tetkîkât-ı muktâziyye icrâ olunmuşdur. Lâyiha-i mezkûrede görülen esâsa göre hatt-ı mezkûr ahâli-i memleketin muâveneti ve Bâb-ı Seraskerî ma'rifiyle inşâ kılınması münâsib idügi der-meyân olunmuş ve masârif-i inşâiyyesi on dört milyon lîrâ-yi Osmâni tahmin idilmiş ve bu hâlde mecmû-u tûlü iki bin üç yüz kilometreden ibâret olan hatt-ı mezkûrun beher kilometresinin masârif-i inşâiyyesi yüz kırk bin frank olacağı ve timûryolun inşâsiyün muktezi olan mebâliğin tedâriki zâmnunda beheri birer lîrâ-yi Osmâni olmak ve senede iki bin hisse çıkarılmak üzere yedi sene zarfında on dört milyon lîralık tahvilât meydan-ı tedâvüle çıkarılmak lazıim geleceği ve senedât-ı mezkûrenin bir kısmı Me'mûrin-ı Devlet tarafından beher sene bir maaş terk olunarak yedi sene zarfında iştirâ idilmesi ve mütebakîsi dahi herkesin serveti nisbetinde ahâli tarafından iştirâ olunması ve mezkûr tahvilât bedelinin yüzde üç veya beş fâiziyle ilerûde işletme hâsilatından tesviye kılınması ve taraf-ı Hükûmet-i Seniyyeden i'tâ-yı ruhsat idildiği takdirde inşaat-ı mezkûre Erkân-ı Harb Hey'eti idaresinde olarak Asâkir-i Şâhâne ma'rifiyle icrâ ittilârmasi ve hariçden celb olunacak hey'et-i fenniyyenin zâbitân-ı askeriyye maiyyetinde bulundurulması ve hattın gerek te'sîsine ve gerek işledilmesine muktezi olacak edevât-ı sâbite ve müteharrikenin Avrupa'dan celbolunması icâb eyliyeceği anlaşılmışdır.

Netice-i tetkîkaat ve mülâhazâta nazaranı şu sûret-i teklîf maksad-ı medâr görilememiştir Vâkiâ Izmitden Bağdada kadar olan hat güzel şerâit ile inşa idilir ise kilometre başına yüz kırk bin frankdan yüz eli bin frank ile yapılacağı ya'nî mecmû-u tûlü iki bin üç yüz kilometre olduğu hâlde mecmû-u masârifin yekunu on dört on beş milyon lîradan ziyâdeye bâliğ olamayacağı muhakkakdır.

Lâkin şurası da sâbitdir ki Izmitden Sakaryaya ve Mudanyadan Bursaya kadar icrâ-idilen i'mâlâtda ve Sofya timûryollarında kabûl olunan usûle tevfîkan emâneten inşâ-idilecek inşââtın masârifî bâliğ gösterilen mebâliğin iki misline bâliğ olur Bu iddiâya delîl olmak üzere şurası arz olunur ki Izmitden Sakaryaya kadar olan kisım için vukû'bulan masârif inuhâsebece (314.000) lîrâ-yi Osmâni gösterilmiş olduğu hâlde hakikaten icrâ olunan ameliyyât ancak (125.000) lira ve Mudanyadan Bursaya kadar olan bat için muhâsebece (135.000) lira gösterilmiş ise de ameliyyâtın kıymet-i hakâkiyyesi ancak (92.000) liraya velhâsil Sofya ciheti timûryollarıçun dahi (868.800) lira sarf-idilmiş ise de icrâ olunan ameliyyâtın kıymet-i hakâkiyyesi ancak (510.000) lira tahmin idilür. Bu hâlde hutût-u mezkûre emâneten yapılmış olduğundan masârif-i inşâiyyesi kıymet-i hakâkiyyesinin iki misli derecesine bâliğ olmuştur.

Ya'nî Izmit ve Mudanya ve Sofya hatlarında icrâ idilen tecrîbeler bu misillî inşââtın emâneten yapılmasının mazarratını tamamıyla meydana koymuşdur. Hattâ bu gibi cesîm inşâât-ı umûmiyyenin emâneten inşa idilmesi usûlünden Avrupa'da bile çokdan berâ sarf-ı nazar idilmişdir. Inşâât-ı mezkûre Hükûmet-i Seniyyenin taht-ı

\* Bu takrir tercumesinin aslı 10. Haz. 96 tarihli olup bundan önce sıraya konulan ba'zı vesikalardan önce yazılmış bulunmaktadır. Ancak; içindeki, gerek Hasan Fehmi Ef. (Paşa)nın, incelediğimiz Lâyihasunda, gerek bu lâyihayı tetkîk eden dörtlü Komisyon mazbatasında söz konusu olan hukûller-daki mutâlâaları ve ayrıca imzâ sahibinin de bu dörtlü komisyonda yer almış olması sebebiyle -eserin sıralanmasında- bu takrir tercumesine burada yer verilmiştir. C. D.

nezâret ve idâresinde olarak bir mücerreb müteahhid icrâ idilüb masârif-i inşâyyesi mebâliğ-i muhâmmeneyi tecâvüz itmiyeceği farz idilse bile on dört milyon liralık tâhvîlâtın meydân-ı tedâvülde bir hüsн-i netice ile iştirâya rağbet bulunması umûr-ı müşkileddendir Zira Me'mûrin-i Devletin yedi sene mütevâlien senede birer maâşlarının terk' idilmek fedakârlığı taleb olunamayacağı gibi ahâli dahi muhârebe-i ahîrede fevka'l-had fedakârlıklar iltiyâr itmiş olduklarından tekâlif-i âdiyeden mâadâ böyle bir mebâliğ-i külliyyenin tedârikine iktidâri kalmadığı aşikârdır. İnşaât-ı mezkûrenin Asâkir-i Şâhâne ma'rifiyle icrâsı meselesine nakl-i kelâm idilince ba'zi hâitura arz olunur.

Şöyledi ki ve evvelâ mecmû-u masârif olan on dört milyon liranın yedi milyon lirası sîrf amele yevmiyesi olub bâki kalan yedi milyon lira dahi âlât ve edevât ve bilcümle levâzîmât ve bunların nakliyyâtı ve masârif-i umûmiyesinden ibârettdir.

Sâniyen Cezâyirde icrâ idilen inşaât-ı umûmiyyeden bir kîsm-ı a'zâmu neferât-ı askeriyye ma'rifiyle icrâ ittilâdikte yevmiye beher nefere elli santim virildiği hâlde âdî rencberler ma'rifiyle yapılan ameliyyâtdan zâid hiçbir muhassenâtu görülmmediği tahakkuk itmiş ya'nî bir neferin yevmiye meydana getirdiği iş ancak elli santim kıymetinde olduğu ve bu halde yedi milyon lira senede kırk altı yevmiye hesâbiyle yedi sene zarfında üç yüz yirmi milyon nefer yevmiyesi icâb ittirecek ve bundan başka şîta ve eyyâm-ı mahsusâ münâsibetiyle senevi nihâyet üç yüz günden ziyâde işletilemeyecekdir. Bu takdirde yedi sene mütemâdiyen mahall-i ameliyyâtda hasta olanlar ve bekçiler ve sâire dâhil olmadığı hâlde yüz elli bin nefer mevcûd bulundurmak icâb idecekdir. Asâkir-i merkûmenin techiz ve sâire masârifi dahi ayrıca Hazîneye bâr olacakdır. Çünkü bir neferin masârif-i yevmiyesini kapatmak için elli santim kifâyet itmez. Husûsiyle asker ma'rifiyle icrâsı kabil olmayan i'mâlât-ı sinâiyye için lâzım gelen mebâliğden mâadâ hattin te'sîs ve işledilmesine muktażî olacak âlât ve edevât-ı mütehârikе ve sâbitenin cümlesi ve i'mâlâtın icrâsiyün lâzim olan âlât ve edevâtin bir kîsmî memâlik-i ecnebiyyeden mübâyaa ve celb idilmesi zarûri olduğundan kilometre başına altmış bin frank hesâbiyle mecmû-u tâlî iki bin üç yüz kilometreden ibâret olan mezkûr hat için altı milyon lira kadar bir akçe dâhil-i memâlikde nukûdun fîkdânu derece-i nihâyeeye varmış olan bir zamanda memâlik-i ecnebiyyeye gönderilmesi lâzım gelür ki bu da pek ziyâde şâyârı dikkatdir.

Hulâsa-i kelâm inşaât-ı mezkûre emaneten inşâ idildigi takdirde vukû'-bulacak masârif-i muhammenenin mikdâri tecâvüz idecegi şöyledi dursun şu tasavvur mevkî'i fiile getürlidigi hâlde netâyic-i âtiyyeyi intâc idecekdir:

Evvelâ hatt-ı mezkûr Lâyiha-i mezkûrede gösterilen sûretle inşâ idildigi hâlde Me'mûrin-i Devlet ve ahâlîye iktidârlarının mütehammil olamayacağı bir niertebede bir bâr-ı azîm tâhîf idilmesi.

Sâniyen inşaât-ı mezkûre neferât-ı askeriyye ma'rifiyle icrâ idildigi takdirde yedi sene mütemâdiyen hat üzerinde yüz elli bin neferden ziyâde mevcûd bulundurulması ve bunların techizât ile masarif-i sâiresi Hazîne-i Devlete bâr olması.

Sâlisen Memâlik-i Osmaniyyenin müzâyaka-i mâliyyesi meydanda iken altı milyon liranın memâlik-i ecnebiyyeye ihrâc idilmesi lâzım gelür. Mârelbeyân müttâlât-ı âciziden müstebân olacaği vechile Lâyiha-i merkûmede gösterildiği sûretlerle ya'nî muâvenet-i ahâli ile Izmitden Bağdada kadar bir timuryol inşası mümkün olamayacağı hasebiyle ehemmiyeti der-kâr olan işbu teşebbüs-ü azîmeye bir hüsн-i netice vîrmek için icâb iden sermâyedârâna mürââaat idilmesi iktizâ ider.

**Meclisi Mahsus 3325 (Umur-i Nafia Leffi 9) \***

Umur-i nafia ve ticaret ve zirâat ve sanâyiin esbâb-ı terakkiyyât ve islahâtını tecârib-i vâkia ve fenn-i kaide tahtında müzâkere ve tetkik ve olbâbda iktizâ iden Mazbata müsâraaten tanzim ve takdîm kılınmak üzere müteallik buyurulan İrâde-i Seniyye-i Cenâb-ı Pâdişâhî mantûk-ı münifi vechile teşkil olunan Komisyon Nâfia Dairesinde bil'ictima' sûret-i teşekkülünü mutazammin Tezkere-i Sâmiye kırâ'et ve mütâlâa ve iktizâ-yi maslahat-ı Devletin hâl-i hazır-ı mâlisi ve memleketin servet ve istî'dâd-ı tabîisi nazar-ı dikkate alınarak arız ü amâk müzâkere olundu.

İşbu Tezkere-i Sâmiye ve İrâde-i Seniyye hükm-i celilince tetkik ve müzâkeresi lazımlı gelen dört kısım mes'ele-i esâsiyyeden Ticâret ve Zirâat ve Sanâyi' ile Orman ve Maâdine dâir olan aksâmın tetkikat ve müzâkerâti bir takım tâhkîkat ile berâber bu yolda mütefennin ba'zi erbâb-ı ma'lûmât ve tecrübeının celbyile istülaâta mütevakkif olduğundan bunun başkaca muktezâsına teşebbüslü olbâbda istihsâl idilecek ma'lûmât ve virilecek karar üzerine arz-ı keyfiyyet olunmak üzere hâricden iktisâb-ı ma'lûmâtta muhtâc olmayan ve her bir levâzımı Nâfia Nezâretince mevcûd bulunan umur-i nafia kısmının İrâde-i Seniyye dairesinde tetkik ve müzâkeresine ibtidâr idildi.

Memâlik-i Mahrûse-i Şâhânenin umur-i nâfiaca olan ihtiyâci olderece taayyün itmiş ve bu yolda her türlü tedâbir ve lâzım ise her nevi' fedâkârlığın ihtiyâri nice zamandanberî müteaddit hey'et ve meclislerde mevzû-u bahis olmuş ve ale'lhusûs Nezâret-i Mûşârü'l-leyhâ tarafından 24 Mayıs 296 tarihinde Cânib-i Bâbiâlîye arz ve takdîm kılınan Lâyîha ve Takfirde derece-i lüzüm ve vücûbu olmertebe irâe ve izah olunmuştur ki işin bu cihetini mevki-i bahse koymağâ kat'iyen hâcet kalmamış olduğundan Komisyonca yalnız bu gibi ameliyyât-ı nâfianın ne tarîk ve tedbîr ile hâsil olacağının mübâhesesine hasr-ı esfâr olunarak bu bâbda cereyan iden müzâkerât ve mütâlâât neticesinin arzına ibtidâr olunur. Şöyledi ki:

Umur-i nafia şose ve köprü ve timûryol ve kanal ve liman ve rihtum inşaâtiyle nehir ve bataklıkların tâthiri gibi başluca altı kısım ameliyyâtından ibâretdir.

Bunlardan birinci kısımı ya'nî şose yol ve köprülerin tanzim ve inşâsiyünün berâzâm-ı mahsûs olduğu gibi tecârib-i vâkia üzerine yine nizâm-ı mezkûr dairesinde taksîm-i ameliyyât usûl-ü tesrî' husûl-i maksada pek büyük medarı olub ahâlinin dahî bu sûretden memnûn kaldığı anlaşılarak şu yolda Nâfia Nezâretince idilen teşebbüslü ve muahhareni Bâbiâlnin tensîbi üzerine virilen ta'lîmât mûcibince inşaâtına kemâl-i germî ile devam olunmakda bulunmuş olduğuna ve şu hâle göre şose yol ve köprülerin terakki-i i'mâlâtı için başka bir tarîk ve tedbîr taharrîsine lüzüm olmayub eger bu bâbda yapılacak bir şey var ise o da nizâm ve usûl-i mezkûre dairesinde her vilâyetin sunûfa münkasem olan tertip cedveli mûcibince inşaâtına vülât-ı izâm ve mütesarrîfîn-i kirâm mecbûr tutularak bu yolda vesâyâ-yi müessire derciyle kendülerine evâmir-i muktâziyyenin i'tâsından ibâret kalacağına binâen olvechile ifâ-yi muktezâsi menût-ı re'y-i âldidir.

Şu kadar var ki ba'zi mahallerde şose ameliyyâtının ziyâde ağır ve pek çok i'mâlât-ı sinâiyyeye muhtâc olması ve nizâmen icrâ-yi ameliyyâtla mûkellef olan ahâli nüfû-

\* Sonunda Hasan Fehmi, Râif, Sibâlî, Galan imzalarını taşıyan bu yazı; H. Fehmi Paşa'nın Lâyîhasını inceleyen Komisyonun raporudur. C. D.

sunun miktârı ameliyyât-ı matlûbeyi icrâya gayr-ı kâfi bulunması gibi ahvâle tesâdîf olunur ve diger tarafdan tarîk-i mezkûrun gerek ticâret ve gerek tevsî-i dâire-i zirâatce lüzüm ve ehemmiyyeti mülâbesesiyle inşâsı läbûd görülür ise o makûle yolların her memâlik-i mütemedinede cârî-olduğu üzere münâsib ücret-i mürâriyye alınmak ve araba işletmek üzere bir müddet-i imtiyâziyye ile Osmanlı Şirketlere ihâle olunarak ve olveçhile inşâ ittirilerek emr-i zirâat ve ticâretin tatilden vikâye ve muhâfaza idilmesi ve Devlet ü memleketin menâfi icâbindan olmağla burası dahî ilâve ve ihtâr kilmur.

Timûryol ve kanal ve liman ve rıhtımlar inşaatiyle tathîr-i enhâr gibi i'mâlât-ı cesîme ve mühimmenin icraâtu bahsine gelince işbu ameliyyât-ı cesîme için bütün memâlik-i mütemedinede cârî olan kaide ma'lûm ve bizce dahi bütün âlemîn tecrûbe ve tetkîkinden geçerek kabûl olunmuş olan usûl ve mesleğe iktizâdan başka tarîk bulunamayacağı meczûm ise de bu bâbda deverân iden eskâr ve mülâhazâta karþı işbu kavâid-i umûmiyyeye ittibâ' idihivîrmiş olmamak için bu maksadın memleketimizce başka ne gibi turuk ve vesâit ile husûli mümkün olacaðının düşünülmlesi vecîbe ve farîzadan addolundu. Çünkü bu işlerin doğrudan doğruya Hazine-i Devletten yapılıması veyhâut asker istihdâm olunarak inşâ idilmesi veyhâut halka bir teklîf-i mahsûs tahmîliyle i'mâl kılınması veyhâut surf memleketin servet ü sermâyesi ile icrâ idilmesi gibi bir takım vesâit ile istihâl-i maksat olunabilecegine kail ba'zi fikirler bulunaþabileceginden şunların birer birer derece-i imkânını muvâzene ve muhâkeme ile isâbet ve istikamet-i maslahatı irâ'e ve isbât itmek lâzimedен görünür.

Suver-i muharrereden birincisi ki bu misillû ameliyyâtın doğrudan doğruya Hazine-i Devletten yapıldırmasıdır. Şu sûret hiç bir memâlikde temâmiyle düstûru'l-amel tutularak semere-i matlûbe istihsâline hizmet idememiş olduğu cihetle hemâن metrûk hükmünde olmasından ve böyle inşaât-ı cesîmenin idâreli hesâbâtının hakkıyle rû'yet ve testîş idilebilmesindeki imkânsızlıktan ve her nerede bu tarîke gidilmiş ise bire bir fazla masraf idilerek zararlı çikıldığı bi't-tecrûbe sâbit bulunmasından kat'ı nazar vazifeten Hükûmetle emr-i ticaretin ictîma' idememesi kaide-i külliyyesine ve ale'l-husûs hâl-i hazînenin o misillû i'mâlât-ı müteaddide ve cesîmenin icraâtına lâzım gelen mebâliğ-i külliyyeyi tedârike maddeten gayr-ı müsâit bulunmasına nazaran bu tarîk ve tedbîrin husûl-i maksada kat'iyen hizmet idemeyecegi zâhir ve ayândır.

Ameliyyât-ı mezkûrenin asker vâsîtiyle icrâsi tasavvuruna nakl-i kelâm olununca bunun şekli bâdi-i emirde husûl-i maksada nekadar muvafik gibi görünür ise inde't-tahkîk tatbîkatı olkadar mübâyin bulunur Ez-ân-cümle her nevi' ameliyyâtın asker vâsîtiyle icrâ olunamayacığını ve bu cihetle asker istihdâmından hâsil olacak istifâdenin gâyet mahdûd ba'zi ameliyyâta münhasır kalacaðının isbata lüzüm görilemez.

Hattâ şu dâire-i mahdûde içinde Baþdad hattının asker vâsîtiyle inşâsı tasavvur olunarak buna dâir bir Lâyiha virilmiş ve olbâbda icrâ idilen tetkîkat-ı fenniyye ve muvâzene neticesinde şu mülâhazanın kabil-i icrâ olmadığı ve kabil-i farz olunsa inde'l-hesâb Devletin bu yolda bir Kumpanyaya virecegi akçeden pek çok ziyâde lira sarf itmesi lâzım gelecegi taayyün itmiş olduğundan bu yolda icrâ idilmiş olan tetkîkat ve muvâzenenin hulâsaten dercinden ise imkânsızlığın derecesi ma'lûm olmak ve fikirlerde bir gûnâ tereddüde mahal kalmamak üzere olbâbdaki takrîr sûretinin takdîmi münâsib görülmüştür \*.

\* Takrîr sureti, 10. Haziran. 96 tarihli olup eserimizde, bu Komisyon mazbatasından önce suraya konulmuştur.

Halkı mükellef kilmak hususuna gelince bunun yâ bedenenveyâ mâlen olması lazımlıdır. Halbuki halk şose yollarının i'mâlatı için her iki suretle mükellef olduğu hâlde bir de timûr yol yapmak ve kanal açmak ve liman tanzîm ve inşâ itmek gibi i'mâlat-i cesîme için dahi mükellef tutulması da ne mümkün ve ne de kabilü'l-icrâdir.

Dördüncüsü memleketin servet-i umûmiyyesine mürâcaatle ya'nî millî şirketler teşkiliyle lazımlı gelen sermâyenin tedâriki ve bu vâsita ile inşaât-ı matlûbenin hayyîz-i husûle getürilmesidir.

Vâkiâ memleketin iktidâr-ı mâlisi maddeten bu maksadın husûlüne kâfil olsa şu tarik eslem gibi görünür ise de ne çare ki sermâye-i matlûbenin münhasırın bu memlekette tedâriki nâ-kabil olduğu gibi ba'zi zengin memlekelerde bu yola gidilmeyüb şu misillû ameliyyât için alel-İtlâk sermâye-i umûmîye mürâcaat olunmakta bulunduğuna binâen bu sûretin maddeten imkânsızlığı ve ilm-i tedâbir-i mâlî esaslarına bil-külliyye muğayereti müsellemdir. Bu takdirce husûl-i maksadın te'mîni bütün âlemde cârî ve mer'sî olan kaide-i umûmiyyeye tevfîkan anonim şirketler vâsitasıyla sermâye-i umûmîye mürâcaate münhasır kalacağından Komisyonca şu esâs ve kaide-i umûmiyye dâiresinde idâre-i efsâr ve müzâkerât ile hukuk ve menâfi-i Devletin te'mîn idilmesi lazımgelür ise de işbu anonim şirketlerin esas ve mahiyyetleri ve menfaatlerine bedel mazarratları hakkında bir takım ihtilâf-i efsâr mevcûd olduğuna ve bunların mazarrâtı tarafından bulunan fikirlerin en ziyâde istinâd ittikleri nokta memâlik-i Osmâniyyede uhûd-i kadîmenin vücûdiyle ba'zi bu misillû şirketler yüzünden görülen müşkilâta münhasır olub bu ise hakikaten şayâni dikkat ve tetkîk bir madde-i esâsiyye idügine binâen bu bahse girişilmezden evvel bu bâbda olan mülâhazât ve mütâleâtın arz ve tafsîline ibtidâr olunur.

Vâkiâ bütün memâlik-i mütemedînede muhâyyer-i ukûl-i beser olan bunca ameliyyât-ı nâfia ve cesîmeyi vücûde getirerek husûl-i saâdet ve tezyîd-i servet ve menfaati mûcib bulunan anonim şirketlerinin burada bilâkis memleketcé dâ'i mazarrât ve müşkilâta olduğunu esâsen teslim itmek mümkün olmadığı gibi min-cihetin ba'zi müşkilâta tesâdûf olduğu dahi kabil-i inkâr degildir. Fakat bunda aranılacak bir nokta-i mühimme vardır ki o da şu teslim olunan müşkilâta anonim şirketlerinin ve ve uhûd-i kadîmenin vücûdundan mı münbaş olmuş yoksa bu bâbda Hükûmetce lazımlı-ittihâz olan tedâbir-i ihtiyâtiyyenin gözedilememesinden ve bu şirketlerle akâd-olunan mukavelenâmeler bu memleketin kavâid ve usûlüne tevkik olunmamasından mı ilerî gelmiştir. İşte burasının hallü tetkiki ile hâkîkât meydana çıkar.

Eger vücûdları zuhûr-i müşkilâta sebep olduğu iddiâ olunan şirketler nazara alınacak olur ise bunları evvelâ Osmani olmayub ecnebi şirkeleri olduğu cihetle Hükûmetle şirket beyinde bir ihtilâf zuhûrunda şirketin tâbiyyeti ve uhûd-i kadîmenin müsâadesi icâbınca sefâret tarafından müdâhele vukûa gelmesinden ve sâniyen bu gibi şirketlerin hîyn-i in'ikadında tanzîm olunan mukaveleler o yolda olan noksanî-i tecrübe ve ma'lûmât sâikasiyle key'fe-mettefak yapılib veyâhut tâlibler tarafından irâ'e olunan mukaavelenâmenin hâvi olduğu ba'zi dekaâik-i mühimmenin erbâbı ma'rîfetîyle tetkîk ittilmeyüb sathîce kabul ve tasdîk olunavirmesinden ve husûsiyle hakem usûlünün kabûl olunmasından ilerî geldiği bedâheten görülür.

Hâl böyle olunca şu mahzurlar Hükûmetin kendi kabûl ve ihtiyâriyle vücûde gelmiş olup yoksa vukûu iddia olunan mahâzîrin mücerred anonim şirket esâsından ve uhûd-i kadîme vücûdundan münbaş olmadığı zâhîrdir.

Bu takdirde bütün memâlik-i mütemeddinede anonim şirketlerden nasıl istifâde olunur ise buraca dahî ber-minvâl-i muharrer mazarrât ve müşkilâti def<sup>1</sup> ve fâidesi ibkâ olunmak için bir tarîk bulunması iktizâ ider ki o da ba'demâ Memâlik-i Osmâniyyede teşekkül idecek her nevi' anonim şirketin Osmanlı ve Kavânîn ve mahâkim-i Devlete tâbi' bulunmasının şart ittihâz olunması ve bunun hâricinde hiç bir anonim şirket teşekkülüne müsâade olunmaması Hükûmetin her imtiyâz sahibi için başka bir şart-ı mukavele tanzîmiyle bunun arasından bir 'takım hatîâta uğrânlırmamak ve Devletin ale'l-îtlâk imtiyâz i'tâsi hususunda makâsid ve matâlib ve şerâiti neden ibâret olduğu herkesin ma'lûmu olub erbâb-ı fen ve sermâye bu esasları kendû maksat ve menfeati ile muvâzene<sup>2</sup> ve tatbîk iderek kabûl ittiği halde ö esas-ı müttehizeye tevfîkan muâmele-i lâzîme<sup>3</sup> ifâ ve yedine iktizâ iden İmtiyâz Fermân-ı Âlisi i'tâ kihnmak üzere ekser devletlerce câri olan kaideye tevfîkan anonim şirketlerinin sûret-i teşekkülüne ve her nevi' ameliyyât-ı cesîme ve nâfia imtiyâzât ve inşaâtına dâir başka başka şart ve mukavelenâme<sup>4</sup> tanzîm olunarak bunlar Devletce bi't-tetkîk kabûl ve tasdîk idildikten sonra bir nizâm ve kaide şeklinde i'lân olunması ve bunun hâricinde hiç bir sûretle tağyîr esâsi ile diger mukavelenâme tanzîminin kat'îyyen taht-ı memnûiyete zîhnâsi sûreti def'i müşkilâti ve mahâzir ve sermâyedârânın celb-i rağabâti ile tesrif-i ümûr-u nâfia için en müessir ve kat'î bir tarîk olduğuna karar virilmiş ve olbâbda tanzîm kilinan üç kî'a lâyiha leffen arz ve takdim olunmuşdur\*.

Bâlâda muharrer umûr-i nâfia envâî'ndan beşinci enhâr ve bataklıklar ve göllerin tathîfi maddesidir. Bir veyâ birkaç şahsnün müñferîden veyâ müctemian birkaç bin dönüm bataklık ve gölleri tathîr iderek zirâate sâlih bir hâle getürdikleri takdirde meydana çıkmış oldukları arâzînin hakk-ı tasarrufu bilâ-bedel kendilerine i'tâ olunması lâzîm geleceginden bu esâsin mevkî-i icrâya vaz'idilmesi ve şu kadar ki ba'zi cesîm bataklıkların kurudulması mutlaka müteahhitler vâsîtasıyla ve cesîm kanallar açmak ve sedler yapmak gibi inşaâtı servet-i umûmiyyenin yardımî ile ve erbâb-ı fen ma'rîfetiyle vücûde gelebileceginden bu misillû bataklıklar ve cedâvil ve enhârin bâlâda ittihâzî arz ve teklîf olunan kavâjd ve esas dâiresinde zuhûr idecek tâlib ve şirketlere ihâlesi iktizâ ider ve umûr-i nâfiaca dâî-i müşkilât ve icrâ-yi ameliyyâtca müstelzim-i teahhûrât olan esbâb-ı mühimmeden biri de istîmlâk kazîyesidir.

Vâkiâ istîmlâk hakkında mevzû' olan kanûnun hükmü eshâb-ı emlâkin hukukunu te'mîn ve istîmlâk muâmelesini bir dereceye kadar teshîl itmiş ise de bir mûlkün temâru muâmele-i kanûniyyesi icrâ olunarak alınabilmesi kanûnda münâderic olan kavâide nazaran ihtilâf zuhûru hâlinde senelere mevkûf olacağını ve halbuki böyle ameliyyât-ı nâfia için teşekkül iden şirketler bu uğurda sarf olunmak üzere pek külli bir akçeyi sandıklarında saklamak ve bilâ-semere bu meblâg için hissedârân veya mukrizlere fâiz virmek lâzîm gelecegine ve alınacak hâne ve arâzînin kıymeti ise virilen fâiz ile mütenâsib olamayub öyle bir küçük şey mukabilinde şirketlerin külli zâyiâti gözü aldurmaları kolay olamayacağına binâen menâfi-i umûmiyye için mübâyaa ve ve iştirâsi lâzîm gelen emlâk ve arâzî hakkında her yerde câri ve mer'i olan usûl ve muâmelâta tevfîkan ya'nî menâfi-i umûmiyye için iştirâsi lâzîm emlâkin hükûmet ma'rîfetiyle kanun dâiresinde keşfi icrâ ve haritası ve mücibince me'mûr olan hey'et tarafından lâzîm gelen mazbatası terkîm ve imlâ olundukda sahib-i mûlk nezd-i

\* Bu Lâyihalâr, eserde, Turuk-u Maâbir Müdürü Mr. Galan'ın Takrir tercümesi suretinden önce aralanmışlardır. Sahife: 96, 113, 119.

hükümete celb ve mazbatanın hükmü şifâhen kendüsine tebliğ kilnarak kabül ittiği halde akçesinin tamamen yedine virilüb emlâkin müsteri olan tarafa teslim idilmesi ve sâhib-i emlâk bu keşf ü tahmini adem-i kabül ile i'tirâzda bulunduğu hâlde kanûnun kendisine virmiş olduğu her bir hukuku tamamıyla ifa itmek için kendisine ruhsat virilmesi ve diger tarafdan tâhmil olunan meblâg ihtiyâten yüzde yirmi ilâvesiyle bir Banka teslim ittilâb olbâbda alınacak makbûz senedi nezd-i hükümette hifz-i emlâk-i merkumemin âid olduğu tarafa ma'rîfet-i hükümetle teslim ittilâbda zâmnunda kanûn-i mezkûre zeylen bir fikra ilâvesi tezekkûr ve olbâbda kaleme alman fikra-i nizamîyye leffen takdim kilinmişdir\*.

İşte umûr-u nâfiyanın terakkiyyât ve icraâti hakkında ıcâb iden sen ve tecrübeye tevfîkan ittihâzi lâzım gelen teşebbüsât bâlâda beyân olunan suver ü tedâbirden ibâret olub sâlîfî'z-zikr lâiyihalar Devletce esâsen tetkîk ve ta'dîl ve kabûl ile tasdîk buyurularak ve icrâ olunacak ameliyyâtın menâfi-i umûmiyyeden idügine Devletce karar virilecek icraâta Nâfia Nezâreti me'zûn idildigi ve şimdiye kadar gerek timûryollara ve gerek saîr teşebbüsât-i nâfiaya kadar vukû'-bulan teklîfât üzerine tanzîm ve cânib-i Bâbiâliye takdim kilnân bir takım imtiyâzât lâiyihalarından bu esâsa muvafik bulunanların derhal tasdîkiyle muvafik olmayanların dahî eshâbına şu kaide ve esâsa ittiâ'a itmedikce imtiyaz i'tâ olunamayacağı cevabı virilerek gazetelerle dahî buraları cülmleye i'lân kilindiği halde bir zamandan berû sermâyedârâna âriz olan ye's ü sûtür mübeddel-i şevk ü gayret olarak ve artık bir takım bi-gaye ve bi-sermâye âdemler tabiî ortadan kalkub erbâb-i iktidâr ve haysiyyete kat'î ve muayyen bir esâs-i mürâaat açılarak bu vâsîta ile umûr-u nâfiada matlûb olan terakkiyyâtın az vakit zarfında hayyiz-i fiil ve vücûde geleceği ve anonim şirketlerin esâsi kollektif ve komandid şirketler gibi eşhâs itibâriyle olmayub mücerred sermâye üzerine mevzû' ve maksûd bir şey olduğundan ve kâide-i hukukiyye iktizâsunca akçenin milliyeti olmayacağı misillî hissedârândan ibâret eşhas-i gayr-i ma'lûmenin tâbiyyeti olamayacağından anonim şirketlerin tâbiyyeti hey'eti mecmûâlarına şâmil olub hissedârları tâbiyyetlerinin kat'îyyen hükmü ve binâenaleyh uhûd-i kadimenin hissedârlarından dolayı hey'eti mecmûâlarıyle Kavânîn ve Mahâkim-i Osmâniyyeye tâbi' şirketler umûruna ednâ mertebe müdâhaleyi istilzâmî idebilecek bir te'sîr olamayacağı ve bu hâlde hukuk noktai nazârinca mahâzîr mülâhazasına mahal olmayacağı tezekkûr idilmiş ise de olbâbda ve her hâlde emr ü fermân Hazret-i men-lehü'l-emrindir.

7 Muharrem 1300 6 Teşrinisani 98

HÂSAN FEHMI

RAIF

SIBALD

GALAN

ashna mutabiktur

ALI RIZA

\* Eserin sonlarında, Meclis-i Mahsus, Umûr-i Nâfia Lef 10 dadır. Sahîfe : 149.

Meclis-i Mahsus 3325. Umur-i Nâfia Lef 4. \*

### NÂFIA NEZÂRETİNDEN BAŞVEKÂLETE YAZILAN TEZKERENİN SÜRETİDİR

Sâniha-pirâ-yi Sudûr olan İráde-i Seniyye-i Hazret-i Pâdişâhi mantûk-ı âlfsine tevâfîkan umûr-ı nâfia ve ticaret ve zirâatle sanayiin esbâb-ı terakkiyyât ve islahâtının müzâkeresi zîmnâda teşkil buyurulduğu (..... tarihli Tezkere-i Seniyye-i Cenâb-ı Vekâlet-penâhîleriyle emr ü iş'ar buyurulan Komisyon Nâfia Nezâretinde bil-ictima' umûr-ı nâfiaya dâir cereyan iden müzâkerât netîcesini hâvi tanzim olunan mazbata ve bir kît'a harita evrak-ı müteferriasiyle berâber leffen Huzûr-ı âli-i Cenâb-ı Hidîv-i Efhamiyelerine takdîm kilindi. Mazbata-i mezkûrede arz ü irâe olunan tedâbirin bi't-tabi' zât-ı maslahatın hâiz olduğu ehemmiyyet nisbetinde nazar-ı dikkat ve ehemmiyyete alınacağı bedîhî ve çünkü çarh-ı Devletin mihver-i idâresi olan umûr-ı mâliyyeyi bi'l-islah istihsâl-i muvazene ile berâber menâlik-i Osmâniyyeyi bulunduğu inzüâyeka-i mâliyyeden istihlâs ve te'min idecek vesâit ve tedâbir ne zamân-ı virgû ve ne de akd-i istikrâz gibi maddeten kabil-i icrâ olmayan menâb'ide aranmayub elbette âcilen tezyîd-i servet-i mülkiyye ile berâber teksir-i vâridât-ı Hazîneye cidden hizmet eyleyecek ve hattâ gerek ticaret ve zirâat ve gerek umûr-ı sanâyi ve belki mübâlâga olmayarak ulûm ve mârifîsâ direlerini dâhi derece-i matlûbede tevsi' idecek olan umûr-ı nâfiada taharri itmek mecbûriyyeti sahîhasında bulunulduğu ve Devletce ma'lûm ve meczûm olmak tabîi idügine binâen olbâbda daha ziyâde izâhât i'tâsına hâcet görülememişdir. Şu kadar ki Mazbata-i mezkûrede nazar-ı tetkîkden geçirilüb de müzâkere-i maslahat olunacağı sîrada Devletce menâfi-i umûmiyyeden olduğuna karar virilecek timûryol ve sâir inşâât-ı nâfiadan meselâ Bağdad timûryolu ve Trablus ve Beyrut limanları gibi ba'zi i'mâlatın inşâsını der'uhde idecek şirketin Meclis-i İdâre Riyâseti Devletce ta'yîn idilecek bir zâta âid olmak veyahud olbâbda virilecek imtiyaz Devletce intihâb olunacak zâta âid ve binâ-berîn sahib-ı imtiyâz sifatiyle Meclis-i İdâre Riyâseti dahi o zâta râci' bulunmak gibi ba'zi şerâitîn müzâkeresiyle esasen kahul idildigi hâlde teferruâti dâhi ana göre kararlaştırılması ve bir de Bagdad timûryolu ve bazı şuabâti gibi i'malât-ı cesîmenin müteahhitlerine ba'zîlarının teklifleri vechile timûryol i'mâl olundukdan sonra hâsî olacak âşâr ve maâdin ve orman varidâtının fazlasından yüzde yirmi raddesinde bir akçenin i'tâsı ve yolların iki tarafında meselâ ikişer büyük kilometro mesâfeye kadar sîrf arâzî-i hâliye-i mîriyye var ise bir günâ imtiyâz ve mülkiyyeti tahtında olmaksızın müteahhitlere mücerred zirâat ve intifâ' salâhiyyeti virilmesi veyhut şu sûretlerden sarf-ı nazarla kezâlik ba'zi erbab-ı istid'ânın istedikleri üzere timûryolların iki tarafında onar kilometro meâfedeki arazi-i hâliyyenin müteahhitlere i'tâ ve tefvîz kılınması şıklarından kangısu esasen şâyân-ı kabul ve daha ziyâde muvafîk-ı maslahat olduğunun dâhi tetkîkiyle bir karar alınması hizûmunun arzına müsâberet kılınmış ise de icrâ-yı icâbi Rey'i Âli-i Cenâb-ı Vekâlet-penâhîlerine menûtdur. Olbabda ve her halde emr ü ferman Hazret-i men-lehü'l-emrindir.

7 Muharrem 300 ve 6 Teşrinisani 98.  
HASAN FEHMI

Aslina mutabiktr

Ali RIZA

\* İşaretli kisimlar Arxivdeki asillerine basılı olup esere aynen alınmıştır. C. D.

Meclis-i Mahsûs 3325. Umûr-ı Nâfia Lef 2.

İsâbet-eftâ-yi sünûh olan İráde-i Seniyye-i Hazret-i Pâdişâhi mucib-i âlisince geçende teşkil olunan İslahât Komisyonlarından umûr-ı nâfia ile zirâat ve ticaret ve sanâyiin esbâb-ı İslâh ve terakkîsini ta'yîne me'mûr Komisyon bu def'a i'mâlât-ı nâfiaya müteallik olan müzâkerâtını ikmâl ile Mazbatasını i'tâ eylemiş olduğundan bugüne kadar in'ikad iden meclis-i bendegânemizde kırâat ve mütâlâa olundu. İmalât-ı nâfianın enva' ve derecâti ve Memâlik-i Mahruse-i Şâhânedede bu bâbdaki ihtiyâcâtın istifası ne gibi esbâb ve tedâbîre mürâcaatle hâsil olacağı ve teşekkür idecek şirketlerin Osmanlı ve Kavânîn ve Mahâkim-i Devlet-i Aliyyeye tâbiiyetleri şart-ı â'zam olmağla berâber imtiyâzâtın şerâit-i gayr-ı marziyye üzerine müesses olmaması nasıl takayyûdâta mevkûf bulunduğu Mazbata-i mezkûrede ve imtiyâz ve şartnâmelerin menâfi' ve makasid-ı Devlete muvafık olması için ne şekil ve tarz yapılması lâzım gelecegi dahî tanzîm olunan nûmûnelerde muharrer olmağla tek-rârina hâcet görülmeli. Mütâlâalarından mühâlât-ı ilm-i âli olacagi vechile Mazbata ve tezkerenin ve berâber olan lâyihalarm mündericâtı ve istimlâk usûlünüün teklif olunan cihet-i ta'diliyesi maksat ve tecrübe ve icâbât-ı fen ve kaideye tevfîkan tasavvur olunmuş tedâbîrden bulunduğuna binaen bir an evvel icrâ-yi mukteziyatında ve sermâyedârânın temin-i menâfi' ile celb-i rağabâti zîmnâda inşa olunacak timûryolların geçtiği mahallerin tâbi' olduğu sancaklar vâridât-ı öşriyyesi ve o sañ caklardaki orman ve maâdin vâridâtı timûryollar inşa olunduktan sonra ne kadar fazla bulur ise timûryolların beher kilometresi yirmi beş bin frank temetti' hâsil idinceye degin noksanına mukabil müteahhitlere işbu fazlanın yüzde yirmi beşi ile berâber yollarm iki tarafında ikişer buçuk kilometre mesâfeye kadar sîrf arazi-i hâliye-i mîriyye var ise bir gûnâ imtiyaz ve mülkiyyet tahtunda olmamak ve civar köyler ahâllisinin ihtiyâcâtına aid olan arâziye dokunulmamak ve koloni getürilmemek üzere mücerred zirâat ve intifâ' için hakk-ı muzaraa i'tâsi ve eger bu yolda hakk-ı muzaraa istemeyüb de yalnız âşâr ve orman ve maâdin fazla vâridâtundan hisse taleb idenler olur ise işbu fazlanın yüzde eliye kadar terki mücâz olması suretlerinin esas ittihâzında ittihâd-ı efsâr hasıl olmağla ba'demâ umûr-ı nâfiaca Devletin maksat ve efsâri malûm olmak ve umûr-ı nâfiaca bunların meslek-i hareket ittihâzıyla nûmûneleri tanzîm olunan mukavelât dâiresinde istidâ-yi imtiyâz idenlerin müstediyâti nazar-ı i'tibâre alınacağı ve taleb ü mürâcaatlari bunlara tevâfuk itmeyenlere cevap virilecegi bilinmek üzere Mazbata-i ma'rûzedede istizân olunduğu vechile Dersâdet ve Avrupâda ilân- keyfiyyât ve ba'dehû icrââtma devâm kılınması ve bir de göl ve bataklıklar arâzi-i muvakât hükmünde olmağla sâver-i tathâriyye ve müddet-i muâfiyyeti Arâzi Kanunnamesinde arâzi-i mevât hâkkında münderic olan ahkâma tevfîkan vilâyetlerce icrâ-yi icâbi için işbu me'zûniyyet-i Kanûniyyenin te'kidiyle şayed mesâg-ı kanûniden ziyâde a'sârdan muâfiyyet istiyenler veyâhut emr-i tathîr üç sene den ziyâde müddete muhtaç yerler olur ise olvakit Nâfia Nezâretine mürâcaatle buraca ittihâz olunacak karara ve bi'l-istizân müteallik buyurulacak İráde-i Seniyyeye göre icâbâtının icrâsi tezekkûr ve tensîb kılınmağın olbâbda ve katiba-i ahvâlde emr ü ferman Hazret-i men-lehûl-emr Efendimizindir.

7 Muâharrem 300 - 7 Teşrinisânî 98

SAIT AHMET ESAT MAHMUT NEDİM OSMAN NURİ HASAN-PÂŞA MEHMET SAIT  
(nâmizac)

MEHMET ÂKÎF ESEYYİD ALİ SAİD ESEYYİD AHMET MÜNİR ESEYYİD MEHMED ÂSİM  
ABDÜLLÂTÎP SUBHÎ ESEYYİD MUSTAFA HASAN FEHMI ESEYYİD MUSTAFA VEHBI

İşbu Meclis-i Vükelâ Mazbatasıyle evrâk-ı müteferriâ-i ma'rûze manzûr-ı âlı buyurularak ber-vech-i tezekkür ve istîzân muâmelât-ı mukteziyyenin ifâsi hususuna İrâde-i Seniyye-i Hazret-i Pâdişâh müteallik ve şeref-sudûr buyurulmuş olmağla olbâbda emr ü ferman Hazret-i men-lehül-emrindir.

17 Muharrem 300 — 17 Teşrinisânî 98  
Ali Rıza

Meclis-i Mahsûs 3325. Umûr-i Nâfia Lef 10.

#### FIKRA-i NİZÂMÎYYE SÜRETİDİR

İşbu Kanûnun ikinci faslında münderic muâmelât-ı evveliyye icrâ olundukda sahib-i mûlk ta'yîn olunan kıymete râzî olmaz ise kıymet-i muhammene ihtiyâten yüzde yirmi fazla ile bankaya veyâ kanunen ta'yîn olunan mahalle teslîm olundukdan ve olbâbda alınan makbûz senedi Hükûmet-i İcrâiyeye i'tâ kilindikdan sonra alınması lâzım gelen mûlk Câlib-i Hükûmetten müsteri olan tarafa teslîm ittilür. Şukadar ki işbu muâmele tarafeyin zîkr olunan kanun ile hâiz olduğu sâir hukûkuna ka'tiyyen hâlel virmeyecektir.

İrâde-i Seniyye Tarihi.

17 Muharrem 1300 ve 17 Teşrinisânî 1298  
Aslina mutabiktir  
Düstûr Encümeni.

Meclis-i Mahsûs 3325. Umûr-i Nâfia Lef 11.

#### FIKRA-i NİZÂMÎYYE SÜRETİDİR

İşbu kanûnun ikinci faslında münderic muâmelât-ı evveliyye icrâ olundukda sahib-i mûlk ta'yîn olunan kıymete râzî olmaz ise kıymet-i muhammene ihtiyâten yüzde yirmi fazla ile bankaya veyâ kanunen ta'yîn olunan mahalle teslîm olundukdan ve olbâbda alınan makbûz senedi Hükûmet-i icrâiyeye i'tâ kilindikdan sonra alınması lâzım gelen mûlk câlib-i hükûmetden müsteri olan tarafa teslîm ittilür. Şukadar ki işbu muâmele tarafeyin zîkr olunan kanun ile hâiz olduğu sâir hukûkuna ka'tiyyen hâlel virmeyecektir.

Meclis-i Mahsûs (Umûr-i Nâfia 12 Leffi vardır)

#### Devletlû Efendim Hazretleri

Geçende Sâniha-pirâ-yi sudûr olan emr ü fermân-ı isâbet-ünvan-ı Cenâb-ı Mülkdârı muktazâ-yi âlisine tevkîkâr teşkil buyurulmuş olan komisyonlardan Umûr-i Nâfia ve Ticaret ve Sanâyiin müzâkere-i esbâb-ı terakkîyyâtına me'mûr olan komisyon mevâdd-ı nâfiaya âid me'mûriyetini ikmâl eylediginden buna dâir olan mazbatası müteferriâtiyle berâber Meclis-i Vükelâda lede'l-müzâkere kararını hâvi kaleme alınan mazbatâ evrâk ile birlikte lessfen arz ve takdîm kılınmağla Mukavele müfad ve medlülüne nazaran icrâ-yi mukteziyâtı hakkında İrâde-i Seniyye-i Cenâb-ı

Pâdişâhî ne vechile şeref-sâdir olur ise mûcib-i âlisine tevfik-i hareket ve ticâret ve sâir kismına müteallik müzâkerât ile diger komisyonlar vazâyifinin dahî ikmâliyle Atebe-i Seniyye-i Mülükâneye arzına müsâraat olunacağı beyâniyle tezkere-i senâverf takdim kilindi efendim.

7 Muârrem 300 — 7 Teşrinisani 98  
SAIT

Mârûz-i çâker-i kemîneleridir ki

Resfe-i dest-i tâzim olan işbu tezkere-i sâmiye-i vekâlet-penâhileri ve mel-füf Meclis-i Vükelâ Mazbatası evrak-ı müteferriasiyle berâber manzûr-ı âlı buyurularak olbâbda müteallik ve şeref-sudûr buyurulan İrâde-i Seniyye-i Hazret-i Pâdişâhî Meclis-i Vükelâ Mazbatasına tezyîl ile tebliğ ve evrak-ı mârûzenin sûretleri dahi leffen Savb-ı Sâmi-i Fahimânelere tesyîr kilinmiş olmağla her hâlde emr ü fermân hazret-i men-lehü'l-emrindir.

17 Muârrem 300 — 17 Teşrinisani 98  
ALİ RIZA

Muârrem T 27 Safer T 3 T 1308 Bâbiâlî Hazine-i Evraki 18 Muârrem 300  
Meclis-i Mahsus-u Dahiliyye

Meclisi Mahsus 3325. Umûr-i Nâfia Lef 3

Nezaret-i Umûr-i Nâfia

Meclis Kalemi

Numara

61

#### HUZUR-I FAHÂMÂT-MEVFÛR-I CENÂB-I SADÂRET-PENÂHÎYE

Mârûz-i Çâker-i Kemîneleridir ki

Menâfi-i umûmiyye için mevzu' İstîmlâk kanûnuna zeylen Komisyon-u Mahsusunca kaleme alman ve Meclis-i Mahsus-ı Vükelâ karariyle bi'l-istizân icrâ-yı icâbına İrâde-i Seniyye-i Cenâb-ı Pâdişâhî müteallik buyurulub 22 Muârrem 1300 ve 22 Teşrinisâni 98 tarihli ve 105 numaralı Tezkire-i Sâmiye-i Cenâb-ı Sadâret-penâhileriyle mûrsel evrak meyânunda bulunan fikra-i kanûniyye esbâb-ı mûcibesiyle beraber Vakit gazetesine virilerek resmen i'lân idilmiş ve Divân-ı Hümâyûnca muâmelât-ı muktaziyyesi ifâ olunmak üzere ash leffen Huzûr-ı Âli-i Cenâb-ı Hidîv-i Â'zamilerine takdim kilinmiş olmağın olbabda emr ü fermân hazret-i men-lehü'l-emrindir.

2 Safer 1300 ve 2 Kânûnûevvel 98

HASAN FEHMI

## ARZ TEZKERESİNE EKLİ EVRÂK

Bâbiâli Hazine-i Evrakı  
 İrâdât-ı Seniyyeye mahsûs Melfûfat  
 cedvelidir

İrâde-i Seniyye numarası	Tarihi	İrâde-i Seniyyenin hâlası
1308	17 Muharrem 300	Umûr-ı Nâfia ve Ticaret ve sanâyiin müzakeresi zimnînda teşekkül iden Komisyon'a dâir
Aded-i melfûfat	Melfûfat numarası	Bâlâdaki İrâde-i Seniyyenin melfûfu bulunan evrakin envali
I	58	Meclis-i Viâkelâ Mazbatası
I	61	Nâfia Nezâretinin Tezkiresi
I	0	7 Muharrem 300 tarihli Nâfia Nezâretinin tezkiresi sûreti
I	1308	Şartnâme Lâyihası
I	1308	Mukavelenâme Lâyihası
I	58	Nizamnâme-i Dâhilî Lâyihası
I	1308	Takrir tercümesi
I	0	7 Muharrem 300 tarihli Komisyon Mazbatası
I	0	17 Muharrem 300 tarihli Fikra-i Nizâmiyye sûreti
I	1308	17 Muharrem 300 tarihli " " "
I	58	Harita
II	Yekün	

Meclisi Mahsus | 3325

Başbakanlık Arşivi  
 [Umûr-ı Nâfia Lef I]

Not: Bu liste, Arşivdeki Cetvelin aynıdır. Ancak, konunun daha iyi anlaşılması için, eserinizde  
 bunlar konu ile ilgi bakımından sıralanmışlardır.

C. DİNÇER.



*Güzergâh :*

Tarîkin Kastamoni'ye kadar doksan kilometre mahalli küşâd olunmuş ve bunun nisfinda taş ferş idilerek şosesi yapılmış ve i'mâlât-ı sınaiyyesi ile cüz'î şeylerden ibâret kalmış olduğu halde henüz ikmâl idilmemişdir. Tarîk-i mezkûr İnebolu'dan i'tibâren dokuz sâate degin yüzde ikiden on ikiye kadar meyilli yokuşlar vâsîtasıyla yükselmekte ise de bu yokuşların derece-i meyelânının tâdîl ve İslâhi mümkün olabilir. Andan sonra yüzde sıfırdan beşe kadar meyiller ile dolaşarak Kastamoni'ye vâsil olur. Kastamoni'den Tosya'ya kadar olan mesâfe ise on iki saat olup bunun üç sâati müdevverü's-şekil cibâl arasından geçer ve Tosya'dan Çangırı'ya kadar olan mesâfe on üç sâat ve Çangırı'dan Ankara'ya kadar dahî yirmi iki sâatdir. Tarîk-i mezkûr güzergâhının şu kısmında zemînin ârizaları tedrici olduğundan iniş ve yokuşların derece-i meyelâni yüzde dört veya beş nisbetinde olacakdır. Tarîkin geçtiği mahaller arâzisinin terkibatına gelince arâzi-i mezkûre kircli (kürecli) toprak ve çamurdan ibâret olup ekseri mahalli ve ezcümle İnebolu ile Kastamoni arasında ve Ankara civarında ba'zi mahallerinde kıızıl ve karataşlar bulunur ve tarîkin inşaâti içün muktazî olan levâzîm-i inşâiyye kesret üzcedir.

*Mâhsûlât :*

Bu tarîkin İnebolu'dan Kastamoni'ye kadar dokuz sâatlik mahalli meşe ve kes-tâne kayın ve çam ağaçlarından ibâret ormanlardan geçirüp üç sâatlik mesâfesi dahî her mevsimde kaabil-i mürûr ve ubûr yaylalardan ve altı sâathik mahalli kâmilén mezrû' tarlalardan mürûr ider. Sinob'dan Kayseriyye'ye kadar yapılacak tarîk boyunca olduğu gibi bunda dahî zehâir ve meyve ve bal ve tiftik ve hayvânât ve kûrd atları bulunur. Kastamoni'de vâsi' bağçeler ve münbit tarlalar bulunub şuralarda pirinç ve keten ve halat i'mâline mahsûs kenevir hâsil olduğu gibi bezler dahî i'mâl olunur.

İnebolu civarında eski bakır ma'denleri var ise de işledileyor ve Gerede'de krom ta'bîr olunan ma'denler ve İnebolu ile Kastamoni ve Çangırı civarında linyit bulunduğu gibi Çangırı'da cesîm memlehalalar dahi vardır.

**Bartîndan Zağfranbolu'ya Kadar Olan Tarîke Dâirdir :**

Bu tarîkin mecmû-u tûlü takriben yüz kilometre olub beher kilometresi (652,17) liradan masârif-i inşâiyyesi cem'an (65.217,39) lira tahmîn olunmuştur.

*Güzergâh :*

İşbu tarîkin güzergâhı yokuşlarının meyli yüzde altıyı tecâvîz itmemek üzere bi's-suhûle ta'yîn ve inşâ olunabilir. On iki sâatlik mahalli meşe ve kestane ve kayın ağaçlarından ibâret gayet sık ormanlar içinden veyâ civarından gececekdir.

*Mâhsûlât :*

Bartîn'da Tersâne-i Âmire ve Derseâdet içün kereste kat' u naklolunur ve emtia-i ticâriyye nakline mahsûs gemiler dahî inşâ kılınur. Arâzî-i mütecâviresi mahsûldâr olub bugday ve misir bugdayı ve üzüm ve sâir meyve ile zeytûn yetiştirdiği misillû oralarda hayvânât sürüleri dahî çokdur. Zağfranbolu'nun etrâfında vâsi' ovalar mevcûd olduğundan bugday ve meyve ve üzüm ve bal ve hayvânât ve tiftik yetişür ve mahsûlât-i mezkûrenin ekserisi Bartîn tarîkiyle Derseâdete nakl olunur.

**Bandırma'dan Balıkesir'e Kadar Olan Tarıke Dâirdir :**

Bu tarıkın mecmû-u tülü takrifben yüz on kilometre olduğundan ve beher kilometresi (782,60) lira hesâbiyle mecmû-u masârif-i inşâiyyesi (86.086,95) lira tahmîn idilmişdir.

*Güzergâh :*

İşbu tarık Bandırma'dan ayrıldığı gibi sevâhil boyunca bulunan küçük dağlardan geçdikten sonra Manyas gölünün ya şark veya garp cihetinden doğru Mihaliç ovasından geçerek Balıkesir'e müntehî olur. Arâzînin cinsi ise kırıcı (kireçli) toprak ve çamurdan ibaret olub ba'zı mahallerinde yanmış kayalar müşâhede olunur. Bandırma taşları İstanbul sokaklarında kaldırırm inşâsında istî'mâl olunur. Tarîk-ı mezkûrda iniş ve yokuşların derece-i meyelânı yüzde altıyı tecâvüz itmez. Levâzîm-i inşâiyye kesret üzere olup tarıkın inşaâtınca tesâdîf olunacak müşkilât emr-i azîm denilecek mertebede değildir.

*Mahsûlât :*

Mihaliç suyunun vâdisi yirmi bin kilometre murabba' vüs'atinde olup gayet mahsûldâr arâzîden ibârettdir. Buraların mahsûlâtı Bandırma'ya indirilüb oradan Derseâdete ve Bahr-i Sefid ve Bahr-i Siyâha nakl-idilür. Şu mahsûlât külliyyetli zehâir ve misir buğdayı ve bakla ve dari ve keten tohumu ve meyve ve üzüm ve bal ve afyon ve duhan ve zeytûn ve pamuk ve yapağı ve keten gibi şeyler olduğu ve bu yerlerde hayvânât dahî bulunduğu gibi bez ile çuha dahî i'mâl olunur. Bandırma'da tahta ve kereste ve Mihaliç bataklıklarından çıkan kamışlardan ma'mûl hasırlar sefâin ile Derseâdete nakl-idilür. Bandırma civârında borasit ma'denleri dahî mevcud olub işlediliyor.

**Ayvalık'dan Bergama'ya ve Kırkağac'a Kadar Olan Tarıka Dâirdir :**

Bu tarıkın mecmû-u tülü takrifben yüz kilometre olup beher kilometresi (608,69) lira hesâbiyle masârif-i inşâiyyesi (60.866, 56) lira tahmîn olunmuşdur.

*Güzergâh :*

İşbu tarıkın nisfi yapılmış olub zeminin ârzaları cüz-i olduğundan kusûrının i'mâlinde birçok i'mâlât-i türâbiyyeye hâcet kalmayacağı gibi levâzîm-i inşâiyye dahî külliyyet üzere bulunduğuandan tarîk-ı mezkûr bi's-suhûle ikmâl olunabilir.

*Mahsûlât :*

Bergama'nın on beş bin nüfusu olub arâzisi gayet mahsûldârdır. Zehâir ve misir buğdayı ve fasulye ve bakla ve üzüm ve sâir meyve ile zeytûn ve incir husûle geldiği misillû bal ve afyon ve palamud ve sisam ve ipek ve pamuk ve yapağı hasıl olur. Deri ve sahiyan dahî i'mâl olunur. Oralarda külliyyet üzere hayvânât da bulunub hattâ atları ziyadesiyle makbûldür ve ihrâcâti külliyyetlidir.

**Antalya'dan Isparta'ya Kadar Olan Tarıka Dâirdir :**

Bu tarıkın mecmû-u tülü takrifben yüz altmış kilometre olup beher kilometresi (652,17) lira hesâbiyle masârif-i inşâiyyesi cem'an (104.347,82) lira tahmîn olunmuşdur.

*Güzergâh :*

Antalya'dan bed'-iden tarıkın otuz beş kilometre mahalli ovadan geçer ve bunun da on iki kilometre mahalli inşa olunmuştur. Bundan sonra meyli yüzde altı derece olmak üzere yokuşlar vâsıtasıyla yükselib Toros dağlarının basit bir noktasından mûrûr ider ve andan Bademagaç ve Mil ve Bıçak ve Ağlasu nâm mahallerden doğru Kestel Gölü vâdîsine iner ve Isparta veya Burdur kadar imtidâd eyler ve bu kasabaların birine müntehî olur ve arâzisinin cinsine gelince ekseri mahalli kircli (kireçli) taş ve ba'zı mahalleride yanmış kayalardan ibâret olduğundan levâzîm-i inşâiyyenin külliyyet üzere bulunabilir ve i'mâlât-i sinâiyyesi cüz'î şeylerden ibâretdir ve dağlar ile tepeciklerin müdevverü's-şekl bulunması hasebiyle güzergâh bis-sühûle ta'yîn olunabileceği gibi inşaâtın pek de masraflıca olmayacağı tahmin olunur.

*Mahsûlât :*

Havâlî-i mezkûrenin mahsûlâtı Bandırma ile Balıkesri arasında çikan mahsûlât gibidir. Isparta ile Burdur arasındaki arâzî kesretle meskûn olub dağda servazar ağaçlarından ibâret ormanlar vardır.

**Maraş'tan Sis ve Adana ve Karataş'a Kadar Olan Tarika Dâirdir :**

İşbu tarıkın mecmû-u tûlü takrıben iki yüz kilometre kadar olduğundan beher kilometresi (434,78) lira hesâbiyle masârif-i inşâiyyesi cem'an (86.956,52) lira tahmin klînmişdir.

*Güzergâh :*

Tarıkın inşâsi Karataş ile Adana arasında gayet kolay olub Adana'dan Sise kadar yapılacak kısmında dahî pek çok müşkilâta tesâdüf olunmayacağı melhûzdur. Şu kadar ki Maraş'a kadar varılması için Ceyhan nehri sevâhilinin gâyet sık mahallerinde inşaâtca müşkilât görülecektir.

Tarıkın geçeceği mahallerdeki arâzînin nev'ine gelince Karataş civârındaki kircli (kireçli) topraktan mürekkep tepecikler ve ovada Adana'ya kadar tuğyan-ı miyâhdan sonra âriz olanı çamur tabakat-ı cesîmesinden ibâretdir. Adana ile Sis arasındaki mahallerde tahaccür itmiş çamur ve kumlu taş ve kireçli toprak ve taş ve ovanın çukur mahallerinde sulardan kalmış çamur tabâkaati müşâhede olunur. Daha ötelerde ise yumuşak kircli (kireçli) taşlar ve ötede berûde kara mermer parçaları dahî vardır.

*Mahsûlât :*

Adana ve Sis ovalarında külliyyet üzere pamuk ve zehâir yetişür. Bundan başka ba'zı bağçelerde şeker kamışı yetiştirmekte olduğu gibi Suriye ile İzmir vilâyetlerinde çikan mahsûlâtın cümlesi inşa olunmuş husûlüne bu kit'a-i arâzînin kabiliyyeti vardır. Dağlarda kırmızı çam ormanları ile ba'zı mahallerde çam ağaçları dahî bulunup şunlardan kat'-olunan kereste Kıbrıs ile Suriye ve Mısır gönderiliyor. Maraş civârında Osmâniyye nâm mahalde güzel meşe ağacından ibâret ve şâyân-ı dikkat bir orman vardır. Akarsular da kesret üzere bulunduğu gibi havası dahî mezrûâtına gayet müsâiddir.

**Hâtime-i Kelâm**

Mecmû-u tûlü iki bin beş yüz kilometreden ibâret olan bâlâda ta'yîn olunan tarıklerin beher kilometresi hadd-i vasat itibariyle (669,43) liradan masârif-i inşâiyesi tahminen (1.696.956,52) liraya bâliğ olur.

**FASL-I SÂNÎ**  
**TİMÜRYOLLAR BEYÂNINDADIR**

**Mülâhazât-ı Umûriyye :**

İzmirden Bağda'da kadar yapılacak timûryolu için iki güzergâh teklif idilmiş olub bunlardan biri İzmir'den bed' ile Eskişehir ve Ankara ve Sivas ve Malatya ve Diyarbekir ve Musul üzerinden Bağda'da müntehî ve diğerî dahî İzmit'den bed'-ile Eskişehir ve Kütahya ve Konya ve Adana ve Halep ve Anbar nâm mahalle kadar Fırat'ın sağ cihetinden kezâlik Bağdad'a vâsil olur.

Birinci sûret güzergâh ittihâz olunsa ikinci güzergâhtan daha uzunca olduğu gibi inşaâtca dahi daha ziyâde müşkilâtı dâ'i olacaği şöyle dursun bir muhârebe vukuunda ekseri mahallerinde muâmelât-ı nakliyyenin düşmen tarafından inkâtâi tehlikesine uğrayabilmek ihtimali zâhirdir.

İkinci güzergâh ise huduttan daha uzak olduğu gibi İzmir cihetinden ve İskenderun körfezinden sâhil-i deryâya kesb-i iltisâk itmesi mümkün olduğu ve bundan başka tecâvüz-ü â'dâya en müsait olan cihetlerinde bile yine Toros cibâl-i müteselâlesi ve Şatt-ı Fırat nehirleri ma'rifiyle şunun muhâfazası kabil olacaği bedîhîdir.

Şat nehri denize mansab olduğu mahâlden Bağdada kadar her mevsimde kabıl-i seyr ü sefer olub hattâ küçük vapurların dahi Fırat nehrinde Anbar'dan Balis'e kadar çıkarlar. Mukaddemâ Şat ile Fırat nehirleri Bağdad ile Balis arasında bulunan bir kanal ile yekdigerine rabt-idilmiş olduğu gibi mezkûr kanalın yeniden tathîr ve küşâdi mümkün olacağından Şatın nokta-i munsabî ile Balis arasında küçük vapurlar işledildiği halde bunların hattın inşâsına müstelzem olacaği külli teshîlât ve muhasenâtdan başka bir harp yukuñunda düşmen tarafından timûryolun tahrîbi tasavvur edildiği takdirde dahî mezkûr timûryolun muhâfazasına sâlîfî'z-zikr vapurlardan külli muâvenet görülür.

Ta'rîf olunan şu ikinci sûret güzergâh ittihâz olunarak hatt-ı kebîr yapılib da haritada gösterilen şu'beleri inşâ kihndığı halde hatt-ı mezkûrun Anadolu'da bulunan kasabât-ı cesîme ve arâzî-i ma'mûre ile rabt-idilerek sâhil-i deryâ ile olacak cihât-ı iltisâkiyyelerinden mezkûr Anadolu kît'asının mahsûlâtum icâb-ı hâle göre yâ İskenderun körfezine veya İzmir veya Dersetâdet cihetine nakline vâsita olması cümle-i muhassenât-ı azîmedendir.

Bâlâda ta'rîf olunan şu iki güzergâhtan başka İzmir'den bed' ile Bolu ve Tosya ve Amasya ve Tokat ve Sivas ve Malatya ve Diyarbekir ve Musuldan geçerek Bağdad'a müntehî olmak üzere diğer bir üçüncü güzergâh daha vârid-i hâtır olmuş ise de Bolu ile Tosya ve Amasya arasındaki arâzinin kircli (kireçli) taş ve toprakdan ibâret olduğu nazâr-ı mütlâkaya ahndıkda hattın inşâsına müşkilâtâ tesâdûf olunacağı misillû bu güzergâh sevkulceyş ve muhâfaza-i memlekât nokta-i nazariyle tetkîk olundukda dahî muhârebe vukuñunda yâ Bahr-i Siyâhdan veya Erzurum havâlisinden veyâhut Bâyezid cihetinden y'ani güzergâh boyunca tarîk-i mezkûr ba'zi tasallutât ve tahrîbâta uğramak tehlikesine hasbel-mevki' ziyâdece müsta'id idüğü tahakkuk ider.

Ma'mâfih şu üç güzergâhdan biri hatt-ı kebîr ve diğerleri mahrec veya şu'be